


VERRO PHYSICORUM LIB. X. 1590








N 1x
16/10


6558
A


CALGARTH PARK.

S.T.C. 24689

22902







SEBAST.
VERRONIS
FRIBVRGENSIS
HELVETII,
PHYSICORVM
LIBRI X.

Nunc primum in lucem editi.

Carolo Friderico, Dno. electo. Aug. 1702.



LONDINI,
Impensis Geor. Bishop.

1590

P R Æ F A T I O

minus tamen oblectatio illa ex frequentibus illorum qui in erudito hoc pulvere desudarunt, experimentis elucescit, cum post nonnullum laborem tantos fructus consequuntur, ut quid vitam sit vivere tum deum cognoscant, cum natura rationem de Solis accessu & recessu, de Luna incrementis, dierum varietate, omnium rerum ortu & interitu, prava suorum affectuum inclinatione ac nobilissimo mentis regimine didicerint: ex quo deinde arumnas aequo animo ferre, virtutes magna alacritate amplecti, originem suam cœlestem recolere, Deumq; conditorem in amplissimo hoc theatro prædicare queant, cum non magna solum illius sapientiam bonitatēq; testentur, sed minutissima quoque ac vilissima inditum quid habeant quod admirationem meritò mouere possit. Neque verò quod nonnulla sint abstrusiora, multaque fiant incerta ratione, quisquam dicat, naturam speculandam & venandam non esse: nam Sapiens ille Ecclesiastis tertio, mundum ob id hominum disputationi à Deo datum asserit, ut meditentur in omnibus operibus eius, & facta manuum eius explicent: unde factum est, ut primo mundi aëo infusa Physiologia cœlitus, postea semper fuerit exculpta: ac initio statim ne temporum iniuria periret, Adam & Seth columnas geminas erexerunt, in quibus altera aenea, & lapidea altera, Anni rationem & scientiarum principia insculpta posteritati consecrarunt: inde à patribus celebrata & in Chaldeam Egyptūque Palestina confines propagata, per Phœnices in Graciam derivavit, ubi Thaletem Milesium, atque Pythagoram Samium,

A D I L E C T O R E M.

Samium, à quibus Ionica disciplina & Italica magna Græciæ fluxit, primos habuit authores : quos secuti Anaxagoras, Architas Tarentinus, Heraclitus, Democritus, Zenon, Empedocles, Parmenides, Plato, Aristoteles, Euclides, Aristarchus, Archimedes totum naturalis hystoriæ negotium ex professo elaborare & profiteri cœperunt, tametsi nimium naturalibus rationibus fidentes, verâmq; rerum originem ac causam Deum nescientes, non paucos paganissimi nauios ei asperserint : denique in Latium aduecta, in nostris quoque regionibus florere cœpit : ut nullis seculis defuerint, qui eam non egregiè tractarint, auxerintque, ac si quæ à veteribus minus certa manassent, ea postea emendarint, aut usu inuenerint, comprobarintq;.


Caterùm quod ad dogmatum physicorum veritatem & puritatem attinet, quandoquidem plurima non minus absurda, quàm superuacanea irrepserunt, quæ adolescentes multò plures fatigatos, quàm solide doctos dimittunt, ego optimo cuique sincera philosophia sectatori suaderem, memor illius Pythagorici symboli φιλοσόφει τὸν ἑαυτοῦ ὄρεσθαι : cum philosophandum est veritatem quæ è cœlo est, sacrisque libris continetur, sequendam sibi proponat : nam cùm nullus suauior animo cibus sit, Lactantio autore, quàm cognitio veritatis, ideoque studia omnia & actiones eò tendere debent, ut animi integritas ea enutriatur atque ornentur : diuersis huiusmodi opinionibus atque à veritate alienis quàm parcissimè inherendum est : quæstiones verò otiosæ & quæ præter inanem subtilitatem nihil eruditionis & cognitionis asserunt, aspernanda sunt :

P R A E F A T I O

ne, quod frequenter euenit, tenerum ingenium primo gustu superfluis argutis offensum, quicquid reliquum est, inutile & insuauē arbitretur, respuatque. Piaculum aliquando Lateranense Concilium censuit, Mentem mortalem, unam omnium animam, aut mundum eternum profiteri: sed non leuius est absurdissima rerum principia omissis veris causis asserere ac mordicus tueri. Laudandi certè sunt veteres de studio indefesso, & mentis acumine in ijs quæ benè & rectè docuerunt: sed non ideo imitandi in plerisque de quibus certius nos & beatius edocti sumus: praesertim cum nec ipsi omnibus acquieuerint quacunque à suis audiuissent, sed ad Persarum Sophistas, Aegyptiosue sacerdotes vel India Gymnosophistas immensa itinera suscepserint, ut rerum origines peruestigarent: dedit namque omnibus pro virili portione Deus sapientiam, ut & inaudita inuestigare possint, & audita perpendere, ne si praeuius quis errore se precipitasset, temerè omnes & inconsideratè velut oues quæ iudicio destituta sunt, prolaberentur. Fuit hæc ferè causa, cur ego omissis nonnullis, immutatisque non paucis, uniuersæ Physicæ rationem, exemplis poetarum & usus humani illustratam, & quicquid iure sibi vendicabat complexam, accurata & quàm fieri potuit dilucida methodo breuiter ob oculos ponerem. Scripserunt multi de ea non minus argutè quàm ornatè: atque Aristoteles quidem antiquissima Physicæ monumenta, solidaque theoremata omnia quibus reliquum innititur, continet: interea tamen multum inutilibus disputationibus occupatur; Plinius varia natura exempla varius ipse

AD LECTOREM.

ipse narrat : Cardanus singularum rerum causis inda-
gandis delectatur : Philippus gratus exemplis est, ali-
que alijs nominibus præstant : ego imitatus sum quos-
cunque ad scopum proximè accedere vidi : tantùmq;
abest me nouitatis studio magis quàm candore quic-
quam mutauisse, ut sæpe quosdam ad verbum sim se-
cutus : tantùm, ut ad naturæ structuram perdiscen-
dam, faciliorem viam recto tramite monstrarem :
quamuis mihi in nonnullis minimè satisfecerim. Nec
me fugit, fore ut quorundam censuram subeam de au-
dacia & temeritate : tamen, licet dissensiones longè
abhorream, veræ methodi commodis, ac verita-
tis, qua nihil charius esse debet, amore
persuadentibus, rem aliter
formare & tradere
non libuit.



THE HISTORY OF THE
CITY OF LONDON
FROM THE FOUNDATION
TO THE PRESENT
TIME
BY
JOHN STOW
1597



IN SEBASTIANI

VERRONIS PHYSICA,

EPIGRAMMA *Wilhelmi*

Techterman Patricij

Friburg.

QVALE Syracusus nomen, famámq; decúsq;
A priscis fertur demeruisse senex:

Astra quod in tenui finxit labentia vitro

Nobiléque ætherei præbuit orbis opus:

Tale decus, laudémque tui meruère labores

Ingenij, varijs, docte Sebaſte modis.

Sydera nec tantùm, cœlique volubilis orbes

Aſtrorúmque docet parua tabella vias.

Latiuagi quicquid complexa eſt fabrica mundi,

Naturæ rerum progenetricis opes.

Exhibet hic rerum longè pulcherrimus ordo

Singula vbi ad certos ſunt reuocata gradus.

Híc motus, ſeries, cauſæ atque exordia rerum

Et mundi latè forma ſuperba vagi.

Et quæ conuexo ſplendescant ſydera cœlo,

Quæ vaga, quæ mancant limite fixa ſuo,

Quas elementa vices alterna ſorte miniſtrent,

Vt ſeruent nexus cuncta creata ſuos.

Vnde faces, cœlóque errantia ſigna per vmbra,

Quæque maris reſtui tingit amator aquas:

Rorésque pluuiæque & ſæuæ grandinis inaber,

Et rutili vires fulminis atque fragor.

Vnde trahas varios in nubibus Iri colores.

Qua celeres venti de regione ruant.

Pòſt grauidæ telluris opes atque ima pateſcunt

Viſcera, & in lato pulchra metalla ſinu.

Et qui fœcundo procedunt ſemine flores,

Quæue rudem folijs arbor opacat humum.

Et pecudum vitæ, & varijs animalia formis,

Atque homo diuinæ ſemina mentis habens.


Talia

Talia ceu nitido Lector mirere theatro,
 Agnoscasque Dei cunctipotentis opus.
Scilicet his hominem voluit præponere regnis
 Cura Dei, & vultus tollere iussit humo.
Vt tanta aspiciens rerum miracula, nolcat
 Esse creatorem qui fouet ista Deum.
Esse Deum immensum cuius sapientia mundi
 Quod fecit, magnum summa gubernet opus.
Sint procul æthereum nullis qui legibus orbem
 Et dubia ferri singula sorte putant.
Nos rerum moueat series & lucidus ordo,
 Quæue tenent certas sydera clara vias.
Hinc superas cupidam mentem tollamus ad arces,
 Quæue pios cœli regna beata manent.
Æternoque sonent laudes & carmina Regi,
 Ista quod humanis pandet ingenijs.
At quorum hæc nobis patefiunt arte virorum
 Inclyta non careant pectora laude sua.


SCE-




SCELETON TOTIVS PHYSICES.



LIBER PRIMVS.



LIBER SECVNDVS.




LIBER SECVNDVS.




LIBER SECVNDVS.

Primarius, ab ortu in occasum.




LIBER SECVNDVS.




LIBER TERTIVS.




LIBER QVARTVS.



LIBER. QVARTVS.




LIBER QUINTVS.




* Vapo-

LIBER QUINTVS.



LIBER SEXTVS.




LIBER SEPTIMVS.



LIBER OCTAVVS.



LIBER OCTAVVS.





LIBER OCTAVVS.



LIBER NONVS.



LIBER NONVS.



LIBER NOVVS.

Sensus Communis.

Cognitio singularium & similem:

Cognitio

Imaginatio absentium.

Vigilia

Aestimatio

Solertia.

Notio.

Docilitas.

Prænotio.

Formam, ut

Phantasia, cuius operatio in

Somno. Somnium, est vel

Naturale

Diuinum, quod de rebus gerendis aperte docet, ut Oraculum.

Diuinatorium quod

Simpliciter apparet, ut Visio.

Figura agit, ut Somnium.

Mirabilem, Phantasma.

Non præsagens, rerum

Gestorum, Insomnium.

(:)
Interiores:
quarum alie
rerum ideas


Retinent, ut Memoria.

); (Af-

LIBER NONVS.




LIBER DECIMVS.




* * Par-

LIBER DECIMVS.



FINIS.



PHYSICORVM

LIBER PRIMVS,

DE NATVRA.

CAP. I. *Quid Physica?*



PHYSICA est doctrina de natura rerum. Hæc enim cœli, syderum, & elementorum, adeoq; omnium quæ ex ijs constant & fiunt, rationem tradit, causasque inuestigat. De ea Virgilius primo Æneidos in hunc modum:

*Hæc canit errantem Lunam, Solisque labores,
Arcturum, pluuiasque Hyadas, geminosque Triones.
Quid tantum Oceano properent se tingere Soles
Hyberni: vel quæ tardis mora noctibus obstet:
Vnde hominum genus, & pecudes, vnde imber, & ignes.*

CAPVT II. *Quid Natura?*

NATVRA est essentia per se constans: quicquid enim vsquam existit, quod diuinitus infra vi qua subsistit, ad agendum aut patiendum aptum est, Naturæ appellatione intelligitur. Hinc ergo dictæ res naturales, quæcunque naturæ ordine fierent.

CAPVT III. *De primaria rerum efficiente causa.*

CVM autem scientiæ omnis perfectio in causarum accurata cognitione versetur, ne falsè pro veris assumantur, diligentius hoc loco res inspicienda est. Primo itaque loco Deus omnis naturæ autor & parens est. Condidit is ab initio cùm quæ sensibus sunt & corruptioni obnoxia, tùm interitus expertia quæ sensus effugiunt. Æternam is indidit legem, qua vi naturali quæque in suo genere persisterent, nouaque subinde propagarent, vt mira continua-

C

tionē

27. 43

tione ac velut perpetua serie motus rerum, & vis generandi seruaretur. Huius ordinis causa communi nomine, sed significatione à superiore alia, Natura dicitur, per quam Dei in rebus occulta operatio intelligitur, vt non ineptè Strato physicus tradidit.

CAP. IIII. De Fato.

Quia verò non omnia eadem lege fiunt, causæ statuuntur duplices: sunt enim aliæ certæ, aliæ contingentes. Certæ quæ perpetuò eodem modo agunt, vt Fatum & Necessitas. Fatum dicunt ordinem serièque causarum, cum causa causam ex sese gignit. Atque ita primum mobile diuina lege perpetuò circum terram mouetur, ipsum deinde orbis inferiores omnes secum rapit, quo motu astra subinde loco mutato pro vario positu, elementorum qualitates mutant, ex qua postremò alteratione omnium rerum quæ in his inferioribus consistunt, ortus duratio, & finis dependet, emanátque. Hinc enim hominum diuersa studia: præclara ingenia, magnique heroum animi originem ducunt & impelluntur: vt quod Cicero ait, Neminem virum magnum sine aliquo afflatu diuino vnquam fuisse, aliud (iuxta Iuuenalem satyra 7.) non sit, quàm

Sidus & occulti miranda potentia fati.

CAP. V. De Necessitate.

Necessitas est modus agendi ordinatus in rebus naturalibus. Hoc modo cælum perpetuò mouetur: & astra sua vi in hæc inferiora agunt: elementa in se inuicem mutantur: animata quæque in suo genere sibi simile generant: lapis ad vnum motum deorsum fertur: lumen lucet: Eo ipso modo magnes non potest ferrum non attrahere, nec Sol non exsiccare, ignis non vrere. Hæc tamen necessitas naturalis adeo non est immutabilis, quin vel Dei nutu, vel natura à scopo aberrante non possit aliter agere. Referunt enim sacræ Literæ Solem non solum cum Luna per diem integrum immotum persistisse, donec videlicet Iosua copias hostis deleteret, sed etiam in signum

Eze-

Ezechie regi datum, retrogressum, ut decem gradibus in horologio gnomonis umbra remearet: & Chaldei attoniti de portenti huius ratione perquirenda legatos ad regem Hierosolymorum mitterent. Et contra eandem hanc naturæ legem sæpius eduntur monstra, lapísque fursum propellitur cum natura aut vim patitur, aut casu impeditur.

CAP. VI. *De Contingentia:*

Eorum quæ incerta lege sunt, quædam contingenter fiunt, quædam fortuitò. Contingentia est modus naturæ agendi inconstans, qui nulla sit necessitate. Versatur autem in materia, aut voluntate. Secundum materiæ variam rationem diuersa multa contingunt in elementis & mixtis: ut è nube hac fulmen decidere, ex illa pluuiam: Ferrariam terræ motu concuti, sed non Florentiam: concrescunt, quandoque foetibus digiti manuum, propter materiæ confusionem. Voluntas propria causa est actionum animatorum, ut pictor hominem, aut plantam aut bestiam fingit: Tarquinius stuprum Lucretiæ infert, & quod Lupus hanc ouem è grege rapiat, illam dimittat, causa alia assignari non potest, nisi contingentia

CAP. VII. *De Fortuna.*

Fortuna dicitur, quando præter efficientis scopum, nec necessariò, neque euidenti causa antecedente aliquid accidit. Euentus autem omnes huiusmodi reducuntur ad angelos vel dæmones: quædam enim à pijs angelis iussu diuino fiunt: ut Tobiaë occurrit in flumine Euphrate piscis, cuius intestina medicamento essent patri & sponsæ futuræ: quædam à malis spiritibus permissu Dei: ut ædes in quibus liberi Iob epulabantur repentino casu corruunt: Gallorum exercitus Templum Delphicum diripere volentis magna pars grandine & fulmine proster nitur: tripodem aureum piscatores Milesij reperiunt: offerente dæmone, ut cultui suo in templorum adytis vsui esset. Proficiscuntur ergo euentus fortuiti omnes à diuina

C 2 prouiden-

prouidentia ita decernente vel permittente: inde adducti gentiles Fortunam Deam finxerunt: Iuuenalis satyra decima, in fine.

Nullum numen abest, si sis prudentia: sed te

Nos facimus Fortuna Deam, cæloq, locamus.

Nam fortunam casumue in rebus humanis quibuscunque per se quicquam regere potius quàm sapientiam & numen cœleste, nostrum non est credere, præsertim cum Basilii nihil temerè casumue agi in rerum natura, cōstanter affirmet.

CAP. VIII. *De Materiali rerum causa.*

Materia corporum simplicium & mentis nulla est: nam licet cœlo & elementis quibusque propria sit materia, tamen à Deo condita sunt è nihilo: & antequàm fierent: materia extitit nulla. Mistorum verò materia sunt elementa: illorum namque commistione omnia oriuntur, intereuntque, atque in illa postremum resoluuntur.

CAP. IX. *De formali causa.*

Singulas omnium rerum formas Deus tantum nouit: nam quæ sit cœli, elementorumque essentia, quæ pyri à pomo, violæ è rosa, leonis ab elephante, smaragdi à sapphiro, auri ab argento, quæ hominis à ceteris formalis differentia & essentia, homini est ignotum: nisi quantum ex specie externa, & naturæ effectibus assequitur. Adam protoplastes hac insigni notitia fuit præditus, cum ante delictum rebus omnibus nomina imposuit.

CAP. X. *De causa finali.*

Omnia sunt ad vtilitatem hominis facta: homo autem ad gloriam Dei. Etenim Sol suo lumine opportunitatem administrat agendi quæ sunt humani officij, cum detedit, quietis admonet:

——— *Suadentque cadentia sidera somnum.*

Deinde calore suo statis vicibus mundum vniuersum perlustrat, cuncta viuificat, fecundat & producit, vt homini alimentum suppeditet: Terra ad hominem & eius vitæ necessaria

cessaria sustentandum solidata est : Aer ad cordis calorem refrigerandum tenuis est, limpidusque. Mare arctis finibus se continens, homini loco cessit. Eadem de causa terra tot herbarum & stirpium genera cum ad victum, tum ad morbos fugandos profert. Animantia hominem imperatoriam quandam auctoritatem præ se ferentem formidant: quædam in laboribus iuuant, quædam veluti perpetuum censum in vestes vellus reddunt quotannis: & sicubi oves quæ hoc ministerio cæteris præstant, desunt, ne quid vspiciam homini deficiat, arbores gossipium ferunt, vt in multis partibus Africæ. Porro homo in hoc pulcherrimo theatro constitutus est, tanquam rerum omnium contemplator: vt ex visibilibus hisce miro suo ordine architecti sapientiam testantibus, Deum opificem agnoscat & celebret. Huius tractationis axioma est, Natura nihil agit frustra: & Natura tendit semper ad meliorem finem.

CAP. XI. De Mundo.

DE causis naturalibus dictum est, sequitur distributio Naturæ. Ea est in vniuersum corporea & incorporea. Corpus est natura ex materia & forma constans, vt mundus vniuersus. Huc pertinet axioma, Nihil corporeum æternū est. Est verò Mundus compages corporea cœli & elementorum, adeoque omnium quæ in eis continentur. Eius formam in descriptione Regiæ Solis ita expressit Ouidius secundo Metamorph.

————— *Nam Mulciber illic*

Aequora cælaras, medias cingentia terras,

Terrarumq; orbem, cælumq; quod imminet orbi.

Ceruleos habet vnda deos, Tritona canorum.

Terra viros, urbésque gerit, syluásq; ferásq;:

Fluminaq;, & nymphas, & cætera numina ruris:

Hæc super imposita est cæli fulgentis imago,

Signaq; sex foribus dextris, totidemq; sinistris.

Mundi partes seu cardines sunt quatuor, Oriens, Occidens, & Meridies, Septentrioque. Ab oriente in occidentem statuitur mundi longitudo: & vice versa, à meridie ad septentrionem latitudo. Est verò rotundus, interiturus etiam ali-

quando, vnus tantum, atque finitus.

CAP. XII. De mundi figura.

Rotundum esse mundum multę exque illustres ostendunt rationes, cœlum enim quasi circulum à terra quæ mundi centrum dicitur, æqualiter ex omni parte distare etiam oculis cerni potest, tum quod stellę in oriente & occidente (quantum nebulę non impediunt) eadem apparent magnitudine, tum quod sensim in orbem circumagi nemo non videat. Aqua verò, quia per decliua fertur, & amplios terrę sinus occupans, humilia complet, conuexum cum terra efficit globum: quemadmodum item ad oculum demonstrant eclipses Lunę, in cuius corpore cum deficit, Terrę & aque vmbra ad vnguem conuexam figuram refert. Hanc formam Ouidius descripsit, sexto Fastorum,

Terra pilę similis, nullo fulcimine nixa.

Aëre subiecto, tam graue pendet onus.

Ipsa volubilitas subiectum sustinet orbem

Quiq; premat partes, angulus omnis abest:

Cumq; sit in media rerum regione locata,

Et tangat nullum plūsue minūsue latus,

Ni conuexa foret, partis vicinior esset,

Nec medium terrę mundus haberet onus.

Et quantum summis, tantum secessit ab imis

Terra, quod ut fiat, forma rotunda facit.

Aër denique & ipse quia terram ambit, intráque Lunę concavum continetur, orbicularis est. Mundus igitur extra, intra, totus est in orbem globatus.

CAP. XIII. De mundi interitu.

Mundum æternum non esse, manifestè sequitur ex eo, quod sit corporeus: cum enim ex materia & forma constructus sit, ab alio conditus sit in temporis aliqua parte necesse est: eadẽque ratione quicquid ortum in tempore habuit, aliquando intereat, sequitur. Mundus igitur ut initium habuit, ita corruptioni est obnoxius, cuius insigne testimonium est apud Lucam; Cœlum & terra transibunt: & apud Psaltem, Cœlum & terra peribunt, & tanquam vestimentum veterascant atq; mutabuntur. Nec

sanè

sanè leuis est coniectationis, mundum velut senio confectum ad interitum inclinare, quòd Sol nunc multò terræ propior sit, quam Ptolemæi & Hipparchi ætate; seu quod paulatim debilior fiat, seu quod terram viribus exhaultam propiore situ foueat. Aer verò multis longo temporum tractu vaporibus infectus sit & corruptus; Aqua item impurior; Terra languescens & effœta; vnde & stirpium & hominum natura corrupta: nam pro eo quod illæ naturali humido quàm purissimo abundabant, nihil illis penè iam reliquum est, nisi terrena crassities cum exiguo humore nec eo incorrupto. Hominibus de vitæ longitudine & staturæ magnitudine decessit, & virtus imminuta est: primævis enim ad millesimum ferè annum vita producebatur; nostris sæculis vix pauci millesimum mensem attingunt: illi, vt gesta ipsorum & ossa post aliquot sæcula refossa ostendunt, in immensum crescebant: nos collati illis, nani sumus; adeoque iam à multis temporibus hominum degenerauit natura, vt Homerus id iam sua ætate depræhenderit. Adhæc etiam virtus languescit, euauit veterum cum candore cōiuncta magnanimitas, & in perferendis laboribus tolerantia, multum imminuta est Gallorum vastitas & Germanorum robur: vt verissimum sit quod Iuuenalis cecinit, satyra quintadecima:

Terra malos homines nunc educat, atque pusillos.

Omnia itaque mundi senectam testantur atque ruinam; vt proximè ad verū accesserint veteres, velut Plato in Timæo, & cum secutus Cicero in Somnio, cum vniuersi exustiones docuerunt, & primo Metamorphoseon Ouidius referat

Affore tempus.

Quo mare, quo tellus, correptaque regia cæli

Ardeat, & mundi moles operosa labores.

Veniet enim tempus, inquit Basiliius, quando vniuersa conflagrabit igne, vt Esaias asserit in oraculis Dei, Qui dicit abyssus, deserta eris, & omnes fluuios tuos exsiccabo.

CAP. XIII. Vnum tantum esse mundum.

Quia verò extra, intra, cuncta mundus in se complexus est, & omnia eo ordine collocata, vt crassiora in-

fimo loco, media medio, perfectissima & maximè tenua: supremo contineantur, cæque rerum dispositio non admittat vllum graue crassumq; corpus super materiem subtilissimam, hoc est, terram alterius mundi (si esset) super hoc nostrum cælum constitutum esse: & quia vnus Deus seu primus motor vnum tantum condidit regitque mundum, neq; de pluribus sacræ literę loquantur, constat, Mundum vnum esse, nec plures.

CAP. XV. *De Mundi magnitudine.*

ET si mundi magnitudo in vastam immensitatem se extendat, in infinitum tamen non excurrit; nam quod circulari motu statis vicibus circumfertur, manifestè demonstrat finitum esse, siquidem infinitum molem viginti-quatuor horis tam exiguo tempore adeo immensum spacium conficere posse impossibile sit. Tenendum ergo, quicquid mouetur finitum esse, nihilque infinitum in rerum natura extare: cæterum, quod supra primum mobile est, sub hanc doctrinam non cadere.

CAP. XVI. *De motu Mundi.*

Forma mundi eiusmodi est, Adiuncta eius sunt motus, locus, & tempus. Motus est progressio è loco in alium: èstque duplex, simplex & mistus. Simplex est corporum simplicium circularis aut rectus. Circularis fit circa centrum, qualis est cœli: mouetur. n. ab ortu ad occidentem atque ab occidente per inferius hemisphærium rursus ad ortum perpetuò. Argumento insigni sunt *φαινόμενα*, Solem & stellas omnes circumuolui per superiorem & inferiorem partem mundi: nocte namque serena, obseruata quæcunque stella in oriente horizonti propinqua, paulò post clarior videtur, mox altius ascendit, donec medium cœli sic assequuta; inde sensim iterum descendens, decliuus ad eundem horizontem fertur & disparet. Et ne quis de inferiori parte cœli dubitet, an eodem modo ibi in orbem agantur, constat stellas illas quæ nunquam nobis occultantur circa verticem cœli deferri, propinquis minorem, remotioribus maiorem sui ambitus circulum definientibus. De Sole Ecclesiastes clarissimè testatur, Oritur Sol, inquit, & occi-

-dit,

dit, & ad locum suum tendens ibidem oritur: & Psalm. 18. idem demonstratur his verbis, Sol tanquam sponsus procedens de thalamo suo, exultat ut gigas ad currendam viam suam, ab extremo cœlorum egressus eius, & recursus eius ad extremum eorum; quod & de cæteris eadem ratione intelligatur. Motus rectus est perpendicularis vel sursum vel deorsum. Sursum à medio fertur aer; deorsum ad medium aqua, & terra; & graua quæcunque ex his concreta sunt, quemadmodum leuia sursum. Mistus verò motus est animalium.

CAP. XVII. De Loco.

Locus est spacium rei locatæ: cum videlicet aeris, aque, aut cuiusvis apti corporis extremæ partes ita rem quâlibet ambiunt, ut se ad eius formam ac vnguem accommodent. Huius loci axiomata sunt hæc; Res omnes sensibiles loco aliquo continentur; Duo corpora eodem loco esse non possunt, Corpus quoduis vnum tantum occupat locum. Differentiæ locorum sunt duplices, secundum altitudinem, sursum & deorsum, secundum longitudinem & latitudinem, ante, pone: ad dextram sinistramve.

CAP. XVIII. Quid tempus.

Tempus est duratio rerum præteritarum, præsentium, & futurarum, siue ex æternæ sint, siue caducæ. Differentiæ temporum hinc tres sumuntur, præteritum quod iam fuit; Instans, momentum præsens, quo partes præteriti & futuri copulantur. Futurum quod erit & instans sequitur. Dicitur mensura motûs, quod eo motum metiamur, & ipsum perpetuo quodam fluxu moueatur, præterito elabente, & futuro instans semper subsequente. Ouidius decimo quinto Metamorph. in hunc modum:

*Ipsa quoque assiduo labuntur tempora motu
Non secus ac flumen, neque enim consistere flumen
Nec leuis hora potest, sed ut vnda impellitur vnda,
Vrgeturque eadem veniens, urgetque priorem:
Tempora sic fugiunt pariter, pariterque sequuntur:
Es noua sunt semper, nam quod fuit ante, relictum est.*

Fug.

10 PHYSICORVM LIB. I.

Fisque quod haud fuerat : momentaq; cuncta nouantur.
 Tempus præterea duplex est, perpetuum, & caducum seu
 temporaneum : Perpetuum quod fine caret, proprium est
 rerum incorporearum : éstque sine principio, vt Æternitas,
 quæ Deo solùm tribuitur : aut principium habuit, & Æuum
 dicitur, qualis duratio dæmonum est, & animi.

CAP. XIX. De Die, & eius partibus.

CAducum seu temporaneum est quod & initium habet
 & finem : rebus hoc corporeis omnibus competit. Me-
 titur hanc durationem à cœli & præcipuè solis conuersio-
 ne, & sui generis nomine specialiter accepto tempus pro-
 priè dicimus. Eius partes plures sunt, vt Annus, mensis,
 dies, hora, & minutum : & quia eorum mensura sit Sol, ideo
 eum comitari & in regia ei astare finguntur : Ouidius se-
 cundo Metamorph.

—————*Purpurea velatus veste sedebas
 In folio Phœbus clavis lucente smaragdis:
 A dextra, læuaque dies & mensis & annus,
 Sæculaque, & posita spacijs equalibus horæ,
 Vêrque nouum stabat cinctum florente corona:
 Stabat nuda æstas, & spicea ferta gerebat,
 Stabat & autumnus calcatis sordidus uuis:
 Et glacialis hyems canos hirsuta capillos.*

Dies (hinc enim tanquam à commodiore sumatur initium)
 est spacium temporis quo Sol à puncto horizontis ab ortu
 in occasum, & inde ad eundem terminum per hemisphæri-
 um inferius semel mouetur. Huius partes duæ sunt : dies
 dictus artificialis, & nox. Dies artificialis est tempus quo
 Sol ob exortu ad occidentem reuolutus supra terram lucet.
 Distribuitur in partes quinque. Prima est ipsum Mane Sole
 oriente, & vt Ouidius

Sole ferè radijs feriente cacumina primis.
 Secunda est ortus seu antemeridianum tempus, Claudian.
 2. De Raptu Proserp.

Dum matutinis præsudat Solibus aer.
 Tertia est meridies, Ouidius diuersis locis
Dum calet & medio sol est altissimus orbe,

Et facit exiguas iam Sol altissimas umbras:

Et Sol ex æquo meta tum distat utraq.

Quarta est occiduum seu tempus pomeridianum, dum Sol à cœli fastigio ad occasum fertur. Ovidius vndecimo Metamor.

Pronus erat Titan, inclinatioq. petebat.

Hesperium remone frærum.

Quinta dicitur suprema tempestas, cum Sol occasui propinquat: Ovidius sexto Metamorph.

— Labor exiguus Phæbo cum restat, equiq.

Cum pulsant pedibus spaciū declivis Olympi.

Nox est tempus quo Sol ab occidente ad ortum infra terram mouetur, & terra sua umbra tenebras nostro hemisphærio obducit. Partes habet sex, prima est vesper & crepusculum nocturnum, cum sol iam occidit & lux est dubia: Ovidius quarto Metam.

Iamq. dies exactus erat, tempusq. subibat,

Quod tu nec tenebras, nec posses dicere lucem

Sed cum luce tamen dubiæ confinia noctis.

Secunda est prima fax vel conticinium, tenebris ingruentibus: Ovidius decimoquinto Metamorph.

— Seram pepulere crepuscula lucem,

Umbraq. telluris tenebras induxerat orbi.

Tertia, nox intempesta & concubia, cum omnes quieti se tradunt, & tempus rebus gerendis ultra non est idoneum. Virgil, secundo Æneidos.

Tempus erat, quo prima quies mortalibus ægris

Incipit, & dono diuini gratissima serpit.

Et

Interea placidam redimita papauere frontem

Nox venit, & secum somnia nigra trahit.

Quarta, media nox est; Sole apud Antipodas in meridiano existente, cum alta quiete omnia tenentur: decimo Metamorph.

Tempus erat quo cuncta silent, interq. Triones

Flexerat obliquo plaustrum remone Bootes:

Et

Iamq. ferè medius Titan venientis & actæ

Noctis erat, spacioq. pari distabat vrring.

Quinta, gallicinium, mediæ noctis ad diem inclinatio: Man-

tuanus

tuanus & Virgil. in Moreto.

Iam cecinit mediam volucris Titania noctem,

Excubitorq; diem cantu prädixerat ales.

Sexta & postrema dicitur diluculum, lucifer, & aurora: il-
lucescente paulatim die: secundo Metamorph.

Diffugiunt stellæ, quarum agmina cogis

Lucifer, & cæli statione nouissimus exis.

Et sexto Metamorphoseon.

Et solet aer

Purpureus fieri, cum primùm aurora mouetur,

Et breue post tempus candescere solis ab ortu.

Partes itaque dici artificialis sunt eiusmodi.

CAP. XX. De die longissimo & breuissimo.

CÆterum sub æquinoctiali existentibus, dies nocti & nox dici semper est æqualis. Illis verò qui vltra citràq; degunt, non item: nam quo quique remotiores sunt ab æquatore, eò solstitialem diem habent longiorem & noctem breuiorem: & diem brumalem vice versa: vt Arabibus & Fortunatarum insularum incolis dies longissimus constat horis tredecim, nox vndecim: apud Lusitanos quatuordecim, apud Germanos plerosque sedecim, nox octo tantum: sub initio Zonæ frigidaë constitutis dies est horarum vintiquatuor: nox nulla (de die verò longissimo intelligatur, qui semel singulis annis contingit) Inde ad polum alijs dies solstitialis est mensis integer, alijs vltterioribus menses duo, tres, donec ad polum ventum sit, vbi dies sex mensibus constat, nox itidem: totidem enim mensibus Solem propter extremam spheræ obliquitatem, super horizontem conspiciunt continuè: totidémq; eis postea occultatur infrà: atq; ita totus annus vna tantum die & nocte constituatur. A solstitio dies decrescunt, à bruma autem ad solstitium augescunt. In æquinoctio dies noctibus in toto orbe æquatur.

CAP. XXI. De Horis.

HOræ sunt duplices, æquales & inæquales. Æqualis
hominum est vicesima quarta pars dici naturalis: vt cum
dies

dies constet trecentis sexaginta partibus seu gradibus, quos sol motu diurno percurrit, hora quindecim constet: Eiusdem semper sunt quantitatis. Minutum est pars sexagesima horæ æqualis: numerantur enim sexaginta minuta in quamque horam. Hora in æqualis ~~horæ~~, planetarum, est duodecima pars cuiusvis diei vel noctis: ut siue breuior dies sit seu longior, duodecim semper constet horis: si longior est, horæ longius extendantur: si breuior, coarctentur: ut longissima dies apud Germanos, licet sedecim horarum æqualium sit, inæquales tamen non plus duodecim habeat: quæ non sexaginta minuta, sed octoginta singulæ continent, similiter breuissima brumali die, quæ octo horis æqualibus perdurat, nihilominus duodecim inæquales numerentur: & tum quadraginta tantum minuta habeant. Dicuntur ergo inæquales, quod non sint semper eadem, sed ad diei cuiusvis quantitatem & ipsæ longiores sint aut breuiiores. Duodecim porro inæqualium horarum initium est solis exortus, medium vel hora sexta, meridies; finis vel duodecima, solis occasus: qui idem principium est primæ horæ noctis: media nox terminus sextæ, sol oriens duodecimæ. Priscis temporibus solæ in usu erant tam apud Græcos, & Romanos, quàm Hebræos: vnde Christi dictum: nonne duodecim sunt horæ diei? & quicquid de hora nona, sexta, tertia & vndecima ibidem dicitur, de horis inæqualibus est intelligendum. Nunc illorum usus exoleuit.

CAP. XXII. De Mense.

Mensis est interuallum quo sol duodecimam partem Zodiaci peragrat, quod fit diebus triginta, horis decem cum dimidia: verum pro libitu illorum qui anni rationem emendarunt, dati sunt alijs mensibus triginta, alijs plus minúsue. Numerantur duodecim; Ianuarius, Februarius, Martius, Aprilis, Maius, Iunius, Iulius, Augustus, September, October, Nouember & December. Ouidius primo Fastorum:

*Martis erat primus mensis, Venerisq; secundus,
Hæc generis princeps, ipsius ille pater.*

Tertius

*Tertius à sensibus, iuuenum de nomine quartus,
 Quæ sequitur numero turba notata fuit.
 At Numa nec Ianum, nec auitas præteris umbras,
 Mensibus antiquis præposuitq, duos.*

CAP. XXIII. De Anno.

ANnus est tempus quo Sol totum Zodiacum periustrat, seu à puncto verni æquinoctij incipiat, seu ab alio quouis. Constat hoc interuallum diebus trecentis sexaginta quinq;, horis quinque, minutis primis quadraginta nouem, & secundis sedecim. De hoc numero à Iulio Cæsare constituto, Ouidius tertio Fastorum,

*Is decies senos, tercentum & quinq, diebus
 Iunxit, & è pleno tempora quarta die.*

Partes anni sunt quatuor, Ver, æstas, autumnus, & hyems; quibus singulis terni menses attribuuntur. Quoniam verò à vicinitate, & longinquitate solis dependeant, eadem partes non sunt eodem tempore apud omnes: nam sole in septentrionali cœli parte morante, boreales ver habent & æstatem, australes autumnum & hyemem: dum in meridionali regione versatur, borealibus est tempus autumnale & hyemale: australibus vernale & æstiuale. Nobis igitur septentrionalibus Ver est mense Martio, Aprili, & Majo. Æstas Iunio, Iulio, & Augusto. Autumnus Septembri, Octobri, Nouembri: hyems Decembri, Ianuario & Febuario. Meridionalibus vernum tempus est mensis September, October, Nouember: Æstiuum December, Ianuarius, Februarius: Autumnale, Martius, Aprilis, Majus; hybernum Iunius, Iulius & Augustus. Iis autem qui in media terræ plaga sunt sub æquatore, quod solem semper habeant vicinum, nec tantum ab ipsis elongetur, duplex vnoquoque anno æstas est duplèxque hyems, bis namque solem habent propinquum; bis item aliquantulum longinquum. Prior æstas est circa mensẽ Martium, posterior in Septembri: hyems altera mense Iunio, altera Decembri.

PHYSICORVM

LIBER SECVNDVS, DE ASTRONOMIA.

CAPVT I. *Quid Cælum?*



EXPLICATIS Mundi forma & affectionibus, deinceps de corporum quæ in se complectitur diuersitate est dicendum. Corpus itaque duplex est: simplex atque mistum. Simplex est quod è materia & forma simplici constat, cuius duo sunt genera, constans aliud, aliud inconstans. Constans est quod eadem forma perpetuò perdurat, nullámque mutationem recipit: vt regio cœlestis. Cælum est pars mundi constans, tenuis ac perlucens: eodem sensu Æther dictum. Atque de mundi hac nobilissima regione, vbi omnia æterna firmáque lege, æquabili motu, miróque ordine mouentur, est scientia Astronomia, ingenuorum contemplatione dignissima, meritóq; illæ censentur

*Felices animæ quibus hæc cognoscere primum
Inque domos superùm scandere cura fuit.
Credibile est illos pariter virisq; iocisq;
Alius humanis exeruisse caput.
Non Venus & vinum sublimia pectora fregit,
Officiisq; fori, militiæque labor.
Nec lenis ambitio, persusæque gloria furo,
Magnarumque fames sollicitauit opum.
Admonere oculis distantia sidera nostris,
Ætheræque ingenio supposuere suo.
Nos quoque sub ducibus cælum merabimur illis.*

CAP. II. *De Cælorum ordine.*

Cœlum in plures sphæras est distinctum: statuuntur namque sphæræ cœlestes octo, conspicuæ, quibus præterea primum mobile incumbit. Sunt verò sibi inuicem

ita contigua, vt superior semper inferiorem in sese vnde-
quaque conclusam contineat, non secus atque in ouo gal-
linaceo luteum albumen & putamen alterum ab altero
complexum tenetur.



Sunt autem hæ, sphaera Lunæ prima, Mercurij secunda, Veneris tertia, quarta Solis, quinta Martis, sexta Iouis, septima Saturni, & octaua quæ Firmamentum in Biblijs dicitur: hi orbes oculis omnes sunt obuij, & continent inferiores septem singuli singulas tantùm stellas, octauus reliquas omnes. De ordine veteribus philosophis non constitit, donec Ptolemæus suis obseruationibus & demonstrationibus rem vniuersam expedijt: tametiam de septem inferioribus aliâ aliam superiorem esse nullus dubitarit vnquam:

& Aristoteles 2. de Cœlo. 12. refert se vidisse Lunam Martis stellam planè subisse & occultasse.

CAP. III. *De Circulis Sphericis.*

VT autem situs stellarum & motus cœli, omnisque astronomorum scientia facilius tradi queat, cœlum totum in certas partes circulis ceu limitibus quibusdam est distinctum: qui etsi in cœlo reuera non sint, tamen ad siderum cursus inuestigandos temporumque rationem habendam vtiliter ab Astronomis sunt excogitati. Primum autem puncta seu cardines circum quos Mundi sphaera voluitur, immoti constituuntur, quos Polos dicunt siue vertices: lineam eamque rectam ab vno polo per centrum terræ ad alterum fingitur. Axim, quod circa eam cœlum velut rota circa axim vertatur. Est ergo axis inter vtrunque polum, & poli sunt axis extremitates. Poli duo ergo sunt, Arcticus ad septentrionem, Antarcticus ad meridiem. Ouidius sexto Fastorum:

Nam duo sunt; austris hic est, aquilonibus ille

Proximus: à vento nomen vterq; tenet.

& Virgilius primo Georgicon.

Hic vertex nobis semper sublimis, at illum

Sub pedibus Styx atra videt, manesq; profundi.

Porro circulus omnis in quatuor æquos quadrantes diuiditur, & in trecentas sexaginta partes vel gradus, quorum singuli quadrantes continent nonaginta: qui quater nonagena gradus simul additi constituunt trecentos sexaginta.

CAP. IIII. *De Aequinoctiali, & Coluris.*

SVnt autem circuli duplices, fixi & mobiles: Fixi qui scertis locis in cœlo imaginantur, & vbique terrarum sunt iidem, diuiduntur in maiores & minores. Maiores sunt qui globum in duas partes equales secant, partimq; carent latitudine, vt Æquator & Coluri, partim ea constant, vt, Zodiacus. Æquator, æquinoctialis, æquidialis: *nonne* circulus est qui medio loco inter vtrūq; mundi polum situs, ab eis æqualibus vndeque spacijs distat: ad huius normam reliqui fermè omnes circuli diriguntur: sub eo cum Sol decurrit, æquinoctium est in toto orbe. Coluri duo sunt, alter

D æqui-

æquinoctiorum, alter solstitiorum, qui in vtroque polo sese rectis angulis, æquatorem verò in quatuor æquales quadrantes diuidunt.

CAP. V. De Zodiaco.

Latitudine constat signifer siue Zodiacus. Est autem circulus mundi sphæræ obliquè obductus, qui æquatorem super coluro æquinoctiali secat, & ab eodem æquatore super solstitiorum coluro, altero hemicyclio in septentrionem altero in austrum defleat viginti tribus gradibus cum semisse: sed hæc distantia secundum Solis motum variat, nec semper est eadem. Habet polos suos peculiare à mundi verticibus eadem distantia distitos: & axem quoque, qui axem mundi eodem centro acutis angulis persecat Zodiaci latitudo sedecim est graduum, licet veteribus tantum esset duodecim. Per eius medium linea transit, quæ Ecliptica dicitur, quòd sub ea si Sol & Luna concurrant. Eclipses contingant: ab ea ad extremitatem latitudinis Zodiaci latitudo est vtrinq; octo graduum. Latitudo hæc Zodiaco tribuitur, quod dum planetæ sub eo vagantur, hinc inde ab ecliptica defleant: Sol tamen ab ecliptica quæ media via est Zodiaci nunquam deuiat. Diuiditur secundum longitudinem in quatuor quadrantes, & singuli quadrantes in signa ternaque *ἡρώδης* dicuntur, quorum vnumquoduis triginta gradus habet in longitudinem: atq; à stellarum quæ in eo visuntur effigie dominatur. Primi quadrantis quia sectione æquatoris ad colurum solstitiorum in aquilonem extenditur, signa hæc sunt, Aries. ♈. Taurus. ♉. Gemini. ♊. secundi quadrantis à coluro solstitiorum ad alteram sectionem æquatoris sunt Cancer, ♋. Leo, ♌. & Virgo, ♍. Tercius quadrans qui est ab eadem sectione versus meridiem ad colurum solstitiorum continet Libram ♎. Scorpionem ♏. & Sagittarium, ♐. quadrans quartus ab hoc coluro statuitur ad æquatoris signis Capricorni ♑. Aquarii ♒. & Piscium ♓. Atque ex hisce duodecim signis quatuor quæ initio cuiusque quadrantis sunt, cardinalia vocantur, quod suo principio quatuor cæli puncta cardinalia notent, duo æquinoctialia Aries & Libra, solstitiale Cancer, & brumale Capricornus.

CAP. VI. *De Tropici & Polaribus.*


Minores circuli sphaeram in segmenta inæqualia dispescunt, & æquinoctiali sunt paralleli: duplices item sunt, Tropici & Polares. Tropici duo sunt, Cancrī & Capricorni. Tropicus Cancrī siue æstiuus est circulus æquatori ad septentrionem parallelus, distantia viginti trium graduum & semissis: describitur à puncto solstitiali eclipticæ vna mundi conuersione. Tropicus Capricorni vel brumalis illi est eodem situ & interuallo ab æquatore versus meridiem oppositus. Polares itidem duo sunt: prior Arcticus, circum mundi septentrionalem polum, distantia eadem qua Tropici ab æquidiali distant, & à polo Zodiaci, mundi motu describitur. Antarcticus alter polaris circulus similis circum polum meridionalem.

CAP. VII. *De Horizonte.*

Circuli mobiles sequuntur, horizon & meridianus, qui non vt priores fixi & fixi sunt, sed pro locorum diuersitate alij atque alij: ideo nec cœlo insiguntur. Horizon est circulus à puncto verticis nostri æqualiter distans, & superius hemisphaerium conspicuum ab inferiori non conspicuo dirimens. Latinis dicitur finitor. Cuius loco proprius est, & secundum longitudinem latitudinēve locum mutanti subinde alius. Diuidit mundum in duas æquales portiones. Nam loco editiore & plano existenti cœli medium totum est conspicuum: sexque signa Zodiaci super terram perpetuū exhibet, totidēque infra occultat cum altero hemisphaerio. Polos habet suos, vnum directō super caput nostrum quod punctum verticale vocant, & Arabica voculā, Zenith: alterum huic ad perpendicularum infra terram oppositum, Nadir. Sub æquinoctiali constitutis horizon est rectus, quod cum ipso æquatorum angulos sphaericos rectos conficiat: eisq; mundi polus vterq; in horizonte visitur: sed vtrāq; citrāq; cōstitutis obliquus est: & alteruter polus supra horizontem exurgit, alter delitescit. Superius hemisphaerium antiquitas Veneri dicauerat, inferius Proserpinæ.

CAP. VIII. De Meridiano.

Meridianus denique est circulus per polos mundi & horizon-
 tis ductus, qui ipsum horizontem rectis angulis
 in partibus boreali & australi persecat : Mutatur loco
 secundum longitudinem varianti : vt alius est meridianus
 Hierosolymis, alius Romæ : & quoniam triginta circiter
 gradibus (quorum quindecim in cœlo horam constituunt)
 illæ vrbes à se inuicem secundum longitudinis situm di-
 stant, meridiei differentia est duarum horarum : vt quæ
 Hierosolymitanis est duodecima, Romanis sit decima. Ea-
 démque ratione in Italia Sol duabus horis tardius oritur,
 quàm in Palæstina. Similiter Viennæ Austriæ & Augustæ
 Vindelicorum meridiei distantia est semihoræ : Augustæ
 & Friburgi in Heluetijs horæ quadrantis. Euntibus verò



recta

rectà versus meridiem vel boream, Zodiacus mutatur quidem sed meridianus idem manet: ut Venetijs, in Gortia septentrionali, & Carthagine meridionali, eadem hora est meridies: sic & Parisijs & Maioricæ incolis.

Sphæram cum suis circulis hîc depictam in plano utcumque vides. vbi A polus arcticus B polus antarcticus. A B recta linea, axis. C D æquator. A B colurus æquinoctiorum: A E B F colurus solstitiorum, E L Zodiacus cum media linea ecliptica, G H tropicus Canceri, K L tropicus Capricorni, M N circulus arcticus, O P circulus antarcticus, Q R horizon, & extremus A C B D meridianus.

CAP. IX. *Quid Stella?*

Iam quoniam imaginaria illa præmisimus, quæ ad sequentium intelligentiam faciebant, res ipsæ considerandæ sunt, orbium cœlestium scilicet partes infixæ, ut sunt stellæ, & motus. Stella est globus in cœlo densior lucidus. Corpus stellæ cuiusque ex simplicissima & cœlo simili materia coagmentata solidatum est in orbicularem figuram: licet nobis ob nimiam distantiam planum videatur: cœloque ita infixum est, ut immotum persistat, nec nisi cum sua sphæra tanquam vehiculo moueatur. Conditæ verò sunt stellæ à Deo & in cœlum locatæ, ut sint in signa & certa tempora, diésque: ut sua videlicet vi omnia inferiora vegetent, foueantque & sua luce perlustrent.

CAP. X. *De Stellis fixis.*

Stellæ sunt duplices, Fixæ, & erraticæ seu Planetæ. Fixæ dictæ sunt inerrantes quæ eodem intervallo ab inuicem distant, & alia ab alia nunquam longius recedit aut propius accedit: utque quævis ab initio locata fuit, ita eundem locum eandemque à vicinis distantiam seruat. Harum sphæra est Firmamentum, in quo omnes cum maiores tum minores continentur, dispositæ: suntque inerrantes omnes quæcunque serena nocte in cœlo conspiciuntur, præter paucos planetas.

CAP. XI. *De stellarum fixarum numero.*

Etsi secundum psalterem, solus Deus sit cui stellarum numerus notus est, quique earum multitudinem numeret, partim fortassis quod quædam tantę sint exilitatis, ut nulla oculorum acie à terra cerni, ob idque nec numerari queant, partim quod non omnes eadem in regione appareant; multa namque in Nouo orbe eæque illustres & splendore & magnitudine conspiciuntur, ut Lusitanorum historiæ referunt: Mathematici tamen diligentiores plurimas quæ visu & effectu insignes sunt annotauere, quarum tradunt in vniuersum mille viginti duas.

CAP. XII. *De stellarum magnitudine.*

Ob immensam distantiam stellę quidē minutissimę apparent, sua tamen mole terram multis partibus excedunt. Sed magnitudo est inæqualis, ideoque sex earum perhibentur differentię. Primę magnitudinis stellę ceteras splendore omnes vincunt, terraque maiores sunt centies septies: Secundę magnitudinis quę sunt, terram exuperant octogies septies. Tertię differentię, excedunt terram septuagies bis. Quartę, sunt terra maiores quinquagies quater & semisse. Quinta excedunt terram tricies semel. Sextę differentię quę sunt minimę superant terrę magnitudinem paulo plus decies octies: adeo cœlestia omnibus modis terrenis præcellunt.

CAP. XIII. *Quid sidus.*

Stellarum multitudo in certas deliniationes est digesta: atque vicinæ quęque in singula sunt schemata redactę, quę sidera dicuntur. Est autem sidus plurimum stellarum vicinarum certa ratione ab alijs distinctarum effigies: quę & signum vocatur, & *ἄστρον*, *ἀστρον* vulgò constellationio. Numerantur in toto cœlo sidera quadraginta octo, quę ex nota figurarum similitudine animantium aliarumque rerum nomina sunt sortita: eam denominationem antiquissimam esse testantur sacri prophetę, veteresque poetę: nam libro Iob (cuius historia in Iacob patriarchę tempo-

ra incidit) & Amos, mentio fit Arcturi, Orionis, Hyadum & interiorum Austri: Luciferi quoque & Hesperii: præterea Homerus & Hesiodus eadem illa memorant, & Sirius insuper. Siderum cognirione multum vsi sunt apud veteres nau-
tæ dirigendo nauium cursu: ita Aratus in Phænomenis & Ouidius tertio Fastorum,

Esse duas Arctos, quarum cynosura petatur

Sidonij helices Graia carina notes.

qua de causa plurimis astris nomina indiderunt, vt est primo Georgicon apud Virgil.

Nauitarum stellis numeros & nomina fecit.

vtunturque adhuc cynosuræ regimine Tartari.

CAP. XIII. De Sideribus septentrionalibus.

Sidera omnia certo constant stellarum numero, præter vnā Galaxiam: partimque extra Zodiacum sita sunt, partim in Zodiaco: illorum quædam ad septentrionem, quædam ad meridiem. In septentrionali regione sunt vnum & viginti, quæ in stellata noctis claritate adiunctis astrorum tabulis aut globo cœlesti faciliè inuestigari possunt.

Primum ac scitu vtilissimum est vrsa minor, *uorsa ex*, & plaustrum minus, asterismus polo septentrionali proximus,



septem stellis in modum plaustris formatus : quarum quæ in extremitate caudæ est tertiæ magnitudinis satis lucida, stella Polaris dicitur, quod tantum quatuor gradibus à polo mundi distet. Eam ita inuenies : Per plaustris maioris (quod ex nota forma facillè cognosces) posteriores rotas versus polum rectà lineam imaginando, occurreret vnica stella præ cæteris conspicua, minor tamen rotis maioris plaustris, ea est quæ dicitur polaris, Tartaris Seles nikol, quasi ferreus clauus.

I I. Vrsa maior, ἰλική, ἄρκτος μεγάλη, sidus vastum est, stellis constat viginti septem, quarum septem lucidiores secundæ magnitudinis versus polum, plaustrum maius vulgò vocantur, Græcis ἀρκτα. Vtraque vrsa Arctos dicitur & Septentrio à septem stellarum numero. His duobus cognitis reliqua absquè vlla difficultate indagare licet.

I I I. Draco, anguis; tortuosam inter vtramque vrsam porrigit caudam. Virgilius primo Georgicorum

*Maximus hic flexu sinuoso elabitur Anguis,
Circum, perque duas in morem fluminis Arctos.*

Stellas habet triginta circiter, occurrítque duabus stellis tertiæ magnitudinis ab altera posteriore rota plaustris maioris iuxta minoris posteriorem rotam producta linea.

I I I I. Cepheus obscurum sidus est pone cynosuram & draconem, stellis duodecim.

V. Bootes, Arctophylax vrsam sequitur maiorem, inde dictus

Custos Erymanthidos Vrsæ. Et
Arctophylax formam terga sequentis habet.

Eum cauda Vrsæ maioris quasi digito monstrat: stellis habet circiter viginti. De eo Ouidius 2. Metamor. in incendio Phaetontis

*Te quoque turbatum memorant fugisse Bootæ
Quamuis tardus eras, & te tua plaustra tenebant.*

Inter huius crura, lucida stella primæ magnitudinis conspicitur, Arcturus dicta, splendore eximio notabilis.

V I. Corona borealis, στέφανος βόρειος, stellis habet octo, semicirculi forma, licet Ouid. 3. Fastor. de corona Ariadnes nouem

nouem numeret.

— *Gemmasq; nouem transformat in ignes
Aurea per stellas nunc micat illa nouem.*

inter Bootem, Herculémque sita est.

VII. Hercules, Ἡρῆς γένειον, in genua curuatus, per caudam Draconis ad æquatorem tendenti sit obuiam, stellis viginti octo, altero pede draconis capiti innitens, altero bootis.

VIII. Lyra, Vultur cadens, stellis constat decem; inter quas lucidissima est primæ magnitudinis in ore; eam linea ab Arcturo per coronæ lucidam ad ortum protensa attingit.

IX. Olor, Auis, Cygnus, & Vultur volans, stellas habet septendecim, lyræ ad ortum adiacet, claris stellis in formam longiusculæ crucis conspicua, quarum quæ in cauda, cæteris splendidior secundæ est magnitudinis.

X. Cassiope, κασιόπεια, continet stellas tredecim; à prioribus maioris plaustris rotis per stellam polarem descendenti occurrit, tribus stellis clarioribus insignis, cum quibus noua illa quæ superioribus annis visa est, figuram rhomboidem constituebat.

XI. Perseus fulget stellis sex & viginti, inter quas duæ sunt illustriores secundæ magnitudinis, earumque australior Caput Medusæ Gorgonis dicitur: obuiam sit ab extremis vrsæ minoris stellis per polarem subter Cassiopeam ad austrum spectanti.

XII. Auriga, ἀριόχης, Erichthonius, constat stellis quatuordecim, duabus maximè splendentibus altera humeri dextri secundæ magnitudinis, altera primæ, quæ humero insidet læuo, quæ Capra, αἴξ dicitur: duæ verò obscuriores quæ infra eam lucent, Hædi, ἑίδες vocantur. Obiectum est hoc sidus vrsæ maiori ad austrum, Perseo ad ortum, vt linea per posteriores cynosuræ stella proiecta ostendit.

XIII. Serpentarius, Anguifer, Æsculapius (sexto Fastorum apud Ouidium) ὀφιοχέτης, stellas possidet viginti quatuor, Herculi versus Zodiācum subiectus.

XIV. Serpens, ὄφεις ὀφιοχέτης, serpentariū cingit per mediū, capite

26 PHYSICORVM LIB. II.

capite ad coronam, cauda ad aquilonem porrecta, stellas continet decem & octo.

xv. Sagitta. Telum $\sigma\acute{\iota}\gamma\sigma\omicron\varsigma$, stellis minutis quinque protenditur infra olorem.

xvi. Aquila, $\alpha\epsilon\tau\omicron\varsigma$, stellarum est nouem; quarum vna inter tres alias lucidas secundæ est magnitudinis, quam linea à prioribus maioris plaustris rotis per lucidam lyræ longiusculè ducta ostendit.

xvii. Delphinus, $\delta\epsilon\lambda\phi\iota\nu$, aceruo decem stellarum splendet; aquilæq; ad ortum adhæret, & à polari stella per clariorem oloris tendenti fit obuius: Ouidio nouem tantum habet stellas; ait enim secundo Fastorum:

— Aftris delphina recepit

Iupiter & stellas iussit habere nouem.

xviii. Hinnulus, sectio equi, $\omega\epsilon\rho\tau\omicron\mu\eta\ \iota\pi\pi\omicron\upsilon$, quatuor stellulis inter delphinum & pegasum situs est.

xix. Pegasus, equus alatus, $\iota\pi\pi\omicron\varsigma$, fidus viginti stellis clarum, quatuor secundæ magnitudinis quadrangula figura conspicuis; quas linea à prioribus rotis plaustris maioris per mediam cynosuram ducta monstrat. Ouidius & hic stellarum numerum imperfectum habet: dum ait tertio Fastorum:

Nunc fruitur cælo, quod pennis ante petebat,

Es nitidus stellis quinque decemq; micat.

xx. Andromeda continet stellas tres & viginti, ante Cassiopeam versus meridiem locata: præter tres clariuscultas stellas obscurum fidus.

xxi. Trigonum $\delta\epsilon\lambda\tau\omicron\tau\omicron\upsilon$ stellis constat quatuor; quæ à stella Capellæ per caput Medusæ visum ad occidentem dirigenti occurrunt.

CAP. xv. De sideribus meridionalibus.

Australia sidera quæ ad meridiem conspiciuntur sunt quindecim, Primum est Cetus, stellarum duarum & viginti numero: cum linea longior à polo. per Cassiopeæ & Andromedæ asterismos ultra Zodiacum extensa ostendit.

ii. Orion, $\omega\epsilon\lambda\tau\omicron\nu$, antiquis $\alpha\epsilon\tau\omicron\varsigma$ splendore omnibus longè superior,

superior, lucet stellis triginta octo, quarum vna in dextro humero primæ magnitudinis est, altera in læuo secundæ: vltius item tres secundæ magnitudinis sunt, quæ Zona vel cingulum Orionis, vulgò Baculus Iacobi dicuntur suo ordine quo ad ortum vergunt obliquè, satis notæ: his præterea australior alia est & lucidior, quæ pedem sinistrum constituit: occurrit verò à polari per capellæ stellam in austrum tendenti.

III. Eridanus fluuius, stellas habet triginta quatuor, inter Orionem & cetum flexuosus in vltiora austri effluit, vbi lucida stella primæ magnitudinis conspicitur.

IIII. Lepus, λεγὼς, duodecim stellis constat sub pedibus Orionis.

v. Canis maior, κύων, habet duodeviginti stellas, quarum lucidissima in ore primæ magnitudinis Sirius dicitur, & canicula; splendore pallido sed copioso & plurimum micante insignis. Virgil. quarto Georgicon:

*Iam rapidus torrens sitientes Sirius Indos
Ardebat cælo.* —

Eum attingit linea à sinistro humero per Zonam Orionis ducta.

vi. Canis minor, πρηνύων stellis constat duabus, altera lucida secundæ magnitudinis, quam monstrat linea per vtrumque Orionis humerum ad ortum protensa.

vii. Argo naus, quadraginta quinque stellarum numero clara est: earum australior in temone cæteris clarior Canopus κείωλος vocatur, conspicitur à dextro humero Orionis per Sirium in austrum tendenti.

viii. Hydra, vigintiquinque stellas continet, earum lucida in ventre secundæ est magnitudinis. Tendit à canicula in ortum vsq; ad Centaurum, cauda paululum in austrum declinante.

ix. Crater, stellis constat septem obscuris in medio dorso hydræ, vt ostendit linea à polo per priores maioris plaustri rotas versus meridiem producta.

x. Coruus, habet ~~idem~~ septem, situs est in cauda hydræ: obuiam fit à cingulo Orionis per Sirium ad orientem descendenti.

xi. Cen-

x i. Centaurus, Chiron stellis lucet triginta septem: quem linea à polo per arcturum ultra Zodiacum extensa ostendit. Ouidius quinto Fastorum

Promet sua sidera Chiron,

Seminir & flani corpore mistus equi.

x i i. Lupus, bestia quam centaurus tenet, *Σελος* vnde viginti habet stellas, illique ad ortum cohæret.

x i i i. Ara, Thuribulum, *Θυμιατήριον* constituitur septem obscuris stellis, subiacet serpentario ad meridiem, non longè à cauda Scorpionis.

x i i i i. Corona austrina, *Σείωνος κόρος*, constat tredecim stellis: lineâ à polo per lucidam lyræ trans Sagittarium ducta conspicitur.

x v. Piscis austrinus, *Ἰχθὺς κόρος*, stellas continet duodecim in eius ore clarior primæ magnitudinis est, sed huic asterismo non connumeranda: pertinet enim ad aquarium, & est extrema aquæ ab eo effusæ. Piscem linea à lucida liræ per delphinum & aquarium proiecta monstrat. De eo Ouidius tertio Fastorum:

Conditus à geminis piscibus alter erit.

Nam duo sunt, austris hic est, aquilonibus ille

Proximus, à ventis nomen uterque tenet.

CAP. XVI. De signis Zodiaci.

SYdera quæ extra Zodiacum visuntur, sunt eiusmodi: sequuntur duodecim signa quæ in Zodiaco constituta sunt & dodecatemoria efficiunt. Horum sex ab æquatore ad septentrionem vergunt; totidémque ad meridiem. Borealiū primum est Aries, *κερὸς* tredecim stellarum effigie; quarum tres in cornibus clariuscule sunt & notiores; quæ per duas borealiores earum quæ in Pegaso trapezion efformant ad ortum lineam ducenti occurrunt.

x i. Taurus constat stellis duobus & triginta, quarum quinque in fronte lucidæ, hyades & succulæ dicuntur: de quibus ita Ouidius quinto Fastorum:

Nauita eas Hyadas grauius ab imbre vocat.

Earum maxima Oculus Tauri, Pal illicium *λαμπαδίας* vocatur. Sunt verò & aliæ septem in humero, exiguæ sed sua sibi

bi propinquitate conspicuæ & apud autores multum celebres, Virgilix dictæ & Pleiades, sidus hoc inter Perseum, Erichthonium & Orionem situm iacet.

IIII Gemini διδυμοι habent stellas octodecim; in utriusque capite singulæ sunt clariores secundæ magnitudinis; quarum occidentalis Castor dicitur & Apollo, orientalis Pollux & Hercules: ostendit eas linea per humeros Erichthonij in ortum deducta: stella illa quæ in priori Pollucis pede est, *αἰὼν* appellatur.

IIII. Cancer, obscurum sidus nomine magis quam splendore notum, stellas continet nouem, quarum nebulosam in pectore, *Πρῆσεπε*, *πάρηλω* vocant, habet: & iuxta duos Afellos situm est inter geminos & leonem. Ouidius decimo Metamorph.

Aestus erat, mediusq; dies, solisq; vapore

Concava littorei seruebant brachia Cancrī.

V. Leo lucidum & ingens sidus, stellis septem & viginti clarum: duas secundæ magnitudinis habet in dorso: & duas primæ, alteram in cauda, alteram lineæ eclipticæ proximam in pectore quæ Cor leonis & Regulus vocatur. Hanc monstrat linea ducta ab extrema rota cynosuræ per priores plaustrī maioris rotas: illam linea à polo per easdem rotas. Totus sub vrsa maiore visitur.

VI. Virgo, Erigone, Ceres, Astræa habet stellas viginti & octo: harum quæ in dextra ala est borealior. Vindemiator, & quam sinistra manu tenet lucida primæ magnitudinis Spica dicta est. sidus hoc sub Boote est. Spica nota est ex triangulo quod cum Arcturo & cauda Leonis æqualibus penè interuallis constituit.

Australia sunt hæc; VII. Libra, *χρῆλαι* stellas habet octo; inter quas duæ sunt secundæ magnitudinis. Eam attingit linea à polo per coronam borealem extensa.

VIII. Scorpius constat stellis viginti & vna, quarum quæ inter duas media elucet secundæ magnitudinis in pectore, dicitur Cor scorpij: post quam stellæ satis lucidæ caudæ recurvæ vertebrae exprimunt. Infra Ophiuchum situs est, & occurrit longiore linea à maiore plastro per coronam & anguis collum producta. Vetustiores huic signo geminum

geminum tribuebant spacium; atque ex Libra & isto vnum tantum constituebant: ideoque Virgilius in principio primi Georgicon hac occasione Augusto Cæsari blanditur:

*Anne nouum tardis fidus te mensibus addas,
Qua locus Erigonen inter, Chelâsq; sequentes
Panditur, ipse tibi iam brachia contrahit ardens
Scorpius, & cæli iusta plus parte relinquit.*

Itaque Libram dicebant priorem partem Scorpij; vt tertio Fastorum:

Scorpius à prima parte videndus erit.

Sed hæc clarius habentur secundo Metamorph.

*Est locus in geminos ubi brachia concavat arcus
Scorpius, & cauda flexis vtrinq; lacertis
Porrigit in spacium signorum membra duorum.*

IX. Sagittarius habet stellas vnâ & triginta: in altero priorum pedum vnâ secundæ magnitudinis: cernitur linea à polari stella per lucidam lyræ ducta.

X. Capricornus, complectitur viginti octo stellas; eius cornua sunt obuia à lyra per aquilam in austrum descendentem, duæ in cauda ab eadem lyra per delphinum.

XI. Aquarius, Ganymedes viginti quatuor continet stellas; extremam fusionis, aquæ primæ magnitudinis in ore piscis austrini reperies. Ouidius secundo Fastorum,

*Iam puer Idaeus media tenuis eminet aluo,
Et liquidas misto nectare fundit aquas.*

Eum linea à postremis cynosuræ stellis per oloris splendidam extensa ostendit.

XII. Pisces duo longa fasciola sunt connexi: in eorum sidere stellæ numerantur triginta quatuor: alter orientior inter Andromedam & Arietis cornua est; alter occidentior trapezio Pegasi ad meridiem adiacet. Ouidius secundo Fastorum:

*Iam leuis obliqua subsedit Aquarius urna,
Proximus ætherios excipe Piscis equos.
Te memorant fratremq; tuum, non iuncta micatis
Sidera* —————

Atque hæc sunt sidera omnia adhuc nota: sunt porro stelle com-

DE ASTRONOMIA. 31

complures aliæ, extra signorum peripheriam sitæ, quæ In-
formes, *ἀμορφῆται* vocantur, quòd ad siderum formationem
non pertineant, quarum illæ quoque ex numero sunt, quæ
inter caudam Leonis & plaustrum maius Coma Berenices
vocantur.

CAP. XVII. De Galaxia.

Refertur quoque ad siderum historiam Galaxia, quæ &
Via lactea, & *γαλαξίας κύκλος*. Ea est congeries minutis-
simarum stellarum nebuloso lumine collucentium, quæ ob-
liquo tractu cinguli modo cælum ambiunt. Vulgus Viam
sancti Iacobi vocat. Zona est latitudine & lumine inæqua-
lis. Ab ore ad ophiuchum est gemina; sed in æquatoris
circulo altera pars deficit: altera perpetua est; incipiènsq;
ab eodem cygno, per aquilam transit & Zodiacum in ex-
trema parte Sagittarij persectat: inde in meridiano hemi-
sphærio per aram, pedes centauri, nauemque Argo inter
utrumq; canem porrecta ad Zodiacum rediens, ipsum in se-
ctione solstitiali per geminorum pedes diuidit, atq; sub ca-
pella per dexteram Persei partem & Cassiopeæ asterismum
ad cygnum reuertitur. Eam Ouidius primo Metamorph. in
hunc modum describit.

*Est via sublimis, cælo manifesta sereno,
Lactea nomen habet, candore notabilis ipso,
Hac iter est superis ad magni recta tonantis.*

CAP. XVIII. De Planetis.

Inerrantibus stellis, Planetæ succedunt, erronei seu erra-
tici dicti, quod peculiari motu ambagibus pluribus per
signiferum vagentur. Sunt autem septem, qui distinguuntur
in Luminaria, *πῶτα*; & minores, *ἀστὲρες*. Luminaria duo Sol &
Luna sic dicta, quod ipsorum lumine omnia illustrentur;
Sole interdiu lumen ministrante, & Luna noctu lucente.

CAP. XIX. De Sole.

Sol fons & autor est lucis, mens mundi, cor cæli, dux &
princeps moderatôrq; reliquorum luminum, & ut apud
Ouidi-

Ouidium quarto Metam. de se ait;

Ille ego sum qui longum meior annum

Omnia qui video per quem vides omnia mundus,

Mundi oculus

veteribus nomine Phoebi, Apollinis, alijsque infinitis (vt Macrobius fusè demonstrat) appellatus; Græcis ἥλιος Candidus est; magnitudinis tantæ, quanta astrorum maximo competit; terræque maior secundum Ptolæmæum centies, sexagies sexies: sed secundum recentiorem Copernici observationem centies sexagies bis, tantum.

CAPVT XX. De Luna.

LVna, σελήνη, ἢ σελήνια, Iuno Lucina, & Diana dicta; citima terris, lumen nocturnum; sua inconstanti varietate Pana & Endymionem longo tempore in suæ naturæ admiratione captos detinuit. Corpore constat solido sed inæquabili, alibi rariore, alibi densiore & compactiore: ob id nec à Sole tota simul illuminatur, sed tantum ea globi medietate quam ad eum conuersam habet: quod radij densitate obstante totum corpus penetrare & illustrare nequeat: neq; etiam lumen æqualiter ubiq; recipit, quæ causa est quod maculosa apparet; nam cum superficies alibi densior sit, lumenq; Solis reflectat, alibi rarior & perspicua: radiósq; Solis non refringat, sed transmittat, necessariò sequitur eam obscuris maculis infectam apparere. Minor est terrâ Copernici sententia quadragies ter: Sole septies millies.

CAPVT XXI. De Saturno, Ioue, & Marte.

MInores planetæ sunt superiores & inferiores: Superiores qui supra Solem sunt; vt Saturnus, Iupiter & Mars. Saturnus, κρόνος ἢ φαίγων colore plumbeo vel pallido; terra maior est nonagies semel.

Iupiter ζεύς ἢ παῖς-δων, amœnus & lucidus aded, vt quandoque umbram pariat: magnitudine terram superat nonagies quinquies & ferè semisse.

Mars πούρχεις, αἶψος vel Herculis stella colore rutilo & in flammâ morem rubente maior est terra semel, cum vna tertia.

CAP.

CAPVT XXII. De Venere & Mercurio.

INferiores Sole duo sunt; Venus & Mercurius. Venus *Ἀφροδίτη*, à quibusdam Iuno dicta, tanquam de hoc aureo malo contendat: cum in oriente ante Solem conspicitur, Lucifer, *Φωσφόρος* & *ἑσπερός* appellatur; cum in occidente post Solem, Vesper & Vesperugo, *ἑσπερος*. Stella est candida & toto cælo pulcherrima. Eius magnitudo nondum planè est cognita: traditur tamen esse minor terra vices octies, aut tricies septies.

Mercurius, *Ἑρμης*, & nonnullis Apollo, stella lucida est, & vt perhibent, omnium minima. Duo hi inferiores comites Soli sunt: semperq; illum aut abeuntem subsequuntur, aut aduenientem matutina serenitate prænunciant, nisi cum omnino eius lateri adhærent. Mercurius tamen ob exiguum interuallum quo à Sole elongatur, perraro cernitur.

CAP. XXIII. De primo Cæli motu.

HAtenus prima pars de Cælo exposita est; in stellarum consideratione; altera sequitur de Motu sphaerarum cælestium: qui est duplex, primus & secundarius: vterque orbibus stelligeris omnibus communis, & naturalis.

Primus, diurnus, *ἡμερήσιος* est quo tota cæli machina vicens quaternis horis ferè ab ortu in occasum circa polos mundi mouetur.

CAP. XXIIII. De motu secundario Firmamenti in longitudinem.

Secundarius *ἀντίεξ ἡμερήσιος* & *πολυμήρης*, est vel totius sphaeræ, vel tantum Epicycli, quem tamen Firmamentum & Sol non habent; & vtriusque est vel in longitudinem vel in latitudinem. Atque motus in longitudinem secundarius *εἰς τὰ ἐπὶ μέρη*, est quo sphaeræ omnes ab occasu ad ortum contrario nisu contra primum motum circa polos Zodiaci feruntur. De hoc motu priori contrario Sol ita loquitur, secundo Metamorph.

Adde quod assidua rapitur vertigine cælum,

Siderâque alia trahit, celerique volumine torquet,

E

Niter

Nitor in aduersum: nec me, qui cetera vincit,

Impetus, & rapido contrarius enehor orbi.

Quod vt facilius intelligatur, exemplum hoc obseruandum est: Fingantur duo hi orbes A & B circa centrum C semel reuolui: sit A orbis Firmamenti aut primi mobilis, & B. Solis: B primum sub A erat, sed reuolutione facta viginti quatuor horis, secundo motu retro cessit, vt iam B non sub A, sit, sed sub D. nihilominus tamen cum toto coelo circa terram mouetur: circumferantur denuò; B vltius renititur, & iam sub E est: reuoluatur tricies, per triginta dies; iam Sol tota duodecima parte retrogressus erit: & B F coniungeretur: reuoluatur trecenties sexagies sexies, hoc est per annum integrum; videbis Solem trecenties sexagies quinques primo motu circa polos mundi delatum esse & semel contrario motu ab occasu in ortum.




Licet:

Licet verò exemplum in cœlo obseruare: ex statò loco horâ octaua promeridiana, seu alia quauis, locum Lunę in cœlo si appareat, animaduerte: postera die ibidem conspicietur non octaua, sed paulo ante nonam: post quartum diem non nisi vndecima ante medium noctis ibidem existet: non tamen præcisè: sed loco australiore aut septentrionaliore. Ex quibus intelligis Lunam quidem cum primo mobili ad occasum ferri & quotidie circumuolui, sed motu tardiore; hoc est, ipsa in orientem renitente: simulque illam moueri ad occasum circa polos mundi: ad ortum autem circa polos Zodiaci, obliquo nimirum tramite, quæ causâ est quòd quarto die obseruationis, obliquo loco ad meridiem aut septentrionem vergente conspiciatur. Sed ad rem: Lentiùs hunc contrarium cursum cōficiunt, qui primo mobili seu extremo cœlo sunt propiores: velocius, qui longius ab eo distant: nam Saturnus triginta fermè annos illo motu insumit: Luna mensem vnicum: Firmamentum vero proximum est, lentissimo procedit gradu, vt intera hominum ætate vix deprehendi queat. g

Conficit autem hoc secundo motu in longitudinem, ex trecētis sexaginta gradibus quibus cœli ambitus distinctus est, septuaginta tribus annis, vt Copernicus, siue centum annis, vt Ptolomæus asserit, gradum tantum vnum. Qui motus Firmamenti licet nullius momenti videatur, temporis tamen processu non nihil anomalie in cœlo peperit; nam hinc effectum est, vt stellæ fixæ simul omnes loco motæ sint; & signa Zodiaci amplius in suis dodecatemorijs non sint, sed loco orientaliore: nam Arietis stellæ, præter duas priores cornu, omnes in signo seu dodecatemorio Tauri nunc existunt: & Libra tota in Scorpionis partem recessit: quod tamen obseruationibus nihil obstat: non enim Zodiacus cum suis signis duodecim in firmamento statuitur, sed in primo mobili, vbi dodecatemoria variari non possunt. Eodem quoque modo planetæ ab occasu in ortum nitentes, eum cursum statis vicibus absoluunt: Verum quia interea aliquando altiores, aliquando humiliores existant, singulæ ipsorum sphæræ in plures orbes sunt distinctæ, vt motuum ratio aliquo modo demonstrari possit.


CAP. XXV. De planetarum Apſidalibus orbibus
& Excentrico.

Sphæra itaque cuiusvis Planetæ tres continet orbes, qui ad ſecundarium motum ſpectant, duos exteriores Apſidales, & his concludum Excentricum. Apſidales vtraq; externa ſuperficie mundo concentrici, & interioribus concinna proportionẽ excentricum complectentes, planetarum apſides ſummās & imas deferunt. Eſt autem ſumma apſis vel *Aux*, *Ἀπὸ τοῦ ἡλίου*, locus ſphæaræ in quo cum Planetæ ſtella verſatur, altiffima & remotiffima eſt à terra; Ima, oppoſitum augis *πρὸς τὴν γῆν*, propior ſphæaræ ad terram regio, in quo planeta decurrens terræ proximus. Excentricus orbis cuius centrum aliud eſt à mundi centro, in Solis ſphæra corpus Solis deſert, in cæteris Epicyclum. In hoc orbe præterea ſtatuitur circulus *Æquans*; nam cum inæquabili motu nunc citatior, nunc tardior circa ſuum centrū procedat, æquans excogitatus eſt, vt æquos planetarum motus oſtendat. Eius centrum in Lunæ ſphæra eſt in mundi medio; in reliquis tantum à centro Excentrici diſtat quantum iptum à centro mundi. In Sole itidem nullus eſt, vt hic vides





Prius schema commune est Saturni, Iouis, Martis, Veneris & Lunæ, *A*, orbes sunt Apsidales; *B* excentricus; *C* *D* epicyclus; *c* planetæ corpus epicyclo adhaerens, *E* *D* *C* æquans circulus. *F* centrum mundi: *G* centrum excentrici, & *H* æquantis. Alterum Solis proprium, qui æquante & epicyclo caret. In Mercurio anomalia est; nam apsidales eius sunt quoque excentrici, & duobus alijs inclusi: habet enim præter tres illos orbes duos Æquantes eadem forma cum apsidalibus: qui mundo exteriori superficie concentrici; & interiori excentricos illos ambientes apsim æquantis deferunt. Æquantis hîc centrum distat à centro mundi tribus partibus, quarum semidiameter excentrici continet sexaginta: orbium verò æquantium centrum abest sex eiusmodi partibus excentrici novem; ut diagramma ostendit.

CAP. XXVI. *De motu orbium Apsidalium.*

CONstitutis iam planetarum domicilijs, de eorum motu sequitur; Apsidales suum habent peculiarem motum, ut excentrici. Procedunt enim in Sole, Saturno, Ioue, Marte & Venere, ut & Æquantes in Mercurio secundum signorum successionem, siue in ortum ab occasu, circa eclipticæ polos, centum seu septuaginta annis vno gradu veluti octaua sphaera. In Luna autem & Mercurio mouentur contrario & celeriore motu, ad occasum: in Lunæ sphaera singulis diebus ultra motum diurnum primum, circa polos proprios (qui à Zodiaci polis gradibus quinque distant) gradus vndecim & minuta ferè duodecim conficiunt: & Zodiacum perlustrant diebus triginta duobus, horis tredecim, minutis quatuor. In Mercurio ambitum Zodiaci singulis annis absoluunt. Atque hoc motu apogæa plane-

tarum

tarum mutantur : nam cum Sol tempore Ptolomæi ante 1400. annos altissimus esset, cum ad sextum gradum Geminorum deuenerat, hæc suprema elongatio nunc in sexto gradu Cancræ depræhenditur : & ita de reliquis, vt obseruationes Ptolomæi & recentium astronomorum in hac tabella declarant :

Tempore	
Ptolomæi	nostro
Solis 6. gradu II	6 grad. 24. min. ☿.
Saturn. 23. gra. 46. min. ♄	27. grad. 42. min. ♄
Iouis 11. gradu ♃	6. grad. 21. min. ♃.
Martis 25. gradu ☿	27. grad. 1. min. ♄
Veneris	Idem cum Sole.
Mercurij 10 gradu ♄	9. grad. ♄

Locum Apogei

CAP. XXVII. De motu Excentricorum
in longitudinem.

EXcentrici mouentur ab occasu in ortum circa polos Zodiaci octauæ sphaeræ : éstque hic motus Planetarum maximè proprius & vulgaris, quo Zodiacum stans vicibus percurrunt. Excentricus Solis seu potius Sol ipse Zodiacum hoc motu sub linea exelyptica incedens, neque vnquam ab ea deflectens in latitudinem, perlustrat annis singulis hoc est diebus 365: horis 5: minutis primis 49: secundis 58: tertijs 49. Singulis autem diebus conficit 59: minuta prima: 8 secunda & tertia 19: retrocedit enim quotidie contra primum motum mundi vno ferè gradu. Motus hic est æquabilis circa centrum Excentrici: sed ad mundi centrum collatus inæqualis: nam qua parte excentricus Zodiaco propior est, ibi maiores arcus spacio Zodiaci competunt, quàm aduersa parte, vbi ab eo est remotior:

ob id plus spacij de Zodiaco vno die in perigæo conficitur, quàm apogæo: tamen in excentrico semper sit regularis: quapropter pluribus diebus moratur in parte boreali, quàm australi: & ideo ver, atque æstas apud Septentrionales longiore constant tempore, quàm autumnus & hyems, quod excentrici maius segmentum isthic respiciat: nam de 365. diebus & 5. horis quibus Sol in excentrico periodum suam absoluit: quadrantibus primo ab Ariete ad Cancrum competunt dies 92: horæ 21: minuta 55: quadrantibus secundo à Cancro ad Libram dies 93: horæ 10: minuta 16: tertio, à Libra ad Capricornum dies 89: horæ 27: minuta 2: quarto demum ab eodem ad Arietem dies 89: horæ 4: minuta 39; vt differentiam hîc vides.



Arque hæc est theoria Solis. Excentricus Lunæ singulis diebus in ortum mouetur 13 gradibus, 10. minutis, cum 35 secundis, qui motus circa excentrici centrum est inæqualis;

bilis: ideóque eius norma ab æquante circulo depender, quemadmodum & in reliquis quinque. Peragrat verò integrum Zodiacum diebus 27: horis 7: minutis 43: secundis 12.

Saturni excentricus Zodiaci signa permeat annis 29: diebus 155: horis 7.

Iouis, annis 11: diebus 312: horis 17.

Martis, anno vno, diebus 321: horis 22.

Veneris & Mercurij, anno vno vt Sol. Obseruandum autem est, quandoquidem planetæ hi alio præterea motu in Epicyclo vagantur; nec eodem tempore præcisè cum excentrico dodecatemoria percurrunt; terminum huius motus esse centrum Epicycli: vt dicimus Iouem à quinto gradu Leonis egressum, duodecim ferè annis eodem redire: cum tamen ipsa stella propter epicycli delationem hunc locum iam anticiparit, aut post assequatur: vnde motus centri Epicycli seu Excentrici orbis, Medius motus dicitur, quod non verum planetæ locum, sed epicycli centrum indicet. Verus porro motus est, qui linea à centro mundi per stellam protensa, locum eius verum in Zodiaco ostendit. Medius ille motus in excentrici peripheria est inæqualis: nam alijs locis velocior est, alijs remissior: vnde eius æqualitas in æquante metienda est. Diurnus illorum motus æquabilis est in Saturno minutorum duorum: in Ioue minut. quinque ferè: in Marte 31. minutorum cum semisse ferè: in Venere & Mercurio 59 minutor. vt in Sole, cuius sunt comites perpetui: eique medio motu semper coniuncti.

CAP. XXVIII. *De Firmamenti motu
in latitudinem.*

DE motu in latitudinem sequitur: qui alius est octauæ Diphæræ, alius planetarum. Firmamenti vocatur motus trepidationis, vel accessus & recessus; est autem huiusmodi: circum puncta æquinoctialia in Zodiaco fixo finguntur circuli duo parvuli, quorum diameter est minutorum 24: in quorum peripheria initia arietis & libræ firmamenti fixa circumaguntur: fitque huic circuitus iuxta Copernici traditionem

ditionem annis 3434. quo motu ecliptica octauæ sphæræ ab ecliptica fixa in austrum & boream nutat, ac nonnunquam ad æquatorē punctis solstitialibus accedit, nonnunquam discedit: vnde maxima Solis declinatio (quæ est Canceri & Capricorni ab æquatore ob Zodiaci obliquitatem maxima elongatio) mutatur, nec semper eadem manet; nam quæ tempore Ptolomæi fuit viginti trium graduum & 51. minutorum, à Mahomete Aratenſe ſeptingentis poſt annis, inuenta eſt graduum 23: & minut. 35: noſtro æuo à Vuernero & Copernico depræhenſa eſt graduum 23. & 28. minutorum cum ſemiſſe. Maxima autem declinatio eclipticæ ab æquatore, ſtatuitur graduum 23. & minutorum 52. Minima 23. gradus & minut. 28. Eſt ergo maxima huius mutationis differentia viginti quatuor minutorum.

CAP. XXIIX. De motu Lunæ in latitudinem.

SOL, quia ab ecliptica non deuiat, latitudinem nullam habet: Luna verò & cæteri ab ea in vtramuiſ partem recedunt, quæ deuiatio motus dicitur in latitudinem. Luna ſimplicem habet: reliqui duplicem tùm ob excentricum orbem, tùm epicyclum. Habet porro Lunę domicilium orbem alium mundo concentricum: qui eius apſidales ambit & in ſe concludit: cui etſi idem cum mundo & ecliptica centrum ſit, poli tamen ſunt alij diſtantes ab ecliptica firmamenti poli vtrinque quinque gradibus: quæ res efficit, vt excentrici ſuperficies adeoque tota ſphæra Lunæ eclipticam perinde interſecet, atque Zodiacus æquatorem: vnde ab ecliptica ſemper deſlectit, nec niſi in ſectionibus eam ſubit: ſectiones tamen illæ non ſunt fixæ: procedit namque hic exterior orbis proprio motu ab oriente in occidentem ſingulis diebus, aggregato quoque cæterorum orbium motu, minutis tribus & ſecundis vndecim: totùmque Zodiacum permeat annis 18: diebus 226. horis 7. minutis 43. quo motu ſectiones contra ſignorum ordinem in occaſum tendunt. Deſlexionis figura vulgò Draco dicitur: Caput draconis nodus ille ſeu ſectio qua Luna ab ecliptica ad ſeptentrionem aſcendit: Cauda autem Draconis nodus
alter

alter qui Lunam ab ecliptica in meridiem deuehit: græcis
αὐτοστόματος ἀναβιβάζων, ἢ καταβιβάζων.

CAP. XXX. De latitudine trium
 superiorum.

EXcentrici in Saturno, Ioue & Marte superficies eodem
 modo eclipticæ planitiem diuidit: & qua parte apo-
 geum est, in septentrionem vergit; qua perigeum, in me-
 ridiem: ob idque stella semper aliquam latitudinem ha-
 bet, nisi cùm in nodis est, vt in Luna: tùmque maximã cum
 in extremis latitudinis punctis qui vtrunque à nodis æqua-
 liter distant, versatur. Ea puncta maximæ latitudinis nostro
 æuo sunt

Septentrionale,	Meridionale
Saturni in 7. grad. m.	in 7. gradu δ.
Iouis— in 27. gr. ♋.	in 27. gra. γ.
Martis in 27. gra. ♎.	in 27. grad. ♊.

Saturnus quindecim annis cum dimidio ferè est septen-
 trionalis: reliquis quatuordecim meridionalis. Iupiter sex
 annis & quinque mensibus septentrionem versus deuiat
 quinque annis cum semisse versus meridiem. Mars inæqua-
 liter nec semper eodem modo altero anno in septentrione
 agit, altero in austro. Quodd verò diutius in borea moram
 trahant, fit, quod excentrici superficies non suo centro
 eclipticam secet, sed in centro mundi: ideoque ea pars quæ
 in septentrionem inclinatur maior est: quæ in austrum mi-
 nor: & plus stella temporis in percurrendo maiore seg-
 mento consumit: vt in sequente pagina vides.

CAP.



CAP. XXXI. De latitudine Veneris & Mercurij.

Inferiorum duorum latitudo, quam ratione excentrici habent, Deuiatio dicitur, ἡ κλίσις τῆ ἐκκέντρου. Ea fit hoc modo: Dum excentricus suo motu in longitudinem fertur: si centrum epicycli in alterutro nodorum (qui ab apogæo & perigæo vtrique nonagenis distant gradibus) existat, latitudo nulla est, & vnum efficitur excentrici & eclipticæ planum: sed quamprimùm centrum epicycli à nodis versus apsidēs mouetur, incipit excentrici superficies sensim in latum declinare, Veneris in septentrionale, Mercurij in meridionale, donec in apogæo aut perigæo æquantis maximum latitudinis terminum attingat: ibique Veneris latitudo decem minutorum, Mercurij 45 minut. seu dodrantis vnus gradus: rursūque quanto magis nodo alteri appropinquat, tantò deuiatio decrescit, donec sub nodo existens, nusquam declinet. Summa itaque deuiatio est in apogæo & perigæo: nulla in sectionibus.

CAP.


CAP. XXXII. De Planetarum epicyclo.

PRior pars de motu planetarum absoluta est, sequitur altera de motu Epicycli. Sol quia simplicissimo progressu mouetur, epicyclum nullum habet: ceteris sex suus est cuiusque peculiaris: eò maior quo Soli quisque est propior. Est autem Epicyclus spherula excentrico infixæ, tantæ magnitudinis, quantum excentrici inter vtrûmque apsidalem capacitas comprehendere potest: in hac planetæ stella insidens statis vicibus alio præter superiores motu circumagitur. Distinctus est eodem modo, vt maiores orbes, in 360. gradus. Excogitauit antiquitas epicyclum ob miros planetarum & diuersos motus, quibus nunc cursum accelerant vel inhibent, nunc velut immoti subsistunt: nonnunquam etiam gressum reciprocant: cuius diuersitatis ratio omnis ex epicycli adminiculo constat, atque intelligitur.

CAP. XXXIII. De motu Planetarum in Epicyclo, in longitudinem.

LVna in superiore parte Epicycli mouetur in occasum, in inferiore secundum signorum successionem in ortum: Saturnus verò & reliqui ex aduerso, superiore parte progrediuntur in ortum: inferiore regrediuntur versus occasum. Forma autem motû stellæ in epicyclo est huiusmodi: Cum planeta à superiore parte epicycli ad inferiorem per eius conuexum descendit, aliquanto videtur subsistere; quod arcus ille epicycli descendens parum admodum spacijs occupet in Zodiaco, cum non in latum sed recta deorsum tendat: Hanc stationem iuuat quoque motus excentrici in contrariam partem: nam quantum eo tempore planeta in epicyclo proficit, tantum excentricus qui epicyclum defert in aduersum nititur, ita vt motus alter altero tollatur, tûmque dicitur Stationalis *συνεριστός*. Cum deinde in imam partem epicycli stella deuenit, ac longius progrediendo velocius in epicyclo mouetur, quàm excentricus in aduersum, apparet regredi; ob idque dicitur Retrogradus *ωστρογρητός*. Exinde per alte-

rum epicycli latus ascendens, rursus paululum immotus apparet consistere; quod Statio vocatur secunda; quæ tam diu perdurat; donec superiorem partem consequutus, per illius peripheriam ad orientem rectâ feratur celeriore gressu quam nusquam alias: nam cum & ipse planeta tum in epicyclo secundum signorum ordinem procedat; & excentricus suo proprio motu itidem; efficiunt duo hi concurrentes motus vt planeta velocissimus appareat: diciturque Directus, *ὡς ἀπὸ πικρῶς*. Differentiæ tamen istæ in Luna non æquè conspicuæ sunt, propter epicycli paruitatem. Totum negotium hoc diagrammate exhibetur:



& mouentur quinque minores ab O, in V. I. R. Luna contra ab O, in R. I. V. Stationes non in locis contactus sunt, ubi lineæ à medio mundi ductæ epicyclum contingunt, sed partibus inter contactum & perigæum medijs, vt in S. prima:

prima: in M. secunda: quo verò Epicyclus perigæo æquâtis propior est, eò etiam loci stationum perigæo sunt propiores: non enim iisdem semper locis contingunt. Directus est planeta, cum in arcu M. O. S, versatur: Reciprocus dum in S. I. M: nam stationibus exiguæ portiones tribuuntur, quòd breue tempus sit, quo immoti apparent.

CAP. XXXIII. De circuitu epicycli absoluto.


Quantum singulis diebus planetæ in epicyclo itineris conficiant, quantòq; tempore quisque revolutionem absoluat, hîc vides.

Motus diurnus: Periodicus.

Lune.	13	4				☾	27	13	18	34
Saturni.	0	57	7	44		♄	378	2	12	13
Iouis.	0	54	9	4		♃	398	21	12	9
Martis.	0	27	41	40		♂	779	22	22	40
Veneris.	0	36	59	27		♀	583	22	15	
Mercurij.	3	6	24			☿	115	21	5	
	gra-	Mi-	Se-	Ter			Die	Ho-	Mi-	Secū
	dus.	nut.	cun.	tia.			bus.	ris.	nut.	dis.

Obseruandum præterea est; trium superiorum Epicycli cursum à Solis vicibus dependere: nam cum Sole eis coniungitur summum occupant epicycli fastigium; cum in opposito est, imam tenent partem: vt fingatur Iouis epicyclus in initio Cancrî esse, si Sol illi in eodem signo coniungatur, stella Iouis in apogæo epicycli existet; si verò Sol quadrante ab epicyclo distet, sitque in Libra, stella in epicyclo quoque distabit quadrante ab apogæo, eritque iuxta lineas contactus: quod si Sol in opposito signo Capricorni sit, stella tanquam à Solis radijs plus satis elongatis secura, ad imam partem epicycli sese demitteret: tùmque est reciproca, cum Soli ex diametro opposita est: accedente porro Sole & iterum ascendente, radijs ipsius propulsa eleuatur paulatim donec ei iterum coniuncta in extremas partes apogæi se recipiat. Estque hoc perpetuum in Saturno, Ioue & Marte; vt admiratione dignum sit, inferiores planetas

planetas duas tanquam minoris dignitatis, Soli chorago
 toto suo domicilio famulari : superiores velut angustiores
 etfi non principali suorum orbium motu, tamen epicycli
 ratione ipsum reueteri. Ergo temporis quo hi epicyclum
 permeant interuallum tantum est, quantum inter binas
 Solis & eorum coniunctiones intercedit. Ex hac epicycli
 ratione constat quoque, cur Veneris eadem stella longo in-
 teruallo Solem nunc lequatur, nunc præcurrat, cum tamen
 medio motu ei semper sit coniuncta, nimirum cum à summa
 apside ad imam per latus dextrum descendit, nouem am-
 plius menses à Solis occasu in occidente cernitur : cum ab
 ima ad supremam apsidem per alterum semicirculum as-
 cendit, tantundem ante Solem matutina lucet : vt hic vi-
 dere licet :



A.centrum

A centrum est mundi: O excentrici Solis; & Veneris E, A, I horizon: hemisphaerium superius, quod nobis est conspicuum: G. B. H. C. orbis Veneris, F. E. D. via Solis. vides ergo D Solem & V. Veneris epicycli centrum vno quidem loco sub Zodiaco esse & medio motu convenire: porro D. Solem sub horizontem iam occidisse, & C Veneris stellam adhuc super horizontem conspicuam extare; ac tamdiu vespere in occidente cerni, quamdiu in illo semicirculo qui supra horizontem extat degit. In oriente Solem & centrum epicycli K item coniuncta: Solem tamen nondum exortum sub horizonte adhuc delitescere: Venerem vero vel Luciferum longo ante temopre supra fulsisse. Ac quod tanto tempore opus habeat, quod ambitum conficiat, causa est epicycli amplitudo; habet enim epicyclum ratione suorum orbium amplissimum; quod etiam Ovidius quarto Fastorum expressit:

Ille quidem totum dignissima temperat orbem

Ille tenet nullo regna minora Deo.

Excentricitatem è contra habet minimam Mercurius alatus Deorum nuncius, menses tantum quatuor absoluendo cursu epicycli consumit: cumque ex quinque minoribus ambitum illum annuo spacio nullus conficiat, hic vno anno semel atque iterum loca omnia percurrit. Apostaseos dumtaxat seu digressionis duorum inferiorum à Sole termini non ubique sunt iidem: contingunt namque maiores cum epicyclus in perigæo excentrici versatur, minores cum in apogæo. Sunt verò huiusmodi:

<i>Si epicyclus sit in Apogæo Excentrici</i>	<i>In Perigæo</i>
<i>Veneris 44. gradus 25. Minuta</i>	<i>45. gr. 35. min.</i>
<i>Mercurij 16. gradus 5. minut.</i>	<i>27. gr. 37. min.</i>

nam hæc est semidiameter epicycli in Zodiaco dimensa: In Mercurio digressio hæc apud Septentrionales vix animadvertitur: quod & epicyclus minimus sit, & latitudine in meridiem deuiet: nisi cum in alterutro perigæo sit, habet enim duas imas apsidēs vnā 9. gradu Piscium, alterā 9. gradu Cancrī: vnicā tamen summā, 9. gradu Scorpionis.

CAP. XXXV. De superiorum latitudine ratione Epicycli.

Epicylus dum in nodis excentrici & eclipticę versatur, nullam habet latitudinem : cum verò à nodis ad declinationem excentrici progreditur, incipit paulatim ab excentrico in latus deflectere, ita vt si in apogæo excentrici fuerit, declinet eius ima apsis versus septentrionem vltra excentricum & summa versus eclipticam citra eundem : si in perigæo excentrici fuerit epicyclus, eius perigæum item vltra excentricū versus meridiem inclinēt, apogæum intra excentricum : & eclipticam, ea ratione, vt semper perigæum epicycli vltra illam excentrici partem deuiet in qua fertur : apogæum vero ad eclipticam. Hinc fit vt planeta perpetuò maiorem habeat latitudinem cum est in perigæo epicycli, quam cū in apogæo. Quanto autem spacio in extremis excentrici latitudinum terminis ab ecliptica elongentur, hac tabella indicatur.

Cum epicyclus in extrema latitudine excentrici est, tunc planeta distat ab ecliptica, si est in parte.

	Septentrionali	Meridionali.
h in {	Apogæo 2 gra. 3 Minuta	1 grad. 1 minutum
	perigæo 3 gra. 3 min.	3 grad. 1 minut.
M in {	apogæo 1 gr. 6. min.	1 grad. 4. min.
	perigæo 2 gr. 5. minuta	2. grad. 8. min.
J in {	apogæo 1 gr. 6. min.	0 2 min.
	perigæo 2 gr. 5. min.	7. grad. 30. min.
in Septentrionem		in austrum.

CAP. XXXVI. De latitudine Veneris & Mercurij in epicyclo.

Latitudo inferiorum ratione epicycli duplex est : Inclinationis ἰσχυριστὶς τῷ ὀρθῷ κλῆς, & Reflexio, ἀφ᾽ ὧσσι. Quando

do epicyclus in nodis qua planum excentrici eclipticam fecat, est ubi excentricus per se nullam habet latitudinem, tunc eius summa & ima apsis certo interuallo à plano excentrici recedunt in Venere versus septentrionem, in Mercurio versus austrum, & dicitur inclinatio. Ea est in Veneris epicycli apogæo gradus vnus & tria minuta : in perigæo gradus 6 & minuta 22 : In Mercurij epicycli apogæo gradus vnus & minuta 46 : in perigæo quatuor gradus & minuta quinque. Cum autem epicyclus à nodis ad perigæum aut apogæum excentrici deferretur ; tunc apsidæ epicycli sensim ad excentricum redeunt, & vice versa latera eiusdem ab excentrico deflectunt, tamdiu donec in apogæum aut perigæum deuenierit excentrici, qui tum similiter maximam habet latitudinem : diciturque Reflexio in Venere borealis, in Mercurio austrina. Est autem in Veneris excentrici summa apside & ima duorum graduum cum semisse ; In Mercurij æquantis apogæo 2. grad. 15. minut. in perigæo grad. 2 : & minut. 45. Atque harum declinationum perpetua lex est ; vt alternis vicibus nunc Inclinatio fiat, nunc Reflexio : illa maxima, cum hæc nulla est, & è contra : alteraque augeat cum altera decrescit : Venerisque omnes in boream vergant, Mercurij in austrum. Venus itaque cum longissimè deuiat, tam excentrico, quàm epicyclo, distat ab ecliptica gradibus 7 : & minutis 14. Mercurius 4. grad. & 33. minutis.

CAP. XXXVII. *De altitudine Stellarum.*

Absoluta est doctrina de motu cœli ac theoricis planetarum : restant quæ coniunctim ex motu & stellis oriuntur, adiuncta duo, altitudo stellarum & lumen : atque effectus de virtute astrorum. Est ergo Firmamenti vndeque à terra distantia decies millium & quadraginta diametrorum terræ & dodrantis : numerantur verò pro diametro terræ 1720 miliaria germanica. Atque hæc firmamenti distantia perpetuò est eadem, nec mutatur : at in planetis propter excentricitatem & epicyclorum apsidæ ratio est alia ; altitudinemque singulis propemodum momentis variant : sumenda igitur summæ altitudines & imæ. Abest

Saturnus cum in apogæo est à terra decies millib. triginta sex terræ diametris, & paulò plus : cum in perigæo est, 7189. diametris cum sextante.

Iouis apogæum abest 7184. diametris, & paulò plus semisse : perigæum 4427. minus ferè sextante.

Martis apogæum 4011. diametris : perigæum 588. licet olim maiore interuallo distaret.

Solis à terra summa distantia tempore Ptolemæi erat 605. diametrorum : minima 561. sed quia excentricitas itidem vt Martis mutata est, apogæum à terra abesse 589. diametris tantum & semisse depræhenditur.

Veneris summa apsis distat à terra 535. diametris; ima 83 fuit & hæc alia priscis temporibus.

Mercurij summa apsis 83. diametris : illa verò puncta vbi terræ proximus est, quæ vtrinque à vero æquantis perigæo distant duobus signis; diametris 32. & semisse.

Lunæ seu nouæ, seu plenæ in apogæo existentis, distantia est 32. diametr. & dodrantis : in perigæo 25. & ferè septuncis : Dimidiata verò in summa apside abest 34. diametris & sextante : in ima 26. & quadrante.

CAP. XXXVIII. *De Luce.*

LVmen & tenebræ progressum à stellis, vices à motu cœli fortiuntur : & ortum à luce. Lux est substantia immaterialis, purissima, lumen ex se fundens. Habuit propriam sui creationem eo fine vt omnia in mundo illustraret; tenebræque pelleret: collecta autem post, & velut in vnum coagmentata Soli & stellis vt anima corpori est indita : Et licet Sol fons sit & autor lucis, omnique astra splendore longo interuallo exsuperet, tamen stellis omnibus sua sed longè debilior lux est; præterquam vni Lunæ, quæ nihil præter exilem & obscurum fulgorem habet; suamque lucem omnem à Sole mutuatur.


CAP. XXXIX. *De Lumine.*

LVmen est lucis splendor in corpore perspicuo. Promanat è luce astrorum perpetuò, ac tanta celeritate ad obiecta fertur, vt citius momento extrema, & longissimè distantia illuminet. Perspicua penetrat, siue ea solida sint, siue non :
cœlum

cœlum nanque, aërem, aquam, adhæc cryſtallum, adamantinum lapidem, vitrumque perlustrat. Huius tractationis axiomata sunt illa: Lumen non fit nisi in perspicuo: & Radij lucis directò feruntur: & Radij lucis ad corpus densum refringuntur: & demum, Maius lumen obfuleat minus. Ad iuncta habet duo; splendorem & nitorem: Splendidum durum est; nam molle non æquè, nec omnes radios reflectit.

CAP. XL. De Tenebris.

Tenebræ dicuntur priuatio Lucis, quæ vmbra est corporis opaci; vt nox vmbra terræ. Exurgunt. n. tenebræ nocturnæ, cum Sol sub terra decurrens ob eius densitatem obiectum aërem nequit illuminare. De vmbra diuersitate tria sunt axiomata: I Si corpus lucidum æquale est opaco, vmbra reddit columnæ effigie: quæ dicitur *κωνιδειδης*. II Si corpus lucidum maius est opaco, gignitur vmbra mucronis figura, *μυκρονειδης*. III Si lucidum opaco minus est, fit vmbra instar turbinis recti, *καλαδοειδης*. Vmbra ergo cylindrica & turbinata in infinitum excurrunt: pyramidalis in mucronem definit.



CAP. XL I. De *Influxu cœlesti.*

Ventum est tandem ad illustrem illam partem Astronomiæ, quæ est, de siderum vi & efficacia in hæc inferiora, quæ è stellis oritur & motu cœli. Etsi verò non omnia cœli influentia regantur, multæ tamen & insignes cum in aëre tum in humano corpore mutationes contingunt, quarum origo & causa manifestè à virtute cœlesti dependet. Atque influxus cœlestis hominè quidem ad motus & perturbationes propensio-rem reddit, sed nulla necessitate cōpellit: nullis nanque libera mens hominis siderum positionibus subdita est: quinetiam Sapiens dominabitur astris. Vt autem influxus nonnunquam diabolicis præstigijs iuuatur, ita sæpe à Deo ad piorum vota retardatur atque infringitur: vt à signis cœli non ita metuendum moneat propheta Ieremias cap. 10. Quapropter nec tam multum illis tribuendum, vt vulgus astrologorum prædicat; neque illorum vis penitus reiicienda, quum multa atque insignia exempla experientia tradat, quæ declarant quantū in pluribus astra possint. Hinc n. tempestatum omnia genera, inundationes & cataclysmi: hinc vigor languorque animantium, & eorum subitæ mutationes: hinc annorum diuersæ qualitates, quæ alijs siccitate squallent, alijs humiditate ac frequentibus pluuijs abundant; vnde agrorum sterilitates vbertasque frugum, quale exemplum insigne Arist. 1. lib. Politic. cap. 7. narrat de Thalete Milesio; qui cum ex astrorum situ oliuarum prævidisset sterilitatem, quo philosophiæ dignitatem ostenderet atque vtilitatem, ingentem summam olei pretio paruo coemptam, anno sequente duplo ac pluris vendidit. Et sanè Ecclesia ita sentit, Deum hisce secundis causis tanquam instrumentis vti, quibus & bona sua largiatur, & iram exerceat.

CAP. XL II. De *simplici astrorum effectu.*

Exerunt vim suam astra vel simplicem per se, vel aliorum respectu: Per se, cum solitaria ac simpliciter agunt nullis alijs adiuta. Sic primò ex signis Zodiaci Aries, Leo

Leo & Sagittarius vim habent calidam & siccam, appellanturque vulgò ignea: Taurus, Virgo & Capricornus siccam & frigidam: dicunturque terrea: Libra, Gemini & Aquarius calidam & humidam, suntque aërea: Cancer, Scorpius & Pisces frigidam & humidam: & sunt aquea. Eodem modo cæteræ stellarum fixarum suas habent vires: sed obscuras, nec nisi cum Sole orientur illustres. De planetis eadem est ratio, sed magis perspicua, habent enim effectus insigniores: Saturnus vim habet siccandi & frigefaciendi: Virgil. primo Georg:

Frigida Saturni quo sese stella receperet

Mars calore feruente item exiccat: vterque vitæ humanæ minus commodus; ob id aduersi dicti & terribiles. Iupiter hominum generi salutaris, calidus & humidus, calorem suppeditat spiritualement; & quia fœcundus est ciendis flatibus, ideo Ioui antiquitas fulmen assignauerat. Venus calefacit & humectat, ac temperamento suo omnia fœcundat, vt Ouidius testatur quarto Fastorum:

Illa quidem totum dignissima temperat orbem,

Illa satis causas, arboribusq; dedit.

In Iuuenalis satyra sexta:

Quid sidus triste minatur,

Saturni, quo leta Venus se proferat astro.

Luna frigida & humida, humidis ferè dominatur, vt aquæ, cerebro, medullæ & mari vniuerso. Mercurius varius & versatilis virtutem propriam non habet, sed ad illos se accommodat, quibus proximè est coniunctus; illorumque vim seu noxiam siue prosperam adauget.

CAP. XLIII. De calore & virtute Solis.

Sol vt astris omnibus luce præstat, ita viribus quoque est superior. Eius præcipua vis est in illo, quod omnia eius calore producantur; augescant atque foueantur: Est enim omnis caloris & vitæ fons: namque vt eius absentia frigore quæque horrent, ac pereunt, ita cum verno tempore cursum ad nos reflectit, omnia virescunt & animantur; quin etiam animantium vita animusque recreatur

ac exhilaratur, vt creber matutinus volucrum cantus declarat: vultu Ouidius primo Pastorum exprimit:

Omnia tunc florent, tunc & noua temporis ætas,

Et noua de gaudio palmite gemma tumet.

Et modo formatis aperitur frondibus arbos,

Prodit & in summum seminis herba solum.

Et tepidum volucres concentibus aëra mulcent,

Ludit & in pratis luxuriatq; pecus.

Nam calor ille omnis quicunque tam simplicibus naturis, quàm mistis inest, qualem Cicero secundo de Natura Deorum fusè & pulchrè describit, ex vegetante hoc fonte emanat. Et hæc est anima mundi, quam sexto Æneidos Virgilius prodit, cum ait:

Principio cælum, terras, camposq; liquentes

Lucentemq; globum Luna, Titaniaq; astra

Spiritus inuis alit, totamq; infusa per artus

Mens agitat molem, & magno se corpore miscet:

Inde hominum, pecudumq; genus vitæq; volantium:

Et quæ marmoreo fert monstra sub æquore pontus.

Effundit calorem ex se non consumptiuum, qui alimento indigeat, sed viuificum, qui ad terram & corpora inferiora deferretur radijs quos ex sese Sol emittit: ipsoꝝq; reflexione tum augetur tum minuitur. Est autem Reflexio cum radij descendentes à terræ soliditate refringuntur, & orthogonali ad terræ superficiem linea sursum resiliunt. Obseruentur itaque hæ regulæ: Quò radij reflexionis acutiorem angulum constituunt: eò maiorem gignunt calorem: quò obtusorem, hoc calorem minorem. Ex quib. constat sub æquatore intensissimum calorem esse, vbi radij non modo maximè acutum angulum efformant, sed etiam vniuntur; In Europa mediocrem, propter angulos inter acutum & obtusum medios, & Septentrionales sub Arctico perexiguum sentire, quòd propter extremam obliquitatem radij vix retundantur.

CAP. XLIIII. De aspectuum differentijs.

Astra aliorum respectu agere dicuntur, cum non simpliciter vnum, sed plura simul ob varium inter se positum vim

vim suam emittunt auctiorem aut debiliorem: Atq; hi positus astrorum, vulgari nomine Aspectus vocantur, quorum genera sunt quinque: Coniunctus, cuius nota est (\oslash) cum duæ aut plures stellæ in eodem cœli loco coniunguntur. Sextilis(*) cum stellæ ab inuicem duobus signis Zodiaci distant, Quadratus (\square) cum tribus signis vel Zodiaci quadrante distant: Trinus vel trigonus (\triangle) cum distantia stellarum est quatuor signorum. Oppositus (\otimes) cum sex signis vel ex diametro sunt distant. Habent ergo secundum varios hosce aspectus, varias vires, quas ut locum subinde mutant, intendunt atque remittunt. Et hac ratione planetarum virtutem augent aut enervant loco Zodiaci, sub quibus aspectus contingunt: ut coniunctiones planetarum in signis calidis magnos æstus cient; in humidis pluies, inundationes. Causa verò huius coniunctæ virtutis, qua stella alia aliam viribus iuuat, exsurgit inde, quòd astra alia aliorum accessu extimulentur; aut coniectu radiorum impellantur.

Schema

Aspectuum.



CAP.

CAP. XLV. De Ortū & Occasū stellarum.

AD coniunctionem & oppositionem tantum, referuntur
 primò ortus & occasus stellarum; secundo Eclipses Lu-
 næ & Solis : ad omnes autem omnino aspectus pertinent
 αἴσεις & illuminatio Lunæ. Ortus quemadmodum & occa-
 sus est duplex, verus & apparens: Verus est cum stella super
 horizontem elata conspicitur: éstq; vel Matutinus vel Vef-
 pertinus. Matutinus qui sub Solis ortum contingit, κοσμικὸς
 αἰατολὴ εἰώα est quando stella cum Sole exoritur. Occasus,
 δύσις εἰώα est quando Sole oriente, stella ex aduerso in occasu
 sub horizontem demergitur. Vespertinus fit Sole occiden-
 te, ἀκρόνυχος; Ortus αἰατολὴ εἰαπερία est cum sub initium noc-
 tis stella in oriente emergit. Occasus δύσις εἰαπερία, quando
 stella cum Sole occidit. Obseruandum est autem, stellas
 quæ longius ab ecliptica versus polos distant, ijs quibus ob-
 liqua sphaera est, non cum illo gradu eclipticæ oriri in quo
 sunt secundum longitudinem; sed aliquantò post vel antè
 iuxta sphaeræ situm, stellæq; locum: vt pro multis vnus Siri-
 us exemplo sit; is enim apud illos qui quadraginta sex par-
 tibus ab æquinoctiali sunt diffiti, non cum septimo gradu
 Cancrī, qui eius locus est secundum longitudinem, sed cum
 duodecimo Leonis super horizontem exsurgit. Stellæ itaq;
 dum hoc modo cum Sole oriuntur aut occidunt, maioris
 sunt efficacīæ, & vires illarū illustriores animaduertuntur,
 quàm reliquo toto anno. Sic Hædorum Erichthonij hume-
 ro insidētium, Hyadum in Tauro, Arcturi, Orionis exortus
 plerunq; pluuias & imbres, nonnunquam grandines pocel-
 lasq; adferunt: de Hædis & Capra, Ouidius tertio Metamor.

Nascitur Oleniæ sidus pluuiæ Capellæ.

& Vergilius noño Æneidos:

— Pluuiæ libus hædis Verberat imber humum—

De succulis sidere terra marique turbido, Ouidius sexto
 Fastorum:

Postera lux Hyadas taurinæ cornua frontis

Euocat, & multa terra madescit aqua.

De Orione Virgilius primo Æneidos,

Cum subita assurgens fluctu nimbofus Orion.

Excitat

Excitat enim ventos turbulentos & tempestates, quæ ob sideris amplitudinem plures dies perdurant. Pleiadum ortu multæ arbores germinant, mare nauigantibus aperitur; asseruntque illis diebus in amne Lario omnibus annis pisces esse crebris conspicuos squamis & præacutis; nec amplius quam eo mense. Sirij seu Caniculæ effectus in terra insignes sentiuntur, nec mare immune est: accendit namq; Solis vapores, ac tanto æstu feruet, vt omnia propemodum eius ortu exsiccentur, morbi vigeant, canes maximè in rabiem agantur. Vnde Virgilius secundo Georg.

——— *Hiulca sui findit Canis æstifer arua.*

Et decimo Æneidos,

——— *Sirius ardor*

Ille sitim morbosq; ferens mortalibus agris.

Et Ouidius quarto Fastorum:

Est Canis, Icarium dicunt, quo sidere moto

Tota sitis tellus, præripiturq; seges.

Et Persius satyr. 3.

——— *Damnosa Canicula quantum*

Raderet.

Emergente cum Sole piscium signo, vberimam tradunt piscium esse capturam: & apud Italos farina augusto mense confecta, incorrupta diu seruatur. Illustrem quoque reddit siderum efficaciam mellis propagatio, quod Sirio exsplendescente præcipuè fiat, nec ante Vergiliarum exortum.


CAP. XLVI. De ortu heliaco.

Ortus apparens *ἡλιακός*, est noua apparitio stellæ quæ Soli cōiuncta aliquandiu radijs eius testa latuerat: Occasus cum stella radios solares subit & occultatur. Obfuscat autem stellæ primæ magnitudinis, cum duodecim gradibus à sole absunt: secundæ magnitudinis, tredecim: tertiæ, quatuordecim: quartæ, quindecim: quintæ, sedecim: sextæ, septendecim. Emicant rursus Sole totidem partibus remoto. Venus euanescit cum quinque partium interuallo ab illo distat; Mercurius & Iupiter decem: Mars & Saturnus vndecim. Ortus verus de fixis est vñtior: apparès de Planetis.

CAP.


CAPVT XLVII. *De eclipsi Lunæ.*

Eclipses sequuntur. Est autem Eclipsis cum lumen alterutrius luminarium deficit aut impeditur: illud in Luna contingit, hoc in Sole. Defectus Lunæ est, quando Soli rectà opposita, nullam aut exiguam latitudinem ab ecliptica habens, obiectu terræ lumen amittit. Fitque hoc modo: Terra quia minor Sole est, umbram reddit conoidalem: quæ quantò à terra discedit, tanto magis coarctatur, atque tandem intra sphæram Mercurij & Veneris in conum finitur. Eius semidiameter in sphæra Lunæ 48. minorum est; atque hoc spacio in vtranque partem vltra eclipticam extenditur: vt tota eius diameter in Zodiaco sit vnus gradus & 36 scrupulorum. Cum itaque hoc umbræ spaciū semper sub ecliptica sit, Luna verò propter orbem qui Caput & caudam Draconis defert, semper fermè, ac cum maximè, quinque integris gradibus ab ecliptica deflectat; fit vt Luna non omnibus oppositionibus in umbram inuoluatur, atque obscuretur; tametsi mense quolibet umbram prætereat; sed tantum cum nodis seu sectionibus propius accedit: tum enim exiguam habens latitudinem, umbram necessario incurrit. Meta obscurationis aut quando illæso lumine transire possit, est ab ecliptica gradus vnus & quinque minuta: (octodecim enim scrupuli quos Lunæ semidiameter continet, quadraginta octo minutis semidiametri umbræ connumerati efficiunt sexaginta quinque.) Si ergo latitudo Lunæ tanta fuerit, nulla eius pars obscurabitur: sin minor, portio aliqua: tantòque maior quantò latitudo minor est: ac totalis cum non amplius quadraginta octo scrupulis ab ecliptica deuiat: tunc enim tota obtenebratur; statim tamen emergit: aliquandiu verò in umbra moratur, si viginti minutis aut minus ab ecliptica feratur. Latitudinem sexaginta quinque scrupulis minorem habet Luna, cum quindecim gradibus & duodecim scrupulis minus vltra citraque à capite vel cauda draconis abest.

CAP. XLVIII. *De eclipsi Solis.*

Eclipsis Solis fit, cum in coniunctione Luna rectâ inter terram & Solem constituta, alicui terræ parti Solis lumen impedit & aufert. Eius ratio facilis est; fit enim in coniunctione vtriusque luminaris, Luna itidem circa nodos Draconis currente: tùm enim inter visum nostrum & Solem intercedit, eiûsque radios adimit. Nunquam autem vt Luna totus obscuratur, quòd Luna minor sit quàm vt ipsius lumen vniuerso orbi adimere possit: ob idque eius obscurationem climata tantum aliquot sentiunt, non totum hemisphærium in quo eclipsis contingit. Maxima est cum vtriusque Solis & Lunæ centrum orthogonali linea ad nostrum visum pertingit: tum enim tantæ ingruunt tenebræ,

bræ, vt stellæ ipso meridie in cœlo appareant non sine con-
 tuentium horrore. Quod verò corpus Solare tantæ ampli-
 tudinis ab Luna minima totum occultatur, sit propter illi-
 us à terra distantiam & huius vicinitatem: quæ causa est,
 vt dimetiens Lunæ maior aut æqualis appareat dimetienti
 apparenti Solis: cum enim Sol est altissimus, eius diameter
 tantum 31. minutorum est; cum humilimus. 34. minut.
 Lunæ verò in apogæo dimetiens 29. minutorum: in peri-
 gæo 36. vnde Luna plerunque vniuersum Solem obtege-
 re, sed sine mora, potest. Contingit porro, cum Luna vn-
 decim gradibus & viginti duobus minutis propior sectio-
 nibus fuerit, cum in australi est latitudine: cum in borea-
 li, viginti gradibus & septem minutis. Atque tetri qui-
 dem huius generis oppositiones & coniunctiones effectus
 terribiles persæpe ac tristes sequuntur. Afferunt nanque vt



plurimum morbos pestilentes, mutationes imperiorum, agrorum sterilitates, siue ob nimios æstus seu frequentes imbres: vt anno 1540, propter Solis eclipsim quæ mense Aprili fuerat, siccitas & æstus ingentes secuti sunt. Visum est & Solis lumen primi belli Peloponesiaci tempore deficiens, Pericli & vniuersæ Græciæ cladem imminentem denunci-asse: Et Lunæ defectio Perseo Macedoni finem regni portendit. Sciuit eclipsium euentus Agathocles quoque Siculus, qui Solem obscuratum dum nauigarent, Carthaginensium rerum mutationem atque exitum prælagire aiebat.

CAP. XLIX. De illuminatione Lunæ.


VT facies Luna mutat, sic & vires: cuius hæc est ratio: quum lumine luceat Solis; & corpore constet solido, qui Solares radios non transmittit, sed refringit, sit vt dimidia tantum illuminetur: ea nempe parte qua Solem respicit, atque altera obscura permaneat. Eius autem illustratæ partis tanta portio nobis apparet, quanta à basi radiorum visualium comprehenditur; eaque portio lucida visui nostro maior obuertitur, quò Luna à Sole est remotior: & tùm maximè cum ab eo toto cœli hemisphærio elongatur, vt in oppositione: Quæ caussa est, vt Status seu φάσις subinde mutet, atque semper alia conspiciatur, veluti Ouidius decimo quinto Metamorph. innuit:

Nec par aut eadem nocturnæ forma Dianæ

Esse potest vsquam: semperque hodierna sequente

Si crescit minor est: maior si contrahit orbem.

In coniunctione itaque cum Sole congressa, illuminationem hemisphærium illi totum obuertit, ac velut è visu nostro adimit: vocatur verò nouilunium, coitus, interlunium, silens Luna, σιγῆδος & νεομῆνια. Quarto exinde die falcata seu in cornua curuata lucet, ac μνησίδης appellatur. In quadratura septimo mensis die apparet διχότομος, dimidiata: Trinus deinde positus die vndecimo eam gibbosam ἀμφικυρτόν ostendit. Digressa demum longissimè à Sole; siquidem quod Soli obuersum est, totum sub nostrum aspectum cadat, pleno orbe fulgens cernitur: ac tùm πανσέληνος, plenilunium dicitur. Ab illo die qui est quindecimus sensim
rursum



rursum decrefcit, ac priores formas repetit: nam decimo-
nono prætumida: vicesimo fecundo dimidiata: fexto & vi-
cefimo bicornis apparet: ac demum peragrato Zodiaco,
dic ferè tricefimo euanefcens Solem fubit: cum quo paulu-
lum morata ad eafdem vices redit.

CAP. I. *De vi & efficacia Lune.*

LVna vires fuas cùm quod citima terris, tum quod vna fit
lè luminaiibus, quorum impetium in elementari regione
maximum eft, quàm latiffimè atque in humidaf naturaf
præcipuè exercet: habet enim occultum quendam tepore
permixtum humorem, quem in corpora immittit atq; im-
primit. Hanc verò virtutem fecundum luminis ftatus inten-
dit aut remittit: humorem enim crefcens auget & corpora
implet: decrefcens minuit & inanit: quæ res infignes in
rerum natura efficit: Sic enim oftrearum & conchyliorum
corpora lunari hac poteflate augefcunt & decrefcunt: ma-
ris uniuerfi æftus lunare lumen fequitur: & animantes ftir-
pèsq; vi ab ea manante nutrimentum, incrementum & ma-
turitatem aflequuntur: quin & fub dio fomno fopitos, reuo-
cato in caput torpore corporèq; humore perfufo, immenfo
preffos pondere ftupidos dimittit. Habet quoque effectus
alios peculiaref deficiens, aliof crefcens: nam noua æftate
calida eft, hyeme gelida: plena æftate gelida, hyeme tepida:
Ac crefcente Luna omnia feliciter feruntur: maximè cum
eft fupra terram: tum enim copiofiofem infundit humore
quo alantur. Ferunt nitefcere noua Luna in Mauritania
elephantes ad quendam annem gregatim defcendere, &
ibi folenniter aqua circumfpergi. Ligna cæfa ab interlunio
ad *αμφιρροπον*, fecundò, inepta funt fabricis, quod nimio hu-
more abundant. Plenilunio teftudinef paluftrèf & con-
chilia funt pinguiffima: Luna enim humifico fpiritu aquaf
& limum quibuf nutriuntur attenuat & vifcofa efficit. Cref-
cunt autumnalibuf plenilunijs plurimùm crabronef. Pofteri-
ore quadratura atque in coitu ob exiguum humorem lig-
na vtiliffimè cæduntur. Silente quoque Luna, Euripof tra-
dunt perpetuo fluctu agitari nutare & librari, donec eiuf lu-
mine iterum apparente ftatum repetere cogantur motum.

PHYSICORVM

LIBER TERTIVS,

DE ELEMENTIS.

CAPVT I. *Quid Elementum.*



CORPVS constans expositum est; Inconstans dicitur, quod perpetuæ mutationi est subiectum, vt Elementa. Elementum est corpus simplex ex quo mixta omnia fiunt, & in quod resoluuntur: Est enim omnium quæ subinde oriuntur & intereunt, atque adeò omnium quæcunque in elementari regione sunt prima materies. Est verò elementaris mundi pars Lunari subiecta polo: qui septimus auras Ambit, & æternis mortalia separat astris, atque ab ipso pertingit ad centrum vniuersi: semidiametrum eius Mathematici quinquaginta duabus terræ semidiametris, & paulò plus quadrante metiuntur.

CAP. II. *De Qualitatibus primis.*

Elementorum differentiam constituunt Qualitates: est autem Qualitas naturalis potentia quæ substantiæ adhæret, ac intendi, minuique potest. Ea formam substantiæ comitatur aut materiam. Quæ ad formam referuntur, dicuntur primæ, & sunt duæ, Calor & Humor, totidémque his contrariæ Frigus & Siccitas. Ouidius primo Metamorp.

Frigida nam pugnant calidis, humentia siccis:

Mollia cum duris, sine pondere habentia pondus.

Calor est qualitas calida: Humor, humida: Frigus est qualitas frigida, Siccitas, sicca. Calidum est partium subtilium, & minutissimarum; Frigidum est in multa & crassiore materia: ac quò quid calidius eò subtilius: crassius quo frigidius. Calor omnis è cœlo & præcipuè à Sole est: cæteræ qualitates elementis naturâ insunt, ac frigida omnia sunt per se, atque liqêt ab astris vniuersis calidum quid & humi-

dum

dum promanet ac fluat, vis tamen illa non ita manifesta est, ac ea quæ à Sole caloris fonte emittitur.

CAP. III. *De Granitate & lenitate.*

Qualitates quæ materiam comitantur, duæ sunt, graue & leue. Graue est quod deorsum fertur ad medium: Leue quod sursum ad extremum. Huc referantur axiomata illa. Quod pondus maius est, eò delatio celerior. Quod quid frigidius & humidius, eò grauius: tantòque leuius, quantò plus continet caloris: Sic propter eminentiorem naturalem calorem & tenuitatem vinum aquæ supernatat; vinòque oleum. Eadem ratione corpora animantium grauiora sunt mortua, quam viua, quòd calore vitali extincto, à frigore omnia aggrauentur. Idem iudicium est de corporibus simplicibus.

CAP. IIII. *De Aere.*

Elementa reuera tria sunt: Aer, Aqua & Terra. Aer est Elementum leue, frigidum, humidum tenuissimum: cōplectitur in se quicquid intra terræ marisq; conuexum est, & Lunaris sphaeræ concauum. Distinguitur in tres regiones: quarum suprema propter cœli cui proxima est motum, calida est & leuissima; ob idque Ignis appellationem obtinuit. Media aeris regio, quod æthercum motum non sentiat, frigida manet, vt meteora quæ in ea generantur & montium altissimorum cacumina perpetuò niue contacta, quòd ob defectum caloris liquefcere nequeat, indicant: nec humius loci aer sursum deorsumue nititur, sed ob frigus ac inferioris crassitiem compressus suo se loco continet.

CAP. V. *De quinque Zonis.*

Infima aeris regio terræ & aquæ est contigua: summitas eius se ad nubes vsque extendit: natura frigida est, nam nisi à Sole foueatur, ne vestigium caloris exhibet. Neque verò æqualiter à Sole calefcit, quo enim obliquius Solem respicit, eò minus caloris recipit: contrà, vbi eidem rectà subiaceret. Qua ex causa in quinque plagas secundum

latitudinem diuisa est, quæ Zonæ dicuntur : quòd inferiorem mundum in longitudinem cingant & obducant. Harû media inter vtrumque tropicum sub Zodiaco sita, quia Solem vertici imminemtem habet, ardore maximo continuè feruet & æstuat, nisi quantum nocturno frigore & rore largiore mitescit : ceu Carolus Quintus Imperator cum Anno 1535. in Africam traiecisset suorum militum incommodo expertus est, quòd interdiu vehementissimo Solis ardore torrerentur, noctibus verò nimio rore perfuncti propemodum rigerent. Torridæ Zonæ adiacent vtrinque temperatæ, vna ad septentrionem, altera ad meridiem; quarum initia ob torridæ Zonæ vicinitatem æstate calidissima sunt: extremitates frigidæ, media exquisitè temperata : hyeme autem omnino frigida. Continentur inter tropicos & circulos polares : Vtcrius portiones eæ quæ inter arcticum antarcticumque circulum sub polis sitæ sunt, quod æstate longinquissimum, hyeme nullum habeant Solem, ac æternis niuibz rigeant, extremo horrent & squallent frigore. Et certè quis frigoris elementorum sit rigor, & quàm nullus illorum natiuus sit calor, ex frigore illarum regionum & hyemis, cum Sole destituuntur, satis compertum est. De plagarum hac distinctione Ouidius primo Metamorph.

*Vsqûe duæ dextra cælum toridèmq; sinistra
Parte secant Zonæ, quinta est ardensior illis
Sic onus inclusum numero distinxit eodem
Cura Dei, toridèmq; plage tellure premuntur :
Quarum quæ media est, non est habitabilis æstu,
Nix regit alta duas : totidem inter vtramque locauit
Temperiemque dedit mista cum frigore flamma.*

Aer itaque inferior ob natiuum frigus partim, partim quòd vaporibus infectus sit, & impurus tam deorsum tēdit, quàm sursum, illo fine, vt quæ nullo alio corpore occupantur cōpleat.

CAP. VI. De natura aeris.

HVmor aeris tenuis est, & aqueo plurimum dissimilis : quæ causa est, vt non velut aqua grauis sit, sed leuis ob insignem subtilitatem. Qua tenuitate ac mellicie animalium vitæ aptissimus est, & maximè vtilis : nam attractus respirando

spirando cordis calorem refrigerat, vniuersumque corpus recreat. Et ne impedimento esset, ijs quæ motu cidentur, cedit: neque enim si crassior esset auium volatu aliisque similibus percindi commodè posset: quam ob rem terga secantium mobilium ipse mobilior summa celeritate consequitur, & velut in se rediens amplectitur, ne quid vsquam relinquatur vacuum.

CAP. VII. De Aqua.

Aqua est elementum graue, frigidum & humidum, molle ac spissum. Humido constat crassiore: quare non solum humectat, sed etiam madefacit. Locus aquæ naturalis erat, quo terram vniuersam ambibat: verum propter viuentium commodum ad angustias redacta, terræ ima & decliua occupauit, & arctis littorum terminis terræ sinu continetur. inquam sententiam Sapiens, Prouerbiorum octauo ait: Circumdedit mari terminum suum, & legem posuit aquis ne transirent fines suos: & Ouidius primo Metamorph.

Tum freta diffudit, rapidisq; tumescere ventis

Iussit, & ambitæ circumdare littora terræ.

Atque elementum aquæ nihil aliud est quam mare, & ex ipso emanantes fluuij. Vtilitates aquæ multæ sunt: nam præter id quod Soli vapores ad irrigandas terras administrat, ad contractusque humanos iuuandum expeditum nauigantibus iter præbet; ad emolliendum in rerum compositione & commixtione plurimum valet: & quod summum, vitæ nutrimentum est præcipuum.

CAP. VIII. De Æstu maris.

Motu aqua siue mare non fluit, sed æstu agitur. Est autem Æstus fluxio maris reciproca, qua statotempore ad littora accedit & recedit. Etsi verò multiplex sit, ac secundum cuiusque regionis situm naturamque variet, eius tamen genuina causa à cœlo dependet; & maximè à Luna: tamen non parum à Sole iuuetur. Mare igitur ut plurimum

plurimum senis horis cum quadrante accescit, ac summa littora premit; totidémque decrescit in altúmque redit: qua in re motum Lunæ planè sequitur: nam Luna prope horizontem existente, littora plena redundant; & mare obuia flumina retrudit: eadē meridianum cœli fastigium tenente, aquæ recedunt. Æstus eò plenior est, quò facies Lunæ maior; vnde plenilunio vehementior: Leuior quoque ipsa in boreali Zodiaci parte degente, quàm australi, quòd ex obliquo minus virium habeat. Ergo hæc ratio est, cur mare vicenis quinis ferè horis bis intumescat, bis item resideat, vt Venetis & Mediterranei maris accolis satis notum est. Eadēque est ratio de Oceano septentrionali & Atlantico, præcipuè ad Nigri fluuii ostium. Indici maris refluxus Alexandri Magni bellis est cognitus, cuius exercitum incautum & naturæ freti ignarum repente inuaserat. Ad Caput Rubrum Africæ diuersus est, nam quaternis horis affluit, tanto impetu, vt nauigia plenis velis currentia retrò vrgeat: octonis autem recurrit: nam quò celerius accrescit, hoc lentius recedit.

CAP. IX. *De Maris salsedine.*

Maris ab alijs aquis differentię plures sunt: primùm enim crassius est, ob idque ferendis nauigijs & ponderibus aptius firmiúsque: deinde grauius: amarum item est & salsum. nam cùm tenuissima & dulcissima pars Solis æstu absumatur aut in sublime euocetur; quod impurius est pondere subsidet & permanet, vnde marinæ aquæ salsugo. Lepida de hoc maris sapore apud Qu. Curtium historia est de Indis barbaris, qui interrogati ab Alexandro quàm procul mare abesset: nescire se, sed trium dierum iter esse ad aquam amaram, quæ dulcem corrumpere, responderunt; naturali instinctu & simplici ingenio aquarum differentias ex qualitatū varietate distinguentes.

CAP. X. *De Fluminibus.*

Aquæ itaque partim in vnā abyssum redactæ sunt, partim in viuentium commodum per terram dispersæ. Quæ

Quæ hinc inde diffunduntur, fluxæ sunt aut stabiles. Fluxa quæ perpetua scaturigine fluunt, vt fontes & flumina, quorum origo hæc est. In terræ visceribus concauus est & amplus maris locus siue abyssus, è quo per crateras & cuniculos multis occultisque ambagibus aqua fluitans ad terræ superficiem defertur : & exitum nacta erumpit ; cuius Scaturigines, fontes dicuntur ; ex quibus deinde pluribus riuulis confluentibus, flumen efficitur, in hanc sententiam Virgilius Aristæum fingit subterraneum fluuiorum ortum vidisse, quarto Georgicon.

Ibat & ingenti motu stupefactus aquarum,

Omnia sub magna labentia flumina terra

Spectabat, diuersa locis : Phasimq; Lycumque,

Et caput vnde altius primum se erumpit Enipeus ;

Vnde pater Tyberinus, & vnde Aniena fluente.

Quò autem terra firmior est, eò fontibus scatet pluribus : ob id desertis locis & arenosis nulli ferè sunt : & in regionibus montosis frequentiores : vastiores namque montes fundamentum altius agunt : & terris interioribus continui fistulas eiusmodi plures excipiunt, in apertumque deducunt : Qua de causa in Heluetia & alpibus eorum summa est abundantia : vt inde præcipui fluuij & maximè illustres originem ducant, Rhenus, Danubius, Ticinus, Rhodanus, aliique innumeri. In torrida Zona & locis maritimis fontes quidem rariores, sed ampliores sunt, quòd canales & meatus ortui viciniore minus coarctentur : inde vastitas Nili, Nigri, Indi, Gangis & aliorum noui orbis. Ad extremum velut originem repetant, omnes in mare exonerantur ; vt est apud Ecclesiasten cap. primo, Omnia flumina intrant in mare ; & mare non redundat, nam ad locum vnde exeunt flumina reuertuntur, vt denuo fluant, & Ouidius primo & octauo Metamorphoseon.

Mox amnes alij qua tulit impetus illos

In mare deducunt fessas erroribus vndas.

Et

O proxima terræ

Regna vage, dixi sorte Tridentifer vnda

In quo desinimus, quo sacri currimus amnes.

Et si mare amarum sit, tamen fontes illa insuauitate non

inficiuntur: nam per terræ venas transcolati, amaritudinem deponunt atque potui sunt apti. Ortus fluminum huiusmodi est: incrementum deinde duplici ratione suscipiunt, intra terram & extrâ. primum enim vapores in terræ sinu inclusi atque in aquam commutati per easdem caueñas ad scatebras prolabantur, fontésq; auctiores efficiunt. Deinde augentur flumina niuib; & imbrib;: hinc inundationes; sic Nilus Ægyptum inundat Sole Leonis signum subeunte: Euphrates Mesopotamiam dum Sol Cancrum, Leonem & Virginem percurrit. Niger Nigritarum regionem eodem tempore cum Nilo: & de Achelôo refert Ouidius Metamorph. octauo:

*Multa quoque hic torrens niuib; de monte solutis
Corpora turbineo iuuenilia vortice mersit.*

Stabilium postremò aquarum duo genera sunt, collectitia & fontanea: illius generis sunt Lacus & Paludes: huius Putei. Omnia hæc Ouidius primo Metamorph. breuibus complexus est, his verbis:

*Tum freta diffudit, rapidisq; tumescere ventis
Iussit, & ambita circumdare litora terre:
Addidit & fontes, & stagna immensa, lacusq;
Fluminâque obliquis cinxis declinâ ripis;
Quæ diuersa locis partim sorbentur ab ipsa,
In mare proueniunt partim, campôq; recepta
Liberioris aquæ, pro ripis litora pulsant.*

CAP. XI. De Terra.

Terra est elementum graue, frigidum & siccum; densum ac solidum. Partes habet crassas & compactas: quæ causâ est quòd suo pondere aggrauata, infimùmque seu medium mundi locum complexa, immota persistat. Eius nanque centro in Vniuersi medio constituto, ac peripharia vtròbique æqualiter ab eodem extensa, iam non habet in quam partem vergat potius aut inclinet. Neque etiam animantium habitationi idonea esset, si aut in latera nutaret, aut pernici volubilitate in orbem ageretur. Atque hoc est, quod in manu Dei fines terræ constitutos asserat

Psalmus

Psalmus nonagesimus quartus, quod in aere mollissimo tam grande onus fixum tutò pendeat : siquidem cùm ad centrum grauia omnia ferantur, ipsa in centro locata in nullam partem decidere possit. Etsi verò conuallium & montium imparitas rotundam terræ formam viciare videtur, tamen ad totius terræ molem comparata, nihil obstat quò minus sphæricæ sit figuræ. Plana itaque non est, sed rotunda. Porro eodem modo vt aeris pars inferior calore & frigore afficitur ; nam frigida Zonæ gelu rigent, torrida æstu feruet, & temperata hyeme gelida sunt, æstate tepida. Magnitudo licet immensa sit, respectu tamen mundi totius est instar puncti : ambitusque statuitur quinque miliarium, quadringentorum miliarium Germanicorum : quorum quinadena singulis in cœlo gradibus respondent. dimetiens est mille septingentorum decem & nouem ferè miliarium. Hominis, quadrupedum & reptilium parens est. quos sustinet, nutrit, & fouet. Mollitiem aeris & aquæ in concretis consolidat, & durabiliorem reddit.

PHY.

PHYSICORVM

LIBER QVARTVS,

DE GENERATIONE.

CAPVT I. *Quid corpus mistum?*



D H V C dictum est de simplicibus cælo & elementis : nunc de mistis sequitur. Corpus mistum est quod ex elementorum commistione constat: habetq; materiam ex mutua elementorū cōcretionē mistam : & sunt reliqua corpora omnia. Eorum primò affectiones communes considerandę sunt, deinde distributio : comprehendunt autem affectiones motum sub se, & qualitates.

CAP. II. *Quid mutatio?*

M Otus vel mutatio est actus naturę, quo corporis misti status mutatur. Eius causę ex primarum qualitarum actione dependent : per coniugationem nanq; illarum, facultas mutę mistionis oritur, & corpus varias mutationes recipit. Agunt verò qualitates vel per se, vel per accidens.

CAP. III. *De effectibus Caloris.*

C Alor præter id quod calefacit per se, omnium quoque naturas conseruat; habet enim vim in se vitalem, quæ cuncta viuificat, quum nihil vita sit præditum, quod calore est destitutum: Vegetat etiam: sic enim ex Solis appropinquantis vicinitate stirpes virescunt; iuuenilis ætas propter caloris abundantiam robusta est & alacris. Est & motus caussa præcipua in animatis. Deficiente autem calore res paulatim ad corruptionem tendunt, sic enim recedente Sole viuida marefcunt, sic & vigor in senibus languescit. Arefacit præterea; dum humores exhaurit, vt in humidis quæ ad ignem apponuntur, & cœno aliisque Soli expositis

videre

videre est : æquinoctialis plaga torrida est atque arenosa, ob vehementes Solis æstus. Eadem ratione induratur, consumpto humido. Coniungit cognata, ut metalla eiusdem generis. Seternit quæ diuersæ sunt naturæ, ut metalla heterogenea. Laxat quoque, vnde in balneis sudor apertis poris facillè effluit; & æstate deterior fit concoctio, quòd laxato corpore calor interior minus vitium habeat: res prius calefactæ vehementius frigescent, quòd per calorem patefactis meatibus frigus facilius penetret. Attenuatur, nam corpus spissum in rariores partes diducit: sic aqua calefacta attenuatur transique in fumum: fumus vltior rarefactus in aerem: sic Sol suo calore nubes extenuat, discutit & consumit, in aeremque transmutat, nisi aliæ causæ impediant. Et quandoquidem quod extenuatur ampliorem requirat locum, quòd partes non amplius ita compactæ sint, sed rarefactæ: ideo res inclusæ si attenuentur, exitum quærentes vasa distendunt: & exitum nactæ cum impetu erumpunt, quæ causa est, quòd vinum nondum defæcatum calore naturali viscosas. & crassas partes attenuante effrueat, ac nisi aliquo exitu exæstuet, vasa disrumpat. Simili planè ratione tormentorum bellicorum impetus & vis constat; nam pyrius puluis igne accensus & in momento tenuefactus, cum nec per posteriorem sclopeti partem, neque per latera exitus pateat; antrorsum erumpens, globum æneum qui obstabat, summa vi extrudit, propellitque: calida ergo multa sunt tenuia, quod maximè proprium sit caloris tenue esse. ut piper, cepe, casia: huiusque attenuationis vsus plurimus est in transmutatione aqueorum corporum in aerea. Elicit porrò calor vires occultas, ut odores è floribus & aromaticis: & hinc est, quòd umbra arborum graui odoris, valetudinem incommodet; nam Sol graueolentiam illam sudo aere euocatam, qua radij pertingere possunt extenuat in aerem, quæ verò non perueniunt, ut in umbra, obstante ipsamet arbore odor aerem inficit & cerebrum offendit. Sic Virgilius Ecloga vltima:

Surgamus, solet esse grauis cantantibus umbra:

Iuniperi grauis umbra: nocent & frugibus umbrae.

Est enim hac ex causa quibusdam satis umbra aut nutrix

aut

aut nouerca. Calor item dissoluit : sic enim metallica liquescunt. Penetrat postremò maximè quòd partium sit subtilium. Plures caloris vires Virgilius primo Georgicon his verbis recitat :

*Sæpe etiam steriles incendere profuit agros,
Atque leuem stipulam crepitantibus vrere flammis,
Sine inde occultas vires, & pabula terræ
Pingua concipiunt, siue illis omne per ignem
Excoquitur visum, atque exsudat inutilis humor :
Seu plures calor ille vias, & cæcæ relaxat
Spiramenta, nouas veniat qua succus in herbas :
Seu durat magis, & venas astringit hiantes,
Ne tenues pluuiæ, rapidine potentia Solis
Acrior, aut Boreæ penetrabile frigus adurat.*

CAP. IIIII. De Igne.

CAlor si vehemens sit & vires habeat vnitas, in apto subiecto, ignem parit : qui est calor excellens & siccus : neque enim aliud est ignis, quàm caloris redundantia, & feruor quidam humidum aereum in sicca materia depascens. Aquea illi resistunt, quod siccitati repugnent : cætera omnia appræhensa absumit aut dissipat : habet enim miram vim penetrandi, cuius ratio verè Platonica in Timæo hæc est : quòd angulos pertenues, particulas exiles & velocissimum habeat motum. Consumptiuus totus est, nec quicquam generat ex se :

Natæque de flamma corpora nulla vides

Ait Ouidius sexto Fastorum : Idque propter excessum, ut enim gelu frigoris excessus est, ita ignis caloris : in eo tamen differunt, quòd ut calor præcellit origine (oritur enim è cælo) atque viribus, ita eius excessus, ignis, illustrior & notior efficacia est, glacie frigoris excessu. Duplex autem est ignis : nam aut in subtili, tenui ac pingui est seu multo seu exiguo, splendidus & lucidus, & flamma dicitur, quæ est spiritus sicci feruor : humidum. n. aereum à calore attractum & in aerem versum flammam concipit, quemadmodum & aereum siccum : Ouid. 2. Fast.

Tunc sicco primas irritat cortice flammæ.

Aut est in crassiore materia & splendidus tantum : cuius generis sunt prunæ & alia quæcunque non ardent . Ille in corporibus est aereis : hic in terreis vt lapidibus, & ijs quorum spiritus siccus iam est absumptus, vt in carbonibus ex lignis. In quibus aqueum humidum abundat, ignem non concipiunt : vnde nec metalla; nisi prius liquefiant : ferrum tamen & alia quædam quæ plus terrenæ concretionis continent, ignescunt. Alimentum igni est tam ex humidis aereis quam siccis : fomes in solo sicco & maximè tenui : huc illud Virgilij i. *Æneid.*

Ac primum silicis scintillam excutit Achates,

Suscepitque ignem folijs, atque arida circum

Nutrimenta dedit, rapuitq; in fomite flammam.

Sunt & aliæ caloris vires, sed ignobiles.

CAP. V. De Frigore.

FRigidi effecta sunt, frigefacere : constringere : nam quæ calore liquefacta sunt, si frigus superueniat, constringuntur, vt butyrum, metalla : hinc gelu si frigus sit excessiuum : hinc & septentrionalibus corpora pusilla : quod frigus circumstans sua astrictione non sinat corpus ad iustam magnitudinem venire. Heterogenea constringit simul & homogenea : vt plumbum & stannum : aurum & argentum, cæram & picem : aquam & vinum. Condensat quoque : hinc est, quod nubes non appareant, cum ab astris attrahuntur, donec ad mediam aeris regionem deuenerint, vbi halitus propter frigus condensantur : eadèque ratio est, cur halitus oris hyeme sub oculos cadat, qui æstate visum effugit. Obstruit quoque, vt hyeme facilè cibi concoquuntur, quod poris frigore constrictis externo, calor intus seruetur vnitus : sùntque ideo animalia in regionibus frigidis voraciora. Frigiditas etiam quæ obstruxit, stupefacit ; nam expulso aut debilitato calore atque spiritu, nerui stupefunt : sic manus frigefactæ ad quodcunque subtile opus fiunt ineptæ. Rerum natiuum calorem maximè vitiat, nam manus & alia ex frigore nigrescunt : folia arborum pruinâ perfusa colorem genuinum amittunt, & capilli senibus canescunt ;

nescunt; quin & apud Septentrionales vrforum, luporum, passerum aliorumque animalium canities ex nimia oritur frigiditate regionis.

CAP. VI. *De effectibus Humiditatis
& Siccitatis.*

Hvmoris est humectare; emollit quoque, præsertim ærea; quæ nempe cum minus densa sint, humido quamuis crassæ substantiæ cedunt, mollescuntque. Diffluit: calor quoque fomentum est, à quo ceu nutrimentum consumitur. Siccum, quoniam exsiccat, indurat quoque & retinet humida: iunctum est præcipuè terreæ materiæ.

CAP. VII. *De Antiperistasi.*

Proprij qualitatum effectus sunt eiusmodi: per accidens agere dicuntur, ex Antiperistasi: quæ fit, cum interioris qualitatis vis per aliam contrariam extrâ obsidentem intenditur: vt hyeme propter frigus externum calor naturalis fontium inclusus coactusque, ac propterea auctior effectus fontes & puteos efficit calidos: sic locis frigidis febres vehementius vigent: sic poma paleâ obuoluta vnito intus calore maturescunt: Atque huiuscemodi exempla in rerum natura licet infinita reperire.

CAP. VIII. *De actione & passione.*

Dictum est quid Qualitates efficiant: dicendum iam quomodo, quâue proportionem agant: qua de re hæc obseruanda sunt axiomata. I. Quæ inter se mutuò agunt & patiuntur, genere conueniant, differantque specie: vt calor & frigus, dulce & amarum: nigrum & album: hucque pertinet illud, Mutationem fieri per contraria. II. Inter agens & patiens ea requiritur proportio, vt agens fortius sit: itaque necesse est, Solis virtus stirpium euincat humidum, vt fructus producat: & calor epatis fortior sit quo chylum in sanguinem conuertat. III. In motu aptus requiritur contactus, per applicationem corporalem aut virtualem: sic ignis ollam calefacit, hæc aquam, aqua demum carnes elixat:

elixat : hæc est applicatio corporea : Astra verò tantum virtute agunt. II. Agens sibi patiens assimilat : vt ignis aquæ admotus ipsam calidam reddit : sic alimentum in corporis nutriti substantiam transmutatur.

CAP. IX. *De Generatione.*

MOTUS causæ in vniuersum expositæ sunt : distribuatur iam in motum essentia & adiunctorum : illo substantia mutatur, hoc accidentia siue qualitates. Motus essentia est generatio atque corruptio. Generatio est motus quo corpus aliud ex alio murata priore essentia, oritur : nam ad nouam essentiam constituendam, materiam ex qua fit, omnino mutari & formam penitus perire necesse est : atq; nisi pristina forma euanesceret, corpus idem permaneret : & nisi materia transmutaretur, forma alia indui non posset ; vt ex grano frumenti si in terram proiectum sit & materia primum putrescat, ac formam deinde amittat resolutum plantæque transmutatum radices, culmen, ac noua grana producit : ex spermate sensim calore naturali concocto atq; in membra efformato, embryo, statimque homo gignitur : ex flore & semine quod sub gemmula est, pomum, botrus.

CAP. X. *De Mixture.*

AD generationem requiritur mixtio, quæ est corporum per qualitatum actionem alteratorum coadunatio, qua noua subinde veteribus succedunt, & quæcunque sub Lunari globo existunt, in nouas continuè facies transformantur : & aqueum in aereum transeat, & vice versa aer in aquam, aqua in terram redigatur : vegetum crescat, germinet, luxuriet, floridum arescat, emoriatur, ac statim sit aliud. Hæc rerum transmutatio cœli & elementorum mutuo consensu & actione efficitur : cum enim calor cœlestis procreationi aptus & vegetus in humidam sibi que diuersam elementorum substantiam agit, elementa ipsa in se inuicem conuertit, vnde variæ rerum generationes procedunt. Elementa nanque quoniam propter rerum commodiorem propagationem commista sunt & impura ; nullumque
sincerum

sincerum cernere licet, subinde alia in alia perpetua lege vertuntur : quare & naturæ inconstantis appellationem sunt nacta. De ea transmutatione Ouid. ex sent. Pythagoræ, 15. Metamorp. in hunc modum :

*Quæ quanquam spacio distans, tamen omnia fiunt
Ex ipsis, & in ipsa cadunt, resolutæque tellus
In liquidas rarefcit aquas, tenuatur in auras
Aerâq; humor abit : dempro quoque pondere rursus
In superos aer tenuissimus emicat ignes.
Inde retrò redeunt, idémque retextitur ordo,
Ignis enim densum spissatus in aera transit,
Hinc in aquas, tellus glomerata cogitur vnda.*

Ignem addidit ex communi opinione : de terræ transmutatione si non manifestum, verisimile tamen est. Calor ergo & humidum quorum alterum è cælo manat, alterum elementa suppeditant, præcipuè mixtionis sunt causæ, vti etiam est apud eundem, est enim in explicando rerum ortu multus & iucundus :

*Cætera diuersis tellus animalia formis
Sponte sua peperit, postquam vetus humor ab igne
Percaluit Solis, cœniumque vdaque paludes
Intumuere æstu, fecundæque semina rerum
Vinaci nutrita solo, cœu matris in aluo
Creuerunt, faciémq; aliquam cepère morando :
Quippe vbi temperiem sumpsère humorq; calorq;
Concipiunt & ab his oriuntur cuncta duobus.
Cumq; sit ignis aquæ pugnax, vapor humidus omnes
Res creat, & discors concordia fœtibus apta est.*

Et quarto Fastorum, de Parilibus :

*An quia cunctarum contraria semina rerum
Sunt duo discordes, ignis & vnda, Dei.*

Porro in mixtione aut alterum in id quod exuperat vertitur, aut vtrumque in tertiam aliam naturam : vt aqua in aerem, aut ex aqua, aere, terræque virtute seminis adiacentem materiam alterantis arbor aut frutex. Obseruandus autem est mixtionis ordo ; cuius duo sunt gradus : primùm panque qualitates alterantur, deinde tota substantia vel attenuatur vel condensatur, nec enim quicquam sine rarefactione

factione aut concretionem mutari potest, etiam si qualitates alterationem patiantur: neque etiam mutatur quicquam nisi prius qualitates sint commutatae: nam aqua non statim in aërem transit si calefiat, nisi etiam attenuetur: & aqua gelu constricta non continuò in terream materiam conuertitur, cum qualitas humidi non mutata sit. Vtrunq; ergo requiritur, ut nimirum & qualitates seu forma, & materia alterationem subeant: ut si aqua ad ignem apponatur, primum frigida qualitas in calidam mutatur, ea si vehementius ferueat, summa pars aquae incipit paulatim in vaporem attenuari, moxq; in aërem transit: ideoq; sensim aqua videtur decrescere: eodem modo forsàn & terra calore decocta & attenuata in aquam vertitur. E contrario iam aër frigefactus in aquam spissatur & cogitur, quod locis frigidis humidisq; euenit, inde enim in terrae cauernis & fornicibus aquarum distillationes. Atq; hæc elementorum transmutationis exempla sunt: cōmitionis eadem est ratio: nam ex elementorum cōfluxu, si calor Solis accedat, qualitates alterantur, statim & naturæ quoq; rarefiunt, aut cōcrescunt, sic enim terra, varia insectorum, herbarum, fruticumq; genera germinat; sic granum tritici terræ sinu exceptum, calore interno, iuuante externo, humidum fecundum contiguum attrahit & alterat: qua alteratione humidum externum attenuans & ipsum met rareficens, intumescit paulatimq; transmutatur: iam si quidem prior essentia perijt, noua succedat, sequitur: cumq; lege naturæ vnumquodq; in suo genere sibi simile producat nec nisi per abortum ab hac lege natura aberret, noua triticea substantia è grano illo corrupto emergit, & fibræ veluti basis deorsum, mox culmen, arista, granum sursum enascuntur. Sic & lapides solent generari & metalla. Ea omnia cum in gremio terræ fiant, veteres Terram mistorum parentem vocarunt, quippe quæ grauidata seminibus cuncta pariat & fundat ex sese: stirpesque amplexa alat & augeat.

CAP. XI. De Corruptione.

Corruptio est motus quo corpus genuinam essentiam amittit: nam cum res ad perfectum habitum vigorémque peruenit, in eoque aliquandiu pro suæ naturæ firmitate

H

aut

aur imperfectione permanferit, nihil autem fit toto quod perftet in orbe, rurfum ad interitum tendit : & corrumpitur eadem omnino lege, qua enatum fuit. Refoluitur autē materia, amiffa naturali forma, in elementa, vt lignum fi igne comburatur, quicquid in ipfo eft acreumq; in cinere purum quali ac folum remanet. Imaginē corruptionis, fed maximē propter hominis interitū, antiquitas finxit Cerberum quali *κράτος βογος*, atq; apud inferos mortuos omnes excipientem locauit. Sub corruptione comprehenditur putredo, cuius caufæ duæ funt, humidum aqueum & calor externus: extincto nanq; natiuo calore, externus feparat; vnde corrumpit. Putrefcunt quædam fi aeri exponantur, eôq; citius, quod aer eft calidior: quædam immota quoque & ab aeris iniuria immunia: facile enim putret quod quiefcit : hinc aque stagnantes foetide. Aquea omnia facilius putrefcunt, foetentq; : nam cadauera animantium, quæ ex multo aqueo humido conftant, graueolentia funt; ligna abfciffa non item, quod parum admodum aquei humidi infit. & poma torrida, quod humido aqueo careant, in annos aliquot feruantur : carbonēs ob eandem caufam folent limitib. diurni teftes fupponi, quod propter exhaustum ab igne humorem à putredine immunes funt: & agricolæ fudium extremam partem terræ infigendam adurunt. Atq; hæc eft rerum naturalium conditio, vt nihil quicquam perpetuò perduret & perfiftat : nihil tamen pereat : dum enim vnum corrumpitur, alterum oritur; vt eleganter Ouidius demonftrat.

*Omnia mutantur, nihil interit : — Et pòft
Nec fpecies fua cuique manet, rerumq; nouatrix
Ex alijs alias reparat natura figuras.
Nec perit in toto quicquam, mihi credite, mundo,
Sed variat faciemq; nouat, nafciq; vocatur,
Incipere eſſe aliud, quàm quod fuit ante : moriq;
Deſinere illud idem. —*

CAP. XII. De Alteratione.

MOTUS adiunctorum dicitur Alteratio, qua in eodem corpore qualitas alia in aliam conuertitur, manente ſubiecto

subiecto incorrupto : vt aqua frigida calefit , manetque aqua , sic color viridis foliorum autumnalibus pruinis in flauum aut rubeum mutatur , folijs incorruptis : sic nubium rubedo vespertina in atrum colorem : sic vuarum acidus sapor in dulcem : talis est sanitatis & morborum mutatio , & similia.

CAP. XIII. *De secundis qualitatibus.*

MVtatio exposita est ; sequuntur Qualitates , quæ ad primarum differentiam Secundæ appellantur , quod ex primis oriantur. Eæ sunt duplicis generis ; ita enim rebus insunt , vt partim ex contactu percipiantur , veluti tactiles & sapes : partim extra sensibus occurrant , vt colores & odores.

CAP. XVI. *Qualitates tactiles.*

Qualitates eæ quæ tactum concernunt in quinque duplicia eaque contraria genera distribuuntur : Primi generis sunt tenuitas , cum corpus partium est subtilium , vt aer , aurum ; Crassities , magnarum & crassium partium : vt terra , ferrum , ossa . Secundi est Raritas , quæ partes habet tenuiter compactas ; vt aqua , nubes , cineres , & herbæ pomæ ; Densitas , solidè compactas , vt silex , vt vitrum , glacies , aurum (ob id namque in latissimas bracteas diducitur) Tertij Mollities , quæ partium est lenium ; vt cerasa matura , caro : Durities , densum crassumque , vt metalla , ligna , lapides . Quarti , Leuitas , rerum politarum , ac partes habet æquales ; vt vitrum ; & polita omnia . Asperitas partium est humilium & prominentium ; vt pumex , cortex . Quinti est Lentor , qui partes habet tenaces & glutinosas , vt viscus , pix , cæra : cui contrarium Friabile partes habet non cohærentes , ac facile atteritur , vt sal , saccharum , arena . Exempla sunt apud Virgilium , de differentia soli in Georgicis . Tenue & rarum à caliditate oriuntur : crassum , densumque à frigore : molle , læue , lentum ab humiditate ; durum denique asperum friabile à siccitate .

CAP. XV. De Saporibus.

Sapor est succus in materia mediocri ex calore aut frigore cōcretus. Crassissima quæcunq; insipida sunt : elementa quoque simplicia & pura, quòd nihil concretionis habeant. Saporum genera principalia duo sunt; dulce & amarum. Dulcis sapor enascitur ex humido tenui & aereo : mediocri calore temperato, vt sacchari, mellis, glycyrrhizæ, lactis & pinguium aliorum : iucundus est & gratus. Amarum huic contrarius è materia est sicca, multo calore concocta : cuius generis sunt absinthium, gentiana, marina aqua. Extremi hi sunt; quorum medijs statuuntur Astringens, acidus, acris, & salsus. Priores duo à frigore generantur : nam ex substantia crassiore & frigida fit astringens, qui sub se comprehendit Austrum, qualis pomorum immaturorum : è tenui verò siccâque, tum mediocri frigiditate fit acidus, vt aceti, oxyacanthæ. Salsus est medius inter dulcem & amarum, constatque calore moderato in temperato humido aut sicco : vt salis. inimicus est stirpium nutritioni, quapropter nulla aut rara eius in plantis exempla reperire licet. Acris denique ex vehementi calore in tenui & sicca humidâue est materia. vt in cepis, Zinzibere, pipere, nasturtio.

CAP. XVI. De Odoribus.

Odor est halitus à terreo sicco simul & humido per calorem attenuato emanans : si enim siccum terreum humore mediocri dilutum atque calore percoctum maturatumque fuerit, vapor exhalat, pro rei natura acer ac vehemens, vel angustus & hebes. Est verò odor vel suavis & fragrans, vel teter ac foedus, inter quos medius ille est, qui nec gratus nec insuavis sit. Atque hucusque veteres progressi sunt, odorum genera à saporum appellationibus mutuantes : peculiarem ac genuiuam distinctionem Cardanus constituit, sumpta denominatione ab ipsis rebus odoratis. Fragrans itaque alius est in frigida natura, alius in calida : frigidi & sicci est Suavis, vt rosarum : frigidi & humidi Amœnus, vt violarũ : calidi autem sicci si calor vehemens sit, est Aromaticus, qualis moschi, Zebethi, thuris, croci & cætero.

cæterorum aromatum : si calor mediocris & in materia tenui, fit Antherinus, vt liliorum, chamæmeli: si siccum à calore mediocriter sit concoctum, fit Melleus, qualem edunt saccharum, saluia, vinum : à calido & humido est Mollis & dilutus, vt è pane, carnibus coctis, alijsq; edulijs. Odor teter item alius ex frigore fit, alius ex calore : nam à frigore sicco humidus fit Grauis, vt solani, mandragoræ : à calido sicco multum terrenæ crassitie habente Agrestis, vt ruthe, mentastri, & complurium syluestrium herbarum : à calido denique & humido fœtidus & putridus: ille cæparum & allij est, hic putridorum : ea si prorsus computruerint, gignunt Marcidum, vt cadauera, fimus : si leui putredine corrupta sunt, Rancidum, vt carnes salitæ, lardum. Inter hos medius locatur frigidus Oleraceus, sub quo olera compræhenduntur : hic inter bonum odorem ac malum mediocritatem tenet.

CAP. XVII. *De Coloribus.*

Color est fulgor in perspicuo terminato, & lumine illustrato, variam ratione temperamenti faciem visui offerens. In solo terminato est, nam perlucida indefinita, colorata non sunt; neque enim si essent, visum transmitterent : aut si colorata sunt, pertenui colore constant : vt aer, aqua pura, vitrum & eiusmodi : Quod tanta in coloribus diuersitas sit, causæ sunt duæ : humidum corporis & lumen : Vt enim corpora vario humido arefacto, concreto, maximè, leuiter aut nihil decocto constant, multumque luminis aut modicum admittunt, ita varios concipiunt colores : quorum etsi infinitæ differentiæ sint, omnes tamen ad certa genera deducantur. Sunt verò alij simplices, alij misti.

CAP. XVIII. *Colores simplices.*

Simplices duo sunt primarij, è quorū concursu & commistione reliqui exsurgunt, Albus nempe & Niger. Albus fit cum humor arefcit aut cogitur : vt in calce, sale, saccharo, vt et in niue & spuma aque, vbi aer inclusus cogitur: in lacte, vbi humidum æreum puro aqueo permixtū spissatur (nam

lac multo aereo humido constare, indicio est pinguedo & butyrum: simulque album ex aere spissato fieri lactis candor ostendit) in charta, cortice ouorum. vbi aer puro terreo commixtus & inclusus continetur: in albumine, cuius eadem est ratio quæ lactis: Fit ergo album propter internum aerem ob eximiam tenuitatem plurimum luminis continentem: & quia luci affinis est, comites habet splendorem & nitorem. Niger albo ex diametro contrarius, in crassa & terrea substantia, fit aut aereo humido adusto, aut aqueo humido crudo terræ, commisto: sic enim aere excluso opacum efficitur corpus: prioris generis sunt carbones & fuligo: nam humidum exhalans à flamma adustum atrum efficitur: quæcunque enim ignis allambit, nigra fiunt. Ad alterum genus pertinet solum ex abundantia humoris atrum, qui propter penuriam caloris excoqui non potest. ob eam enim causam hoc terræ genus fouendis nobilioribus floribus aptum est, quod multum nutriat propter copiosum humidum.

CAP. XIX. *Colores misti.*

Secundarij ex commistione simplicium colorum proportionem oriuntur: suntque alij medij inter vtrunq; simplicem, vt rubeus, puniceus, viridis & cæruleus; alij alterutro extremorum magis similes, vt flauus & fuscus. Rubeus constat albi & nigri portione æquali: atque à nigro multum humoris, à candido lumen mutuatur, vt color sanguinis: quod si lumen insit splendidius, dicitur Purpureus, qualis est purpuræ, huic non absimilis est Flammeus, qui in summa parte flammæ cernitur, ex fumo nigro & lumine permistis: veluti & auroræ est, atris nubibus obscuro exurgentium radiorum lumine illustratis. Ex subobscurò humido, & nitente candore fit Roseus, albi portione ad nigrum sequialtera.

Hic color aprica pendentibus arbore pomis.

Rosarum quoque est, & ætatis iuuenilis. Croceus clarior est ex dupla albi proportionem ad nigrum. Puniceus: vnâ partem albi, duas nigri continet: candidum autem splendidum postulat, idemque dicitur Violaceus, qualis in
viola

viola flore. Cœruleus in sesquialtera nigri ad album est: continet namque tres nigri partes, duâsque albi; talis apparet aer sudo & sereno cœlo: nam vapores puri lumen Solis recipientes, visûsque radios in interminatam ceu profunditatem transmittentes hunc colorem referunt: est & hic color sapphyro gemmæ. Viridis in sesquiquarta est nigri ad album: constat enim quatuor albedinis, & quinque nigredinis, nec minus multo humore quàm nitore, ita ut nihil aliud sit, quam humor nitidus, quamprimum enim crassum humidum leuiter excoctum est, atque in poros aerem admittit, virescere incipit, ut argumento sunt concauitates sæpius ab imbribus madefactæ; quæ cum ex impluviis nigredinem conceperint, ac plusculis diebus Solis calore aruerint, viridia fiunt. sic gramina foliaque arborum humore nigra, raritate aerem admittentia hunc colorem concipiunt. Colores ii qui extremis affines sunt, oriuntur non ab utroque simplici, sed ab altero tantum simplici & rubeo qui inter utrumque simplicem æqua proportionē medius est. Flauus ergo in dupla est albi ad rubrum: huius coloris sunt maturæ segetes, vitellum oui, diciturque luteus & fuluus, qualis leonum est, & aureus, qualis orichalco, & auro, sed splendidior: constat humore arefacto; neque enim prius aristæ flauescunt, quam humidum deficiat. & autumnō viridis frondium color euanescente humido naturali in luteum commutatur: nonnunquam in rubrum adusto humido: quod verò poma & cærasa primum herbacea flauescant, ac postremo rubescant, tametsi humidum non solum non absumatur, sed magis accrescat, alia ratio est: nam humidum primo crassum est & crudum, velut durities indicat, paulatim vero percoquitur, rarescit & aerem admittit, ac denique à Solis adustione ruborem concipit, ut ex eo colligere licet, partem eam quæ ad Solem versa est, priorem rufescere. Ut flauus albo, sic Fuscus nigro est affinis. constatque duabus nigredinis, & vna ruboris partibus: dicitur præterea terreus, liuidus, atque pulvis: inest arborum durioribus corticibus, & lapidibus communibus. Atque hæc de communibus corporum naturalium qualitatibus.

CAP. XX. De Sono.

POtest affectionibus naturalibus Sonus annumerari: licet enim non fiat commistione, fit tamen collisione. Sonus est aer à scissione vel collisione corporum percussus. Edit nanque aer sonum si diuidatur & subito recurat, vt vibratione flagri & pulsu chordarum citharæ; aut si collisu duorum corporum protrudatur, vt complosione manuum & rerum aliarum: vel etiam attritu. Peruenit ad aures sonus non secus per aerem in gyrum vndas ciens, quam si lapillus in aquam stagnantem & tranquillam missus in circuitum vnam alteram alterâ commouere videtur, & propellere, donec paulatim deficiunt, aut à ripa occurrente excipiantur. Quæ ratio est, cur sonus propius auditus vehementior fit, è longinquo debilior: cur item remotioribus locis non statim vt editur percipiat: vt tormentorum bellicorum & tonitruum experientia demonstrat, quorum fragor non eodem temporis momento loco longinquo-
re percipitur quo fulgetrum cernitur. Sonus ad parietem ex aduerso situm delatus, ac reflexus congeminatur, vocaturque Echo: contingit cum sonus nondum debilitatus ad montes, mœnia, syluas, aduersa littora ferit, ac solido obstaculo re percussus resilit rectâ illuc vnde venerat. De co ita Ouidius tertio Metam.

*Vocalis nymphe, quæ nec reticere loquenti,
Nec prior ipsa loqui didicit, resonabilis Echo.
Inde latez syluis, nullôque in monte videtur.*

PHY-

PHYSICORVM

LIBER QVINTVS,

DE METEORIS.

CAPVT I. *Quid Meteoron?*



BSOLVTA est Physices generalior pars & obscurior, de Natura, Cœlo & Elementis; de corporum mistorum causis & affectionibus: quæ sequuntur notiora sunt, nec minus iucunda. Veniamus ergo iam ad corporum mistorum genera: ea duo sunt, vnum imperfectum, alterum perfectum. Imperfectum dicitur quod propter imperfectam misionem durabile non sit, cuius generis sunt Meteora: est autem Meteoron corpus exhalatione vi astrorum excitata formatum: Sol enim adiutus stellarum positus è terra humente & aquis halitus elicit, ex quibus in altum deductis diuersa meteororum genera formantur.

CAP. II. *Meteorologia diuisio.*

Meteororum primum spectanda sunt genera; secundò affectiones. Est autem exhalatio *αἰθυρίασις* quæ è terra vel mari excitatur duplex, sicca, vt fumus, humida, vt vapor. Fumus *καπνός*, est exhalatio tenuis, calida, & sicca, itidem duplex, crassa glutinosa & maximè calida, quæ ab astris inflammatur: & rarior, quæ quia non viscosa est à Sole in tenues auras dissipatur & euanescit. Illius generis sunt meteora ignita, quorum tres sunt gradus; nam quæ calidissima sunt in supremam aëris regionem à sideribus pertrahuntur & accenduntur; vt Cometæ, docī: imagines nonnullæ animalium: quæ mediocri calore prædita sunt, in media regione generantur, vt, Fulmen, virgæ ardentes, lucerna: quæ minus calida sunt, sunt in infima, vt Stellæ Castores, transuolantes, lampas.

CAP.

CAP. III. De cometis.

Cometes exhalatione constat viscosa summè calida & compacta, quæ à planeta vel alio sidere eleuata, à Sole accensa, in aere proiectis à se crinibus per dies aliquot veluti stella ardet ac lucet. Meteoron nobilissimum est, cum propter magnitudinem & diurnitatem, tum propter motum & futurorum significationem. Eius materia quò copiosior est & compactior, eò longinquiore tempore cernitur: ad summum octoginta diebus, ad minimum septem. Motus cometæ erraticus est ad modum planetarum: mouetur enim ab occidente in ortum (præter eum quo diurno tempore ad motum cœli circum terram fertur) accedit ad æquatorem & recedit, non secus ac si radijs Solaribus protrudatur, & à sidere quo euocatus est in varias cœli partes deducatur. Excitatur autem à Saturno, Marte, aut Mercurio; qui cum fumum pinguem è terra in altum euexerint, nec vltius eleuare queant, in orbem secum agunt, pertrahuntque tamdiu, donec motu pinguior pars conglobata ac condensata sparsis circum aut à tergo partibus rarioribus, totus postremò à vicino Solis calore inflammatur, rutilusque aut pallidus secundum planetæ regentis vires moueri cernitur. Ex come criniumue figura varias nactus est denominationes: verùm ad has rediguntur species; prior est *diogene* forma rotunda, altera pogonias barbæ figura, tertia Ceratias, cornuum: quarta Acontias, iaculi: quinta Xiphias, gladij. Anno 1577. visus est Cometes insignis prope Saturnum, qui tum in dodecatemorio Capricorni erat, comparuit primum nono die Nouembris informis non procul à Sole: post tres dies (nam interim propter obnubilatum cœlum conspici non potuit) videbatur fulgente globo, cauda ingenti ad ortum hyemalem porrecta, tantæ magnitudinis, vt globo horizonti vicino caudæ extremitas ad meridianum vsque circulum extenderet sese: sed infra paucos dies imminuta est. Porro horizontem subibat cum medio Sagittarij, cum primum visus est: sextodecimo verò die Decembris circa primas partes Piscium cernebatur. Latitudo ab æquatore

quatore initio erat octo circiter graduum; postremo sex & viginti, nisi quoddam parallaxis minorem ostenderet, quam reuerà erat. Vnde constat facta supputatione (non tamen accurata adeò) cometam quotidie progressu in ortum gradum vnum & minuta ferè quadraginta confecisse: motus in latitudinem inæqualis fuit; celerior enim ad extremum videbatur, quàm initio. Consequuntur cometas æstus, squallores, siccitates, ex quibus sterilitas, immutatio valetudinis & *pestis*; magnatum quorum corpus curis, vigilijs & aromaticis cibis attenuatur interitus: Virgilius decimo *Æneidos*:

*Non secus ac liquida si quando nocte Cometa
Sanguinei lugubre rubent, aut Sirius ardor
Ille sitim, morbosq; ferens mortalibus ægris
Nascitur, & laeo contristat lumine cælum.*
Et Lucanus primo;

——— *Terris mutantes regna Cometa.*

Verùm hæc contingentia sunt; non certa: tametsi non sine rerum futurarum præfagio appareant.

CAP. IIII. De docis & Capris.

TRabes, *δρακοί* dicuntur cum fumus tenuis & condensatus æquabilis & oblongus in aere accensus conspicitur. Capræ *αἴγες* dicuntur cùm fumus concretus à stellis paulatim inflammatur & agitur; vnde saltantes vocantur. Sortiuntur plura nomina ob varias figuras, equi, clypei, globi, *καρτεραι*.

CAP. V. De Fulmine & coruscatione.

QVæ in media aeris regione gignuntur, calida quoque sunt & sicca; sed quia copiosiora & crassiora exiguo tempore ascendunt, non subtilia & paulatim vt priora, ideo in supremam partem aeris peruenire non possunt, quoddam à frigore mediæ regionis statim cogantur & reprimantur. Horum primum est Fulmen, quod fit cùm fumus vapore humido & aeris frigiditate compressus ac conclusus, dum ca-
lor

lor interior frigore circumfistente intenditur & æstuat, exitum quærens, per inferiorem nubis partem erumpit, & vehementi impetu in terram deferitur. Fulmen duplex est comburit enim aliud, aliud perrumpit: illud glutinosum est, & spissum, quare & flammam concipit: hoc quia pingue non est, non accenditur, sed obuia quæque dissoluit, densiora perscindit & dissipat: subtilia ac tenuia amburit, penetratque sæpe etiam illæsis extremis, si porosa sint & cedant, penetratiora quæ tenuitati resistunt, perfringit & comminuit. Coruscatio est halitus tenuis & rarus ex nimio calore repente inflammatus, duasque habet species; Fulgur quod cum fulmine eliso emicat, & fulgetrum fumirarioris inflammationem sine nubium fragore, qua aëris vapores consumuntur & purgantur.

CAP. VI. De stipulis & Facibus.

Stipulæ ardentes vel virgæ, prædictæ constant, ex fumo raro, sparso, in longum porrecto, & inæqualiter accenso, qui velut scintillæ micare videtur. Fax fumus est viscosus æquabilis qui in modum facis inflammatus ab astris, ardet. Eius plura sunt genera; primò lampades (sub quibus Candelæ, Lanceæ, & Ignis perpendicularis) in imo ad modum pyramidis latiores: deinde Bolides figura iaculi vel sagittæ: sic apud Virgil. 5. Æneidos.

Namq; volans liquidis in nubibus arsit arundo

Signauitq; viam flammæ, tenuesq; recessit

Consumpta in ventos. ———

Plura possent enumerari, sed rara sunt naturæ ostenta.

CAP. XVI. De Stella transuolante & Castore.

Stellæ transuolantes sunt cum fumus conglobatus à frigore mediæ regionis cum primùm astrorum virtute ardere cœperit, ad terram transuersim deiicitur: huiusmodi per annum plurimæ cernuntur, frequentiores etiam autumnos: Ouid. secundo Metam.

————— *Longoq; per aëra tractu*

Fertur, ut interdum de cælo stella sereno,

Et si non cecidit, potuit cecidisse videri.
 Et Virgil. secundo Æneidos.

De calo lapsa per umbras

Stella facem ducens multa cum luce cucurrit :

Illam summa super labentem culmina tecti

Cernimus Idea claram se condere sylvæ.

Signantemq; vias————

Stella Castores, πολυδευκὴς, ignis fatuus, & erraticus globus est crassæ materiæ nonnihil humoris continentis, qui vi ventorum coactus ab astris accensus, circa terras volitat. Mira huic est natura, ut ferunt, solet enim homines noctu iter facientes comitari; quin etiam nauigiorum malo, antennis, aut rudentibus insidere: triste omen si solitarius; scilicet si geminus appareat, nam si vnicus conspiciatur; Helenam dicunt, imminens nunciare exitium, sin duo, Castorem & Pollucem propitios securitatem præstare, & Isocrates in Helenæ encomio asserit ipsos in mari conspectos, periclitantes seruare. Quidiusque ad finem quinti Fastorum, ait esse

Vile sollicitæ sidus utrumq; rati.

Ideoque; illos nona Elegia primi Tristium inuocat. Non multum dissimilis est Ignis allambens, qui leui attactu crines vestesque; hominum demulcet: de quo Virg. secundo Æneid.

Ecce lenis summo de vertice visus Iuli

Fundere lumen apex, tractuq; innoxia molli

Lambere flamma comas & circum tempora pasci.

Cuius præter poëtica exempla quæ multa sunt, historicum est, de Seruio Tullio puero, è cuius capite ignem emicuisse præter alios Liuius & Cicero de Diuinatione tradunt.

CAP. VII. De Tempestatibus & Tranquillitate.

FVmorum primum genus fuit de ignitis meteoris, alterum de aëreis est calidum item & siccum: Cæterum quæ sequuntur meteora tam aquea, quàm aërea, vnà cum fulmine, Tempestatis nomine ferè censentur, quibus contraria Tranquillitas dicitur aër sudus, silens, & clarus; omnisque

omnisque turbidarum exhalationum perturbationis expers; eodem sensu serenitas dicta. Fit cum Sol supra horizontem constitutus astrorum apto posito adiutus aut non impeditus vapores è terra marique ascendentes priusquam ad mediam aeris regionem deueniant coganturque, vel etiam coactos iam dissipat & consumit: aut cum exhalationes illæ vnà cum Sole descendente in occasum, in terram sese demittunt, euanescentque: illud interdum cōtingit, hoc noctu, & hinc rubedo vespertina: quod cœlum sub vesperem subnubilum sæpe, postridie serenum illucescat. Hyeme non rarò serenitas oritur diuersa ratione, ob immodicum frigus quod æstuum stellarum halitus excitantem restringit. Terra æstiuo tempore turbulentior est ac vehementius sæuit: mare hyberno.

CAP. IX. *De Ventis.*

Aerea meteora sunt vel in aere, vt venti, vel in terræ visceribus, vt terræmotus. Ventus duplex est, status alius & mediocris, alius repentinus & tempestuosus. Ille Ventus propriè dictus, fumus est tenuis & subtilis, qui dum in sublime perducitur colluctatione cum frigoris mediæ regionis, tum ascendentium subinde halituum retrusus ac transuersim repulsus secundum terræ planitiem mouetur. Aura dicitur cum leuiter afflat & ventilat: Ouidius septimo Metamorph.

— *Repetebam frigus & umbram,
Et quæ de gelidis exhibat vallibus auram;
Aura petebatur medio mihi lenis in æstu.*

CAP. X. *Distributio Ventorum.*

Ventorum alij principales sunt, alij à principalibus orti: Principales siue Cardinales qui mundi cardines obtinent, sunt quatuor. I. Subsolanus ἀπὸ τοῦ νότου qui ab ortu spirat, dictus etiam Eurus. II. Septentrio ἀπὸ τοῦ βορρᾶς à septentrione Boreas dictus. III. Fauonius ἑρπυγὸς ab occidente: IIII. Auster, νότος à Meridie: de quibus Manilius:

Affer

*Asper ab axe ruit Boreas, fugit Eurus ab ortu;
Auster amat medium solem, Zephyrusq; cadentem.*

Et Ouidius primo Tristium, elegia secunda:

Nam modò purpureo vires capit Eurus ab ortu

Nunc Zephyrus sero vespere missus adest,

Nunc gelidus sicca Boreas baccatur ab Arcto,

Nunc motus aduersa praelia fronte gerit.

Orti è principalib. sunt partim collaterales, partim intermedij. Collateralium octo sunt, quorum bini singulis cardinalib. utrinq; coherent, I. Subsolano Vulturius *ἑως* ab ortu hyberno, & Hellepōrias, *καρίας* ab ortu æstiuo. II. Septentrioni ad orientē Aquilo *βορέας*: ad occidentē Circius Gallicus



Dexonias. III. Zephyro Corus, Iapyx vel *ἀπύξ* ab occasu solstitiali, Africus, *ἀφ* ab occasu brumali. IIII. Austro Libonotus ad occasum; Euronotus ad ortū. Hos collaterales distinguunt

distinguunt quatuor Intermedij Boreapeliotes inter ortum & septentrionem; Bereolibicus inter septentrionem & occidentem. Notolibicus inter occasum & meridiem: Notapeliotes postremò inter meridiem & orientem. Atque hæc est plena & perfecta ventorum enumeratio, tam eorum qui veteribus noti fuerunt, quàm quos recentes addiderunt. Suntq; in vniuersum sedecim, vt in hac tabella ordine depictos cernis. His totidem præterea nostri sæculi naturæ addunt; ipsorum nanque Index duos & triginta continet, quibus tùm vehendis mercibus, tum indagandis nouis regionibus vtuntur.

CAP. XI. *Effectus & vires Ventorum.*

Commune est ventis omnibus exiccare: humida enim cex flatu ventorum arefiunt omnia: solent nonnulli serenitatem adferre, nonnulli pluuias & nubila: ob idque vel sicci vocantur vel humidi, calidi vel frigidi. Eurus Orientalis (retineatur enim vsitatum nomen) cum collateralibus calidus est & siccus. Zephyrus tepidus & humidus. Auster calidus & humidus. Aquilo frigidus & siccus. Eurus & Zephyrus rariores sunt, quod propter vicinum Solem sub quo oriuntur, frequenter priusquam ascendant consumantur: immò Eurus in nostris regionibus nullus ferè est. Frequentiores sunt Notus & Boreas: atq; hic etià illo crebrior, quòd eius exhalationes obliquis Solis radijs minus dissipari possint. Zephyrus iucundus est & placidus, ob eamque causam poetæ ipsum aurea ætate & apud Elysios spirasse sinxerunt; Ouid. I. Metam.

————— *Placidiq; repenti bus auris*

Mulcebant Zephyri natos sine semine flores.

Serenum asserebant; pluuium tamen experientia ostendit. Auster nubilus & procellosus est; eius pulchra descriptio est in diluuiò Deucalionis primo Metam.

————— *Madidis Notus euolat alis*

Terribilem picea iectus caligine vultum:

Barba grauis nimbis, canis fuit vnda capillis.

Fronse sedens nebula, rorans pennæq; sinusq;

Etque manus late pendentia nubila pressis,

Fis fragor & densi funduntur ab æthere nimbi.

Noxius est & grauis tam rebus in animis, quam plantis animalibusque: exedit qua parte afflat parietes & frumenta: floribus obest: Virgil. 2. Ecloga:

—— *Immissi floribus austrum.*

Hominibus morbos creat & pestem. Boreas etsi serenitatis autor sit, & nubila pellat, non minus tamen horridus est, ut de eius sæuitia historix septentrionalium regionum multa memorant; & Ouidius expertus est, libro Tristium tertio, elegia decima: ubi ait

Tantaq, commoti vis est Aquilonis, ut altas

Æquet humo turres, tectaq, rapta ferat.

Eius plena descriptio est ad finem sexti Metamorph. ubi de seipso in hunc modum loquens inducitur.

Apia mihi vis est, hac tristia nubila pello,

Hac freta concursio, nodosq, robora verto,

Inducóq, niues, & terras grandine pulso,

Idem ego cum fratres cælo sum nactus aperto

(Nam mihi campus is est) tanto molimine luctor,

Ut medius nostris concursibus insonet æther,

Exiliantq, cauis elisi nubibus ignes,

Idem ego cum subij conuexa foramina terre

Supposuiq, ferox imis mea terga cauernis

Sollicito manes, totumq, tremoribus orbem.

Obest plurimum plantis & fructibus, si vere sit durior: nam

—— *Boreæ penetrabile frigus adurit.*

Orientales venti minus noti sunt, nec quicquam memorabile de ipsis traditur, præterquam Cæciam solstitialem nubes ad se trahere, cum alij venti propellant: fit verò quod flatus habeat incuruos & reflexos: nam in terram delati fursum versus refringuntur, cælumque repetunt, unde obuias nubes putantur attrahere. Mantuanus ecloga tertia:

Fæmina Cæciaco, res mira, similima vento est,

Qui trahit expellens mendaci nubila flatu.

Porro Zephyrus vere est frequentior: à solstitio æstiuali vigent Eteliæ, dicti quòd annuatim statò tempore spirant;

rent; incipiuntq; secundum Ptolomeum circa vicesimum primum diem Iulij: genus est aquilonis lene & salubre. Autumno Africus; à bruma auster spirat, seu Ornithiæ ab auiū aduentu sic vocati, et ceteri imbecilliores. Contrarij qui ex diametro dissident nunquam simul flare possunt, vt collaterales. Apud Antipodes nostros contraria ventorum est ratio; meridionales nanq; illis sunt frigidi, quia polo illi sunt viciniore; aquilones calidi, quod è torrida Zona ortū ducant.

CAP. XII. De flatibus repentini.

Repentini flatus dicuntur Procella vehemens, ^{εὐρυπία}: Igneus turbo, ^{καταιγίς}: & Vortex ^{ὀρβή}: venti ignei vehemēti impetu cuncta dissipantes. Exiliunt è nubibus conscissis vt fulmen; vnde ad illius naturam proximè accedunt. Ecnephias & Prestes in materia sicciore ignem exsuscitant: Prestes etiam & Typhon vorticosi sunt, inq; gyrum rotantur.

CAP. XIII. De Terræmotu.

Terræmotus ^{σεισμός}, fit cum flatu in cauernosis terræ locis ab astris excitati, aut per meatus paulatim ingressi, à calore attenuantur, & intumescunt, dūmq; exitum quaerunt & terræ soliditate cohibentur, ipsam fluctuante æstu quatunt & vibrant. Montosa maximè concutuntur; sæpius maritima. Contingunt terræmotus, Sole ortui aut occasui vicino, noctu frequentius, sedatis ventis, cælo tranquillo. Triplices sunt; Chasmatici terra dehiscente aut subside: Brastæ terra intumescēte cum montes exsurgunt: Epiclintæ cum tremit, cuius iterum tres sunt species; Succussio, qua terra sursum, deorsūmq; mouetur: Inclinatorum hinc illincque nutat: & tremor cum vibratur. Quattur verò grauius si halituum copia multa sit: leuius si exigua. Atque tūm ex spirituum copia, tūm situs & concauitatum forma tremor aut statim definit, aut in multum tempus perdurat; & vt plurimum dies quadraginta: si verò spiritus alij alijs subinde succrescant, & erumpentibus prioribus ob terræ humorem à calore in auras attenuatum noui succedant,

dant, eam terræ plagam per integrum annum vel etiam biennium vexari ferunt & agitari. Friburgi Brisgoiæ anno Christi 1574. mense Augusto sub noctem media post Solis occasum hora, terræmotum vidimus: aer tranquillus erat, cælum serenum nisi quod tenues nubeculæ sparsim in longum porrectæ videbantur. Succussio fuit levis quidem sed tractu longiore; extenderat enim sese Basileam vsq; Tacitus scribit vna nocte terræmotu in Asia duodecim celebres vrbes intercuisse, libro secundo. Tempore Constantini Orientem plerisque locis terræmotus anno integro concussit, referente Socrate libro quarto. Anno vno iugiter quoq; terræmotu perseuerante Constantinopoli ædificia plurima & templa corruerunt, vltimis annis Leonis Isaurici. Pythagoras de terræmotibus apud Ovidium ita:

*Vis fera Ventorum cæcis intrusa cauernis
Exspirare aliquid cupiens, luctat æque frustra
Libertiore frui cælo, cum carcere rima
Nulla foret toto, nec peruia flatibus effes
Extentam tunc ferit humum, ceu spiritus oris
Tendere vesicam solet, aut direpta bicornis
Terga capri, rumor ille loci permansit, & alii
Collis habet speciem, longoq; induruit ævo.*

CAP. XIII. De nubibus.

EXhalationum primum genus expositum est; alterum sequitur. Vapor ætus est exhalatio crassior, calida & humida. Aquea est prorsus, ob crassum humorem fumo sicco contrarium: qua ex causa huius generis metæora Aquea vocantur. Ascendit vero vapor ad medium regionem aeris, alteraturque: aut permanet in infima. Prior qui altius ascendit, in nubem cogitur: quæ sit cum vapor excitatus & ad medium aerem euectus, destitutus proprio calore à frigore eius regionis cogitur & con-
crescit: cuius argumentum est, nubem prius non apparere, quàm ad frigidam aeris partem quæ media est, peruenerit: & ratio perspicua est. nam halitus illi sparsi & tenuiores ascendentes propter raritatem effugiunt visum, donec
1 2 calore

calore à frigore superato crassescere incipiant. Atque hic magna Solis astrorumque vis & occulta energia elucet, quæ tam immensas moles atque grauissimas nulli alij fundamini innitentes in aëre quo nihil subtilius propendentes sustinent: quanta enim nubium vastitas sit, visus indicium satis ostendit, cum integras regiones sæpius obducant & contegant: Et ex hisce quoque non levis ratio emergit, cur mare tot fluminibus velut in communem alueum aut abyssum receptis non exundet: cum subinde tanti vapores ex ipso & humentibus locis in altum educantur.

CAP. XV. De Pluvia, Nive, & Grandine.

Nubes aliæ à Solis radijs propter eximium calorem attenuatæ dissipantur, atque in aërem transeunt: aliæ resoluuntur in aquam: nam exuperante aëris frigiditate, extinctoque interno calore vapores crassescunt, & in aquam mutantur, nubesque frigore constricta liquefcit. Eius resolutionis guttæ aut liquidæ decidunt, & pluvia dicitur: aut condensantur; seu constringuntur in floccos, ut nix: seu congelantur in globulos, ut grando. Pluvia fit cum nubes resoluta liquidis guttis in terram defluit; Imberque vocatur, si guttæ sint grandiores & densiores; qualis primo Æneid. describitur:

*Sæpe etiam immensum cælo venit agmen aquarum
Es fœdam glomerant tempestatem imbribus ævis
Collectæ ex alto nubes, ruit arduus æther.*

Sic Ovidius vndecimo Metamorph.

Ecce cadunt largi resolutis nubibus imbres.

Nix fit, cum nubes iam incipiens resolui superueniente nouo frigore ac ventis agitata in exiguas planasque partes spargitur & descendit, quæ ideo candidæ sunt, quod aërem in resolutione præ raritate admissum, intus constrictum continent. Grando fit cum iam liquefactæ nubis guttæ decedentes à frigore infimæ regionis in globulos & stirias congelantur; maiores minoresue pro aquarum è nube distillantium copia: aut minores si altiore compactæ loco fuerint,

erint, maiores si terris propiore. De his Ouidius nono Metamorph.

Nanq; ferunt imbres gelidis concrefcere ventis,

Inde niues fieri: niuibus quoq; mole voratis

Astringi, & spiffa glomerari grandine corpus.

Initio mensis Augufti, anno 1576. grando decedit memorabilis: dies vesperti proximus erat, ftrepitus in aere tantus, quantus ingentium aquarum defluuium, & fylvarum impetu ventorum nutantium fonitu edi poffet: nubes. terre propinquę admodũ erant, lapides obliquo tramite in terram ferebantur magnitudinis & figurę oui gallinacei: graffata eft per miliaria germanica amplius fedecim: dies totus fuerat nubilus & frigidus.

CAP. XVI. De Nebula, Rore & Pruina.

Alterum genus eorum quę ex vaporibus generantur, eft quod ob imbecillum calorem ad superiores aeris regiones peruenire non poteft, fed in infima confiftit: hæretque vel in aere, vt nebula; vel in terrę superficie, vt ros & pruina. Nebula eft vapor obliquis Solaribus radijs excitatus, leuiter humidus & calidus, in proximo aere prope terras volitans: gignitur enim Sole occafui aut ortui vicino. Cauſſas attingit Ouidius primo Metamorph.

Et noctis faciem nebulas feciſſe volucres

Sub niſido mirata die. non fluminis illas

Effſe nec humenti ſenſit tellure remitti.

Ros fit cum vapor tenuis Sole abſente ab aſtris clara nocte elicitur, & quamprimũ Solis radios aduentantes perſenſerit in terram liquatus deſcendit. Pruina eodem ſic modo, niſi quod ob frigus aut ſpirantem Boream in niuis formam abeat. Tenuem admodum calorem hiſce inefſe, manifeſtum eſt, quod nebula obliquo & debili Sole, ros & pruina Sole nuſquam apparente euehantur.

CAP. XVII. De Iride, Halone, & Parello.

Sequitur demum de affectionibus illis quarum alię meteora comitantur, alię prænunciant. Quę cum meteoris contingunt duę ſunt, Colores quidam & Sonitus.

tus. Colores figuram exprimunt vel arcus, Irisque dicitur, vel circuli, vt Halo; vel Solis, vt Parelus, cernunturque in nubibus vel materia nubibus affixi. Iris fit cum Sol hori- zonti propinquus in nubem æquabilem, concavam, & ro- tidam ex aduerso sitam, radios projiciens diuerfos sibi- que contiguos colores ex forma nubis incuruos arcus specu- m referentes exprimit. Collectis enim radijs lucidis in ma- teria humida, atra, & aliquantulum ob æqualitatem soli- da, fulgor Solis refringitur, colorésque illi gignuntur, quo- rum frequentiores sunt purpureus, viridis, puniceus, fla- uus, aut croceus. De Iride ita Ouid. 6. Metamorph.

*Qualis ab imbre soles percussus Solibus arcus
Insicere ingenti longum curuamine cælum,
In quo diuersi niteant cum mille colores,
Transitus ipse tamen spectantia lumina fallit.
Et Virgilius ad finem quarti Æneidos:
Ergo Iris croceis per cælum rescida pennis
Mille trahens varios aduerso Sole colores
Deuolas*

Irides sæpius binę apparent, cum videlicet altera ex pri- oris reflexione formatur. Halo, corona; fit cum tenuis nu- becula inter visum nostrum & astrum insigne ex concursi- one radiorum vtriusque, circulum stellam cingentem re- presentat, circa Solem est illustrior, circa Lunam crebri- or, Parelus, imago Solis, fit cum in nube æquabili, rotun- da, tenui & humida collectis in vnum radijs Solis, eius imago velut Sol alius relucet. Duo apparentes Soles cum tertio vero sub T. Claudio Imperatore visi sunt, quibus tres simul Imperatores portendi credebantur; & sanè sub- secuta est non multò post concertatio de Imperio inter Sergium Galbam, Othonem Syluium, & Vitellium: Anno quoque 1580. nono Iunij tres simul videbantur manè ab or- tu veri Solis ad tertiam horam diei; genuino qui medius erat adedò similes, vt luminis tantum imbecillitate ab ipso discerni potuerint: Aiuntque hoc ipso anno duos iterum apparuisse mense Augusto, nobis videre non contigit. Ad hunc etiam modum Luna sui imaginem efformat quando- que, quæ Paraseline dicitur.

CAP. XVIII. De Tonitru & similibus.

Sonitus fit vel in aere, & comitatur fulgur ac grandinē; vel in terræ cavernis cum terræ motu. Qui cum fulgure editur, Tonitru est; fitque cūm sicca & calida exhalatio ab humida nube in frigida aeris regione conclusa, calore per antiperistasin crescente, tandem è nube violenti calore, ingenti cum fragore, erumpit. Sonitus qui cum grandine auditur nonnunquam, efficitur ex pugna & concursatione nubium & exhalatione aduersantium; iuuante non parum ventorum & impetu & flatu aduerso. De eo est illud Virgilij quarto Æneidos.

Interea magno misceri murmure cælum

Incipit, insequitur commixta grandine nimbus.

Pari modo terra mugitus emittit dum tremore concutitur: nam terræ motum sonitus horribiles quandoq; comitantur, strepitū, murmur, fragoresq; imitantes, quos flatus inclusi pulsantes, resultantes, ac meatuum infernarum lateribus incurstantes, pro cavernarum qualitate, varios edunt.

CAP. XIX. De Prognosticis tempestatum.

Affectiones quæ meteora præcurrunt, sunt tempestatum prognostica; Ea sumuntur vel à siderum positu, vel à rebus animatis inanimisque, vel etiam à meteoris ipsis, cum alia per alia nunciantur. Præcipua sunt serenitatis, squalloris, ventorum, pluuiæ aut terræ motus. Serenitatis sunt, Sol lucidus exoriens, nullis in oriente nubibus existentibus, vix enim sese toto die nubibus explicabit, si in ortu obuias habuerit: claritas stellarum nocturna; Luna candida & pura; rubedo cœli vespertina, testimonio etiam Saluatoris, Matthæi sextodecimo; formicæ frumentum exponentes. Squalloris & siccitatis præsagia sunt cometæ; tametsi eum qui proximè apparuit nulla sit subsequuta siccitas. Ventos prænunciat Luna rutila: stellæ discurrentes qua parte decidunt, cometæ item: halon quoque quâ primū diuiditur:

scyurus quâ ventus spiraturus est cauernas obturat; quod & de terrestri herinaceo Basilus memorat. Apes ventos, imbrésque prædiuinant, ac tectis se impendente tempestate continent. Pluiiarum prænotiones sumuntur à nubium rubore matutino, à Luna lurida; hinc tritus versiculus.

Pallida Luna pluit, rubicunda flat, alba serenat

De aurora Ouidius tertiodécimo Metamorphoseon:

Luctibus est Aurora suis intentâ, piâsq;

Nunc quoq; dat lachrymas, & toto vorat in orbe.

Sumuntur præterea à Noto vento flante siboreas præcesserit; à ranis vehementius coaxantibus; ab auibus aquæ se mergentibus. Terræ motus futuri signa

sunt summa ventorum tranquillitas,

turbidæ puteorum

aquæ.

PHYSICORVM

LIBER SEXTVS DE FOSSILIBVS.

CAP. I. *De generibus Fossilium.*



E Corporibus mistis imperfectum ita est: deinceps de Perfecto agendum erit, quod perfecta concretionem constat & durat in longum. Est verò stupidum aliud, aliud viuum. Stupidum (hoc enim nomine vtendum) hebes, seu brutum, dicitur quod nulla præ se fert vitæ certa indicia: vt Fossilia quorum duo genera statuuntur; siccum quales Lapides & Terræ insignes, atque humidum, vt Metalla & Succa.

CAP. II. *De Lapidum natura.*

Fossilia igitur sicca sunt, quæ exiguo humore & magna ex parte terrea crassitie constant: nec liquari nisi vix possunt, sed partim frangibilia sunt, partim friabilia. Oriuntur in terræ cauernis è materia crassa & sicca, leui humido ac tenaci coagmentata: nam materies illa ex qua gemmæ & similia generantur, primùm à calore ad maturitatem decoquitur, inde à frigore obsidente condensatur, ac demum longo temporis excursu in eum modum durefcit. Etsi verò nonnulli lapides aqueæ sint substantiæ, præsertim pellucidi, maxima tamen pars terrea est, vel illo argumento, quod igne consumpti parum admodum materiæ quæ aerea aqueæue esset euanescat, sed tota potius in cineribus remaneat, longè secus quàm de ignibus euenit: & defectu quoque humiditatis ex ignis calore diffiliunt potius quàm liquefcunt.

CAP. III. *De Gemmarum ortu & viribus.*

Lapides alij pretiosi æstimantur, alij viles; illi tenuitate præstant, hi siccitate. Pretiosi sunt gemmæ & marmora. Proveniunt gemmæ abundè in regionibus orientalibus

talibus ob cœli ad earum generationem aptam ibi temperiem : gemmiferæ sunt etiam Persia, Phrygia, Thracia, Media, Cappadocia, Arabia, Scythia, Cyprus, quin & Germania: Indicæ tamen cæteris vt plurimum sunt præstantiores duriorésque. Generantur inter laxa, aliquando inter metalla, tenui materie ab impuriore segregata & temporis diuturnitate cœli virtute in lapillum purissimum cōstructa. Habent suas matrices, lapides alios; vt margaritæ conchas marinas. Sunt illis pulchræ vires & proprietates, ex quibus non iniucundè ipsarum cum cœlo consensus cognatiōque animaduertitur; siquidem enim lumine, claritate atq; omnis fæcis experte puritate cum cœlo conueniant, facile est conijcere cœlum suas virtutes in eas liberius copiosiusque transfudisse. Sed peruersum hominum iudicium ansam hinc sumit præuaricandi, dum terrena cœlestibus æquiparant; imo malunt densum lutum, calculos, concharum verrucas, & terræ minutalia (vt eleganter Abacuc propheta, & Tertullianus appellant, in mentem Plinij) cœli nimirum similitudinem, quàm cœli beatitudinem sibi comparare.

CAP. II II. *Gemmarum genera.*

Gemmae in primis distinguuntur colore, perspicuitate, duritie & viribus : colores tamen non ita planè describi possunt, atq; oculis discernuntur. Perspicuæ aliæ sunt, aliæ opacæ, nonnullæ mixtæ : & quò quibusq; color perfectior, eò minus inest luciditatis. Sunt autem hæ ferè : Adamas gemma candida, durissima, quippe quæ cæteras duritie facile omnes vincat : & pellucida Onyx coloris candidi perspicui, sed heberis. Sardonyx candida sed opaca. Chrysolithus aurei coloris, dura & perspicua. Sarda ignea perspicua. Carbunculus rubens, cuius species sunt Granatæ & Carchedonius : reperiuntur apud Indos carbunculi Pyropi nomine tanti splendoris, vt radios Solares lumine videantur æquare. Amethystus violacea seu vinosæ & perspicua. Hyacinthus fulua sed vel in croceum, vel rubeum, vel etiam cæruleum inclinans : & medium quid inter perspicuum tenens & opacum. Smaragdus dura & omninò viridis. Beril-
lus

lus virer quoq;, sed commixtos quandoq; alios colores habet. Prasius virore itē constat sed non diluto: atteritur vsu. Topazius ex viridi constat & croceo: per sp̄cia est, limāque tāgitur. Chrysoprasius similis est sed durior. Sapphirus opaca sereni cœli imaginem refert. Multos colores habet & varios lāpis & Achates, omnesq; quasi colores recipiunt. Ille oculis miram iucunditatē adfert, hic durior est; vterque vt mistos colores, ita permixtā opacitate perspicuitatē habet.

CAP. V. *De lapillis gemmarum affinis.*

Sunt verò alia pretiosorum lapidum genera, quę ad gemmarum naturam proximè accedunt: qualia Chryſtallus quę in montibus niuosis nascitur figura hexagona, vtrū ex glacie dubium: candore & perspicuitate adamanti similis; sed quando adamas durior, tanto hæc mollior: prouenit amplissimè Alpibus quę Heluetiam ab Italia dirimunt. Corallium *libosendoy* planta marina, lapisque ramosus, nascitur in mari: cumq; sub aqua viride sit & molle, quamprimum æterem extra aquam persentit, rubet & lapidescit. De eo Ouidius quarto Metamorph.

Nunc quoque corallijs eadem natura remansit,

Duritiem tacto capiant vt ab aere, quodq;

Vimen in æquore erat, fiat super æquora saxum.

Nascuntur, vt ferunt, in sinu Tyrheni maris non procul à monte Argentario. Genuenses hunc lapidem magna quotannis copia ad insulam Sardiniam expiscantur. Cyaneus, Lazuli dictus, ceruleus aureis stellulis micat. Magnes, lapis Hercules, colore albus, præcipuus ferrugineus: insigni virtute attrahit ad se ferrū: eiúsque partem cui illitus est ad Boream dirigit, vt videre licet in lingulis horologiorū solarium reperitur in insula Ilua seu Elba, inter Tusciam & Corsicam. Huic contrarius est Theamedes qui ferrum respuit.

CAP. VI. *Lapides animantibus innascentes.*

Asimiles non sunt istis, lapides qui in animalibus nonnullis orti, ab eis denominantur. Generantur è peculiari glutinoso semine, quod progressu ætatis natiuo

natiuo calore concoctum & frigore constrictum coalescit. Nobiliores numerantur hi : Ceraunias vel Borax, in buffone sene concretus, rotundus vel oblongus. Chelidonium, qui in ventriculo vel iecore hirundinum reperitur, colore fusco ex nigro aut subrufo permixto. Limacius in limace non corticato, candidus. Est verò & Cancrinus, qui in cancris nasci solet, lacteus & rotundus. Alektorius qui in galli gallinacei ventre generatur. Nobilissimæ horum sunt Margaritæ (si tamen huc referri debent) coloris lactei, quas in cõchis marinis tradunt nasci, in singulis plures rotundas ex oblongis, & versa vice oblongas ex rotundis; maiores & minores pro conchiliorum ætate. Præferuntur cæteris quæ maximè sunt rotundæ, lucidæ & læuissimæ.

CAP. VII. De Marmoribus.

Marmor lapidum genus est læue & nitidum: varium ita ut colores omnes admittat. Insigniora sunt Zeblicum cinereum ferè: Parium à veteribus celebratum, inuenitur nigrum, rubrum, flauum, candidum, (cuius Annebergicum laudatissimum: ex eo namq; mensæ & altaria fiunt pulcherrima) viride postremò Laconicum. Porphyrites rubrum est Ægyptium. Ophites aliud viride maculosum. Alabastrum candidum & pellucidum est. Huc referantur Cotes: optimæ sunt Lydiæ, Damascenæ & Zeblicianæ, leuigationi aptæ, nitidæ ac tenues. Lydio hoc lapide metalla affricata sincera à nothis dignoscuntur. Aqua alia illinuntur, alia oleo. Ceraunias cunei forma reperitur in montibus Epiri Acroceraunijs, fulmineus creditus, quod montes illi fulmine frequenter impeterentur.

CAP. VIII. De saxis.

Istis igitur humana persuasio pretium tribuit & laudem: Ignobiles porro habentur, nec ob copiam vllius prætij qui sunt crassioris materiæ, ob idque plerunque scabri & asperi, ut Petræ, Saxa, Pumex, Tophus, Smiris durior ferro. Sarcophagus, Silex qui est squamosus. Est & niger lapis scutilis ex quo tabellæ scriptoriæ conficiuntur.

CAP. IX. *De Terris insignibus.*

TErræ insignes sequuntur: quæ qualitatibus singularibus sunt conspicuæ, velut colore, tactu & vsu. Creta, Rubrica, Ochra, raræ substantiæ sunt, & partim molles, partim duræ. Creta quoq; quibusdam regionibus prouenit viridis & cærulea. Argilla terra est pinguis & lenta, figulinis vasis formandis apta. Gypsum terra est candida glutinosa, exigui ponderis; conficiuntur eo vasa & pocula; cyprium est candidissimum.

CAP. X. *De Metallis.*

VT gemmæ lapidēsque communes tenuitate & siccitate à se inuicem differunt; ita ab vtrisque Metalla & Succia crassitie & humiditate secernuntur. Est ergo Metallum corpus ex viscoso & cohærente humido constans, durum & ductile: metallis omnibus frigida est & humida substantia; oriunturque in locis humidis atque frigidis; aurum tamen in calidis. Etsi verò in descriptione speciali metalla ex terrea dicuntur materia constare, tamen terreum illud si cum alijs conferatur aqueo persimile est; sunt enim tenuia maximè & humida.

CAP. XI. *Metallorum origo.*

Metalliferae sunt regiones omnes, tametsi non omnia vbique proueniant: nam pro cœli temperie, terræque apto tempore, nec non aquarum scatebris, alia ferri ferax est, alia auro, argentœue abundat: præ cæterisque illa est secundum auctores.

Insula inexhaustis chalybum generosa metallis.

Atque tum ob has causas, tum ob venas naturales (habet enim argentum suarum venarum principia, ait Iob) humidum, pingue & glutinosum confluens, calore paulatim maturescit, ac frigore in massas licet dum impuras constringitur: eaque ratione quò quid à natura artifice purius elaboratur, eò præstantius & nobilius ex officina prodit. Effoditur autem nonnunquam, reperiturque aut in propria vena, velut aurum, argentum frequenter; argentum viuum, æs, plumbum, ferrum; aut in pyrite, vt hæc eadem præter

præter argentum viuum & ferrum: Aliquando colligitur in
riuulis & fluminibus, vt aurum (inde apud autores Aurea
flumina:) ferrum & nonnunquam argentum colligitur eti-
am in agris, vt plerisque locis ferrum. De auriteris flumi-
bus, Lucanus lib. quinto:

*Quicquid fodit Iber, quicquid Tagus extulit auri,
Quodq; legit dines summa Arimaspus arenis.*

CAP. XII. Genera Metallorum.

Metallum omne vel est primum, vel secundarium.
Primum quod ex se constat, est purum aut impu-
rum: purum rursus molle vel durum: molle quod minus
resistit: aliud est solidum, vt Aurum, aliud liquidum, vt
argentum viuum. Aurum tenuissimæ substantiæ ex purior
terreo & humido paulatim & multum decocto; ob spissitu-
dinem grauissimum, colore fuluum. Argentum viuum hu-
midius ex aereo & aquoso humido, purissimæque terræ par-
te leuiter excoctis. Durum solidum est Argentum, candi-
dum, licet nullum metallum tanta varietate sit præditum:
exiguo humore, plurima terra sed pura constat, & aeream
concreto: hinc enim illi candor. Metallum impurum cras-
sifici habet, quale durum est Ferrum, molle Plumbum. Fer-
rum etsi varium, plerunque tamen est nigrum seu fuscum:
oritur ex materia terrea crassa, frigore consolidata magis,
quàm calore excocta. Plumbum item varij coloris, nigrum
tamen vulgariter, materia constat crassa sed attenuata, ea-
que terrea & aerea: vnde graue est, & facile liquefcit. Se-
cundarium metallum & mistum dicitur, quod primario plu-
rimum est affine, idemque molle aut durum: molle est Stan-
num cui cum plumbo conuenit, ex aereo & terreo humido
minus continuato, vnde stridet flexum: leuius est plumbo,
coloris aquei, habet enim splendoris multum, candoris pa-
rum. Durum est Æs, medium quiddam inter ferrum & ar-
gentum vel potius aurum: humido constat aereo, terræ
mediocriter pura & probè concocta: firmum est & colo-
ris aurei adulterini. Numerantur & aliæ species, quæ ta-
men arte potius fiunt, quàm natura; quales Chalybs fer-
rum

rum durius; & Orichalcum æs durius & purius; vnde colore propius ad aurum accedit.

CAP. XIII. De Succis.

EFossilibus alterum humidorum restat genus, Succorum quorum alij sicci sunt, alij liquidi. Sicci sunt quorum humidum crassius à frigore concretum est, & ij duplices; aridi & viscosi. Aridi ex humido diluto, sunt sulphur, sal, niterum, thus, mirrha, alumen, atramentum: & similes Viscosi sunt ex humido pingui, vt pix, resina quæ ex arboribus distillat, bitumen, cuius multæ species, velut succinum, maltha, pissalpaltum, camphora, petroleum, carbones fossiles. Liquidi succi dicuntur liquores, constant humido tenui aereo: vt vinum, oleum, succus malorum gratanorum, mel, lac, & huiusmodi.

PHY-

PHYSICORVM

LIBER SEPTIMVS,

DE STIRPIBVS.

CAP. I. *Quid Planta?*



ED tempus est, vt quid Viuum sit videamus. quod nimirum vita est præditum. Naturæ autem vitam habentis duæ partes sunt considerandæ, corpus externū, & anima quæ vitam subministrat. Corpus vitale dicitur cuius membris anima tanquam organis ad suas functiones vtitur. Est verò vegetum tantum velut Stirpes: aut etiam anima-

tum, vt Animantia. Stirps seu planta est corpus viuum facultate vegeta constans: vt ea omnia quæ terra ex se producit: abundant plurimo humore, non quidem aqueo, denso, & benè continuato, vt metalla: sed raro & aereo; vnde leuioris sunt naturæ, & aquis innatant.

CAP. II. *De stirpium partibus similaribus.*

S Tirpes partibus constant similaribus & dissimilaribus: non tamen omnes omnibus. Similares sunt, Lignum quod ex humido aereo, tenui & probè concocto concretum est. Vena siue neruus eodem sed densiore. Medulla constat partibus rarioribus; estque veluti ligni spuma quæ ex humore exsudat & multo aere coalescit. Nodus densissima est suæ stirpis pars. Cortex crassior materies, quæ calor vi foras propulsa durefcit, plantam vestit, atque à cœli iniuria defendit. Membrana cortex est pertenuis & purior. Humor plantarum sanguis, nutrimentum calor quibusdam lacteum est, alijs gummosus, alijs saluosus, alijs lentus & pinguis, alijs denique aquosus.

CAP. III. *De dissimilaribus partibus.*

Partes dissimilares sunt radix & truncus. Radix plantæ basis, ea pars est cui in terra delitescenti corpus reliquū innitur, & qua tanquam ore, alimentum (quod humidum nutritium dicunt) attrahit & partibus omnibus suppeditat. Plures radices agunt frumenta & pleræque herbæ: plurimās easq; latissimas arbores: legumina & olera singulas. Sunt etiam nonnullis radices duriores trunco, alijs molliores: nonnullis item prælongæ, alijs globosæ. Ex iisdem dissimilaribus partibus constant, quibus fermè truncus: sunt tamen alijs ligneæ, alijs nervosæ, alijs carnosæ. Truncus qui supra terrā prominet; aut totus folium est, aut caudice, ramis & surculis constat. Caudex vel caulis, dicitur stirpium corpus, quod ex se ramos fundit, nutrimentumque concoquit & dispertitur. Adiunctos sæpe habet stolones, qui ex eodem ad radices, vel à proprio semine exsurgunt. Caulis alius plenus est, alius inanis: plenus medullam habet largam, modicam aut nullam. Rami velut brachia, è caule passim in omnes partes diffunduntur, rari, densi, contracti, patuli, sursum, transuersim. Surculos rami vtrinque vel vndeque emittunt, ipsiq; folia atque fructus adhærent.

CAP. II. *De generibus plantarum.*

Dvo sunt stirpium genera: vnum mancum: alterum absolutum perfectè: prioris sunt Cyemata: planta quæ vnica parte constat, tres verò habet differentias: primum cyema radix tantum est, sine caulice & perpetuò sub terra delitescit: vt tuber, antipathes, ebum fossile: secundum totum est caudex, ac sine radice alijs plantis adhæret: vt viscum, spongia, muscus marinus, alga: tertium cuius radix perdurat, sed folium annuis vicibus amittit, iterumq; profert, vt foeniculum, altilis mandragora. Perfectè absolutum deinde est duplex, gramineum & ligneum. Gramineum humido constat multo & crudo, vt herbæ & frutices. Herbæ sunt quarum folia radicibus cohærent, & caule carent: nam stolones quibus folia adnascuntur propriè caules non sunt,

114 PHYSICORVM LIB. VII.

cum annum integrum non durent. Herbae primi generis sunt syluestres, quales fraga, vrtica, carduus: secundi olera, vt lactuca, nasturtium, cepe, allium; tertij fruges, quae du-
plices sunt. Frumentum vt triticum, auena: & legumen, vt pisa, fabae, lentes. Suffrutex herba est quae caule constat, vt salvia, hyssopum. Lignae stirpes sunt, quae humidum ha-
bent maximè concoctum: ideoque duriores sunt atque du-
rabiliores, vt frutices & arbores. Frutex, planta est quae cau-
lice multiplici humilique è radice exsurgit, vt vitis, rosa, co-
rylus. Arbor cuius simplex caudex è radicibus enatus, in-
que brachia ramosa diffusus, ad magnitudinem insignem
crescit, vt nux, platanus, malus olea & apta fretis abies,
bellis incommoda ornus.

Quercus amica Ioui, cumulos æctura cupressus.

Ilex plena fauis, venturi præscia Laurus.

CAP. V. De Floribus.

QUAE essentiae sunt stirpium, velut partes & genera, pri-
orem habuerunt locum; posteriorem tenent adiuncta
generationis & nutritionis. Generationis sunt quae à stirpi-
bus nascuntur, vt germen & excrementum: Germinis sunt
flos, fructus, & semen. Flos succo plantae purissimo & tenu-
issimo constat; qui caloris coelestis vigore excitus in subti-
lia variisque coloribus insignia folia formatur. Flores qui-
bus veluti stellis suis ornatur, terra tum minimis, tum præ-
grandibus plantis profert fructuum ac seminum prænunci-
os, etenim vt apud Ouidium 5. Fastorum.

Si bene floruerint segetes, erit arca dives:

Si bene floruerint vinea, Bacchus erit.

Si bene floruerint oleæ, nitidissimus annus:

Poma quoque euentum temporis huius habent.

Flore simul læso pereunt viciaq; fabaeque,

Et pereunt lentes aduena Nile tue.

CAP. VI. De fructu & semine stirpium.

Floribus succedunt fructus & semen, quae gignuntur cum
succus seu humidum genitale calore interno externoque;
percoctum foras erumpit, atque in varias fructuum formas
iuxta

iuxta interni caloris copiam, succique diuersitatem excre-
cit. Quibusdam fructus est sine semine adnascente, sed in-
tus incluso, vt pomis, cerasis : nonnullis semen solum est,
velut oleribus & herbaceis, alijs semen idem est & fructus,
vt frugibus.

CAP. VII. *Fructuum partes.*

PArtes quibus fructus constant, sunt caro, nucleus, seu
granum, acinus & cortex. Carnosa sunt poma, cerasa,
vua. Nucleus est nucibus, auenis, amygdalis ; durior casta-
neis & glandibus. Granum vel semel ligno inclusum persi-
cis est, prunis, cornis. Acinos carne inclusos habent vua,
mespila. Cortex alijs interior est, alijs exterior. Interior
lignum est quo continetur granum ; vt oliuis, prunis. Exte-
rior multiplex est, ligno clauduntur nuces, amygdala : ob-
ducuntur putamine mala, fici : lanuginoso cotonea, persica :
crustâ glandes : corio castaneæ : siliqua fabæ, pisa, baccæ
iuniperinæ : cute cerasa, vua, corna.

CAP. VIII. *Fructuum genera.*

TRes sunt differentiæ fructuum : primæ sunt poma, vt
mala, cotoneum, persicum, citreum, punicum, pyrum,
pruna, mespilum, ficus : secundæ sunt Nuces, vt iuglans, a-
uellana, myristica ; hucque pertinent castaneæ, glandes,
nux pinea, glans fagea : tertiæ sunt Baccæ : gignunt verò
baccas laurus, oliua, iuniperus, vitis, hederæ, cedrus.

CAP. IX. *De Folys plantarum.*

EXcrementa stirpium dicuntur folia ; proueniunt cum
humidum calore augescere abundè attractum, rur-
sumque per omnes partes qua surculi tenuiores sunt cru-
dum emissum latè expanditur & concreuit : surculis adhæ-
rent pediculo in herbaceis ipsis radicibus. corpus ipsum
neruulis cohæret, qui à medio crassiore neruo certis inter-
uallis in vtranque partem extenduntur : carent transuersis

quæ arcta sunt, & exilia, vt abietis, iuniperi. Plantæ quædam annuis temporibus frondem amittunt; quædam semper sunt frondentes, sunt autem siccioris substantiæ & calidæ, vnde Indiæ arbores aiunt perpetuò virescere, quemadmodum in insula quoque Thylo Perfici maris: folia ipsa plerunque sunt exigua, vt iuniperi, abietis, lauri; item

*Semper frondentis Oliuæ
Perpetuòque virens buxus*

CAP. X. De differentijs plantarum.

DE adiunctis plantarum illud de nutritione reliquum est. Ea dependet à locis vbi quæque lætiores proueniunt, atque inde terrestres quædam vocantur, quædam aquosæ. Terrestrium aliæ montibus gaudent, vt cedrus, fagus, pinus, buxus: aliæ planitiem adaman, vt fraxinus, quercus, vlmus. E reliquis nonnullæ frequentes sunt ad aquas stagnantes, nonnullæ ad profluentes: sunt verò aquosæ, vt salix, populus, verbenaca, pentaphyllum, plantago. Enumerat quidem Ouidius octauo Metamorph.

*Concava vallis erat, quò se demittere riuì
Assuerant pluuiæ aquæ, tenet ima lacunæ
Lenta salix, vluæq; leues, iunciq; palustres,
Viminaq; & longæ parua sub arundine canne.*

PHYSICORVM

LIBER OCTAVVS, DE ANIMALIBVS.

CAP. I. *Quid animal?*



EGREGIO succedit Animatum, & de solis dicitur animalibus. Est verò Animal corpus viuum vita simul & sensu præditum: vt aquila, leo, murena, rana, testudo, formica: etenim vt planta vitali virtute viret, pullulat ac germinat, ita animal sensuum iudicio cuius opinione ad bonum fertur ac mala declinat, præcellit. Naturæ est humidæ præcipuè, tametsi similes partes habeat plurimum dissimiles. Abundat succo aquoso, & hinc ipse molities.

CAP. II. *De partibus similaribus animantium internis.*

VNiuerſa historia animalium comprehenditur rebus partim internis, de partibus animantium & generibus: partim externis, de victu & loco. Partes sunt similes & dissimiles; quæ vt variæ sunt, ita pluribus animatis multa non competunt, suasque suo generi conuenientes & singulares habent. illæ sensoriæ sunt: istæ organicæ. Similibus partim interior structura constat, partim corpus contegitur. Interiores sunt, Sanguis; constat is humido crasso, aquoso, & terreo: homini est purissimus, tauro & asino crassissimus; calidus est & vitæ nutrimentum: rubeus est propter excellentem epatis calorem, quo concoquitur aduritque: nam ex illa concoctione necesse est rebeus fiat, siquidem quod terreum & aqueum inest, ad nigredinem tendat, aereumque calidum ad candorem: atque hæc æquis partibus commista rubeum colorem gignant: iuuante videlicet epatis calore, quo aqueum illuminatur, & aereum adurit, Spiritus vitalis tenuissima aurula, & pro-

pemodum incorporea, calidissima, utpote quæ sanguinem seu humidum radicale depascit, ac basis vigôrque sit omnis vitæ. Semen humidæ & aëreæ naturæ, ex purissimo alimento enascens. Medulla è sanguine per ossium meatus excreto percolato, concreta. Caro substantia mollis ex sanguinis coagulo concocta. Pinguedo è sanguine puro, superfluo, atque in aëream naturam transmutato. Membrana seu panniculus, caro tenuis calore interno spissata, qua partes interiores quædam continentur. Venæ quibus sanguis in omnes corporis partes deuehitur, ex leni & pellucida membranula, originem ducunt ex epate: inde enim à vena caua tanquam à caudice ampliore emanant. Arteriarum eiusdem, sed compactioris densiorisque materiæ; canales exigui à corde orti quibus spiritus vitalis cum subtilissima sanguinis portione continetur: estque hisce cum venis perpetuum foedus, quo coniunctis humido & calido vitali, vita animantium viget & conseruatur. Villi siue fibræ tenuissima fila ex sanguinis parte tenaciore, & lentore aëreo terreoque compacta: his compluribus in longum coadunatis, Nerui constituuntur: ac sanguinis coagulum esse indicio est, quod quibus animantibus desunt, eorum sanguis nunquam coëat. Ne verò animalium genus hac mollitie nimiaque debilitate collaberetur, quo consistere firmum possit, ossibus fulcitum est & cartilagine: constant ossa & cartilago terrena crassitie, cum sanguinis crassior pars calore siccata in eum modum durefcit: cartilaginis materies mollior est, ossium rigidior. Continetur ossibus medulla: sed leoni solida sunt.

CAP. III. *De regimento animalium.*

PArtium quibus animalia obducta sunt, primaria est Cutis, qua homo sola nudus sed formosissimus obducitur: tenuis est tunica, nascitur cum humidum ob internum calorem exhalans ab externo frigore in summa superficie cohibetur, non secus atque milium calidum extrà membranula concrefcit. Sunt deinde Pennæ aëreum omnino excrementum, tenue & pingue; lanugine oblonga, à medio stolone

stolone itidem aëreo (cuius signum leuitas, & medullæ candor) vtrinq; promanente; quò pinguior est, eò magis aquas respuit. Pili & Lana eiusdem substantiæ: sed multo terreo commisto. Cornu fit cùm terreū copiosum vnà cum tenaci humido exsudans, ob circumstans frigus solidescit: cui affinis est Vnguium natura, sed in eo differt, quòd tenuior fit: Eadèmq; origo est crustarum & testarum, itèmq; squammarum: atque quantò quoduis animantium genus crassiore constat substantia, tantò corticem agit durior em.

CAP. IIII. De Capite.

IAm recensendæ erant partes formales, totiùsq; corporis animati structura generalis; verùm cùm tanta sit animalium omnium varietas, vt tam diuersæ partes redundantes in plurimis aut deficientes vna omnibus apta & cõueniente descriptione nequeant comprehendi; vnus tantum speciei, ad quam cæteræ collatæ absque difficultate quacunq; intelligentur, hominis nempe animantium perfectissimi delineationem proponemus. Sunt itaque corporis animalis duæ partes, caput & truncus. Caput, nobilior pars & veluti arx in summitate corporis locata, sensuum sedes, partes habet externas & internas: externæ sunt Facies & Caluaria. Frons superior faciei pars lata vtrinq; ad tempora pertingit: huic subiacent Oculi duo subtilissimæ fabricæ, constântque tunicis & humoribus. Tunica præter illam albam quæ oculum capiti coniungit, sunt quatuor. Cornea, cornu pertenui & translucido similis: vnea, quæ corneæ adhæret & complectitur eam oculi portionem quæ pupilla dicitur: neruea extrema pars nerui visorij: & aranea interior. Humores sunt tres, aqueus inter corneam tunicam & araneam: vitreus crassior: crySTALLINUS nobilissimus, figura lentis in medio oculi, vitreo humore inclusus. Medius inter oculos & genas, Nasus est, materiæ cartilaginæ & ossæ, in cuius inferiore parte nares sunt, notis foraminibus, quibus suprà os intus porosum imminet, collatorium; quâ aditus ad cerebrum patet. Infra nares Os est, labris, dentibus & lingua compositum, ima eius pars in

Mentum definit. Dentium duo ordines sunt, superior malarum offi, inferior maxillæ hærens : in genera tria diuiduntur : octo anteriores dicuntur tomici à secando ; quorum priores gelasini vocantur, quia ridendo deteguntur ; Martialis libro septimo.

Nec grata est facies cui gelasinus abest.

Sequentes vtrinque bini, canini : reliqui maxillares sunt, & horum alij molares : alij genuini, proximi genis ; alij cranteres à cranio denominati : alij demum serotini, quod serò gigni soleant. Radicibus nituntur singulis, præter maxillares, quibus binæ, ternæ, & quaternæ sunt. Inter faciem caluariamque Aures sunt, extrà auriculis ornatae, introrsum anfractibus excauatae : vbi officula duo sunt forma incudis & mallei ferientis. Caluaria est quæ capillo tegitur. Eius medium Vertex est, à quo ad frontem sinciput tendit, ad ceruicem occiput.

CAP. V. De Cerebro.

Capite inclusum est Cerebrum, substantiæ spongiosæ & candidæ : distinguitur tribus concauitatibus, quarum anterior Lunæ crescenti similis est : media subest vertici : ab hac discrimine diuisus ad spinam dorsalem : posterior est ventriculus, Cerebellum dictus. Sunt quoque inter internas partes Nerui sensorij, qui ab oculis, auribus, naribus & alijs partibus orti ad cerebrum vergunt.

CAP. VI. De Collo.

Reliqua corporis moles, trunci nomine appellatur : sic Renim præter alios Virgilius 2. & 9. Æneid.

— lacet ingens litore truncus :

Tum caput ipsi aufert domino truncumq, relinquit

Sanguine singultantem —

Huius vna pars stipes dicitur ; cæteræ, prominentes, quæ à stipite veluti rami dependent. Stipes collo constat, & thorace parte anteriore, dorsoque posteriore. Collum quod inter caput humerósque interiacer, porrectum propter organa Vocis, antè in gutture habet tracheam & gulam : post, ceruicem. Trachea seu aspera arteria vertebris cartilagineis

neis continuis & concauis compacta à faucibus ad pulmonem tendit: eius orificium Larynx est, qui sub mento prominet, & operitur molli cartilagine ac mobili, quæ dicitur Epiglottis: huic vicinæ sunt membranulæ duæ Glottis dictæ quæ spiritu cum vox editur inflantur. Gula seu stomachus ab ijsdem faucibus per anfractus quibus tracheæ & Venæ apertæ cedit, in ventriculum definit; fistula item est cartilaginea. Ceruix pars extrema inter caluariam scapularumque sita est.

CAP. VII. De Thorace.

THorax & dorsum membra externa primum describenda sunt: interna postea. Thoracem constituunt pectus & venter. Pectus statim à gutture inter brachia ad ventrem latum extenditur: costis habet vtrinque duodenis; quarum superiores ossæ longiores & robustiores sunt; inferiores, molliores, breuiorésque. Mammillas habet dextra, sinistraque; parte singulas; foemellis ad lactis confectionem ruberiores & fungosas, maribus spissiores. Venter reliquū vocatur à pectore vbi costæ maiores desinunt ad pudenda. In eius medio tanquam centrum umbilicus est: pars superior ventri Hypochondrion est; inferior Ilia, quibus genitalia subsunt naturæ instinctu velanda.

CAP. VIII. De Dorsio.

Dorsum pars posterior est à ceruice ad nates: coniungitur pectori supra Humeris, quos Scapularum duo lata ossa & *μετασπονδυλίου* inter scapulas situm excipiunt. Inferius sunt Lumbi, vtrunque latus vbi cinctus est complexi: succedit his Os sacrum plurium ossium iunctura constructum. Huic sub lumbis adhærent Coxæ, ossa robustiora, quibus tota corporis moles pedibus innititur, desinuntque in Nates. Atque hanc membrorum structuram vniuersam coniungit Spina dorsi, quæ vertebri viginti quatuor à capite ad coarum os perpetua serie connexis totum corpus sustinet. His spondylis extrà costæ ligamentis & nervis cohærent: intus medulla spinalis à cerebro orta continetur.

CAP.

CAP. IX. De Corde, & Pulmone.

INterna, superiora ab inferioribus diaphragmate diuiduntur, in illa regione vbi pectori venter coniungitur. Est autem diaphragma, panniculus qui carne, neruis & membranis compactus à dorso ad pectus protenditur. Suprà, cor situm est cum pulmone. Cor substantiæ est carneæ peculiaris, figura conoidali incurua, basique gibbosa, pendet ad sinistrum latus pectoris, thalamo nerueo inclusum. Sinus duos habet, priorem dextrum, qui sanguinem ab epate transmissum accipit, & partim ipso nutritur, partim ad sinistrum sinum dirigit: alterum sinistrum, dextro illustrioré, quo sanguinem à dextro allatum in spiritus vitales transmutat, & aëre per asperam arteriam attracto, per arteriamque venosam à pulmonibus administrato refrigeratur. Ad dextrum latus cordi pulmo adiacet, qui tracheam, qua aër introducitur, excipit, substantiæ mollis & fungosæ, quo dilatari contrahi queat.

CAP. IO. De Ventriculo, Epate, & Intestinis.

SVb diaphragmate culina est animalis, pluribus condita membris; ventriculo nempè, intestinis, epate, splene, & renibus. Ventriculus æsophago vel gulæ per diaphragma tendenti succedit teres & oblongus, carneus & nerueus, ad dextram situs: orificia habet duo, alterum quo stomachus excipitur, alterum quo nutrimentum ad intestina egeritur. Vicina sunt ventriculo intestina superiora tria, Duodenum, Ieiunum & Ileos, quorum hæc duo spiris multis inuicem inuoluuntur: ex Ileo meatus duplices sunt; alij ad iecur tendunt, alij ad intestina crassiora, quæ sunt Cæcum (quod tamen in homine aut nullum aut minimum est) Colon, & Rectum. Ventriculo ad dextram adhæret Epar substantia cum pulmonibus persimili, crassiore tamen & spissiore venis plurimis intertextis: forma lunari: in eius medio vesica est, quæ fel excipit. Splen altera parte dorso alligatur, altera ventriculum ad sinistram amplectitur, substantiæ crassæ & impuræ: sub ipso & epate Renes vtrinque lumbis cohererent,

rent, densæ & compactioris substantiæ : à quibus Vrinarij canales exorti ad Vescicam ex nerueis panniculis formatam, & in infima ventri regione sitam, vergunt.

CAP. XI. *De Brachijs.*

POrro prominentes partes, quæ à corpore velut annexæ propendent, brachia sunt & pedes. nisi quòd bestijs loco brachiorum vel alæ sunt, vel item pedes. Brachium generali nomine intelligatur quicquid ab humeris est ad extrema manus : nam propriè est pars illa inter humerum & cubitum : neruis verò & ligamenti cohæret humeris scapulisque. A cubiti iunctura ad manum protenditur Radius. Manus, mens corporis, atque instrumentum mentis, vola constat & digitis. Vola est à *no'pro* seu flexu ad digitos planum carnosum. Digni à se inuicem ita flexuosis iuncturis distincti, atque seriatim sibique aduerso ordine locati sunt, vt mutuo auxilio & officio ad quoduis opus præstandum sint idonei, aptissimique. Quini sunt singulis manibus; Minimus exterior, Annularis, Medius, & Index, quos ex aduerso Pollex respicit, cæteris omnibus solus par in officio & æqualis. Nodis singuli flectuntur binis, pollex vnico.

CAP. XII. *De Pedibus.*

PEs coxæ cavitati insinuatus, à natibus ad plantam tribus partibus porrigitur, femore, crure & planta. Femur dicitur quod inter coxam & genu est, magno osse & multa carne constans. Genu, flexus est medijs pedis; eius pars anterior Patella nominatur, posterior Poples. Crus femori succedit pari longitudine, sed exilius, ossibus binis, Tibia priore, Fibula posteriore formatum : hanc sub poplite Surra circumdat, caro teres & gibba. Infigitur crus Plantæ inter Malleolos geminis ossibus vtrinque eminentes; plantæ partes tres sunt, posterior Calx; anterior Digni itidem quini vt manibus, sed breuiiores; inferior denique Planum pedis cui insistitur.

CAP.

CAP. XIII. De Avibus.

ERgo absolutis partibus, genera tradenda sunt. Animalia in vniuersum sanguinea sunt & ex sanguine. Sanguinea quæ sanguine sunt prædita vel simplicis vitæ sunt, vel amphibia: simplicis vitæ vel solum in aëre viuunt vel tantum in aqua. Aerea in aere degunt ambulāntque, neque sine aëre vitam producere possunt: ipsorum terra sustentaculum est, qua vel ad quiescendum vel se sustentandum vtuntur: atq; ita vtroque elemento necessario opus habent. Rursum ex aëreis alia volucra sunt, alia gradientia. Volucra quod in aëre volent, dictæ sunt Aues, animal bipes pennatum, substantiæ calidæ & siccæ, agile & leue. Partes præter illas quæ illi cum homine sunt communes, peculiare habet, pro ore Rostrum aduncum, vt miluus, accipiter, psittacus, aquila: rectum, vt coruus, ciconia: aut latum, vt anser, acutumve, vt picus, carduelis. Collum arcum, vt Cornix, oblongum porrectumque, vt ciconia, grus. Alas loco brachiorum plumis confectas maiorib. & robustiorib. Pedes item binos singulos in quaternos vngues quibus fidunt diuisos: vngues quibusdam membrana coniunguntur, vocanturque planipedes, vt anser, anas, sunt & Apodes in India, depedes dictæ. Caudam præterea habent, recta eminentem, vt accipiter, merula; incuruam seu falcatam vt gallus gallinaceus, vel erectam vt struthio. Alarum caudæque velo vtuntur ad volatum; sunt tamen nonnullæ quæ vix à terra se attollant, vt pavo, gallinæ, anseres. Ambulant interdum gradatim aut saltatim.

CAP. XIII. De Homine.

QUæ humi gradiuntur, ambulant, vt homo & quadrupedes; vel reptant vt Reptilia. Homo formæ est pulcherrimæ atq; absolutissimæ: solus enim omnium viuentium faciem sursum respicientem gerit: voluit namque rerum opifex aliquem existare qui voluptatibus ac terrenis quibuscunque despectis, superna quæreretur atque saperetur: Ideo

Pronam cum spectent animalia cætera terram,

Os homini sublime dedit, cælumq; videre

Iussit, & erectos ad sidera tollere vultus.

Membra

Membra optimè disposita habet, summâque prudentia ordinata: qua etiam forma non leue conditoris miraculum cernere licet, quòd eiusdem vniûsque, delineationis tanta varietas emineat, vt vix duo sibi similes reperiantur: adeòque vt apud Persium est Satyra quinta sint

Mille hominum species.

Porro alij speciosi sunt, quorum membra apta proportionè sibi respondent: ac color ex sanguineo & lacteo mixtus est, vt Absalom, Ioseph, Rebecca, Hester, Lucretia, Helena: alij ex aduerso deformes; vt Theristes, Æsopus. Sunt deinde alij grandi robustoque corpore, vt Nemroth, Samson, Saul, Ajax, Mezentius, Diana, gigantes: alij exili & debili, vt pygmæi, &

Qualia nunc hominum producit corpora tellus.

CAPVT XV. De quadrupedibus.

Quadrupes animal est substantiæ inter aëream & aqueam mediæ cum terrena crassi participantis, pilis obductum, quaternis pedibus incedens. vt Leo, pardus, capra, canis. Cornuta multa sunt, vt bos, ceruus, aries, Alia auriculis grandibus, vt elephans, asinus, lepus: alia exiguis, vt camelus, felis. Brachiorum vice pedes priores habent, quibus vt posterioribus ad gradum fulciendum vtuntur. Cauda nonnullis proluxior est, vt boui, leoni, vulpeculæ, sciuro; breuior alijs, vt simiæ, ceruo. Crura nervosa, non carnosâ. Planta pedis vel multifida est, vt cani, vrsô, lupo; vel bisulca, vt damæ, ceruo & cornutis plerunq;: vel deniq; solidipeda, vt mulo & equo. Cæterum pilosa omninò sunt, præter pauca ouum gignentia, quæ vel cute integuntur, vt lacterti; vt cortice, vt testudo, si tamen inter quadrupedia numerari debent. Ex morum & ingenij diuersitate in differentias præterea alias distinguuntur: sunt namq; alia cicura, alia fera: cicura vel domestica, canis; vel ruralia, vt armeta, velut equi, boues, cameli, elephantes, asini: & greges ouium, suum, caprarum. Ferarum aliæ truces sunt, aliæ timidæ, omnes verò syluestres, vt in Venatione Adonis describuntur:

Hortaturq; canes, tutaq; animalia prædæ.

*Aut pronos lepores, aut colsum in cornua ceruam,
Aut agitat damas : à feris abstinet apris,
Raptioresq; lupos, armatosq; vnguibus vrsos
Visas & armenti saturatos cæde leones.*

Tametsi hæc distinctio auibus quoque conueniat: domesticæ nam sunt gallinæ, pauones ; reliquæ feræ.

CAP. XVI. De Reptilibus.

Reptile animal est terræ ac frigidæ naturæ, corpore toto tereti, ac vno tramite à capite ad caudæ extremum porrecto: vt serpens. Brachijs, pedibûsque caret, alis item: præter Indicos quosdam & Africanos: scribitque Gellius in Africa primo bello Punico serpentem ab Attilio Regulo repertum, diûq; oppugnatum, centum amplius pedes longum. Sunt vero alij terrestres alij aquatiles, plurimis generibus inuicem discrepantes.

CAP. XVII. De Piscibus.

Esimplicis vitæ animalibus supersunt quæ in sola aqua viuunt, vt pisces. Est autem Piscis animal aqueæ & frigide substantiæ, corpore oblongo, cute squammata, ac tantum in aqua viuens, vt murena, tencha, truta, salmo, fundulus. Vt verò cum reptilibus huic generi in nonnullis conuenit, ita cum cæteris corporis membrorumq; figura multum discrepat. Corpus illud oblongum alijs latum est, vt cypri-
no carpioni: alijs teres, vt anguillæ, vnde Iuuenali dicitur

Longæ cognata colubræ. —

Collo carent, pectûsque caput excipit, & venter iuxta os positus est: inter caput & pectus branchiæ sunt: os habent rescissum: linguam imperfectam ac indiscretam: iecur ferè bipertitum: lienem exiguum: pulmonem nullum, nisi quibus fistula prominet, vt balenis, delphinis. Sensuum organa præter oculos perspicua nulla: nec spina dorsalis omnibus data: Brachijs postremò pedibûsque destituti ipsorum vice pinnis vtrunque & superius alati sunt: quarum remigatio-
ne & caudæ itidem pinnatæ agitatione motum dirigunt, desunt tamen & istæ congro & anguillæ. Squammis ob-
ducti

ducti alij sunt, vt perca, lupus: alij cute squammeis figuris distincta, vt mustela, gobius. Marinae beluae aëreis multis partibus sunt maiores: sed hebetiores quoque.

CAP. XVIII. *De Amphibijs.*

Amphibium animal est inter aëreum & aqueum ancipitis naturæ, in vtraque sede viuens. Sunt autem partim quadrupedia, vt rana, crocodilus, lutra, taxus, fiber; partim reptilia, vt natrix: partim volucra, vt mergus, vrinatrix, anas. Atque hæc quidem in aqua degunt, cibumq; ex ea petunt; aëre tamen viuunt, & extra aquam plurimum conspiciuntur. Membris corporeis ijs sunt similes, cum quib. motu gressuq; conueniunt; præter Crocodili corium quod est corneum, & fibrum, cui cauda piscium, cætera species lutræ.

CAP. XIX. *De Exsanguibus carnosiss.*

Huiusmodi sunt sanguinea: Exsanguia succedunt, quæ sanguinis sunt expertia; eiusque vice humido quopiam vitali alio constant. Visceribus carent, vicinumque caput aluo est, & huic intestinum. Pedes multi: nam quibus animantibus plures quaternis, sunt exsanguia omnia. Duplicis habentur generis, carnosæ quæ carneæ substantiæ sunt: & insecta: illa prætereà partim mollia, partim corticata. Mollia, quæ cute tantum obducuntur & carnea sunt extrâ, reperiuntur promiscui generis maritima & terrena, vt polypus, sepia, lolligo, nautilus, naupilus; cirros habent vtraque parte quaternos loco brachiorum, quibus cibum venantur, orique admovent. Brachia illa pedesve alijs prolixiores sunt, ventræque arctior, vt polypo; alijs contractiores aluiusque amplior, vt sapiæ, lolligini. Humorem continent peculiarem atro colore, atramentum dictum, quem irritata, metusque percussa effundunt. Corticata deinde sunt quæ cortice muniuntur, vt Crustacea contexta crustis, & Testacea testis conclusa duris. Crustacea multa sunt, in pluribus sibi disparia, vt cancer, locusta, squilla. Testacea quædam testa omnino occultantur, vt ver, tibula, & calli: quædam

quædam caput proferunt, vt turbinata, qualia limaces terrestres, cochleæ marinæ. Cortice duriore & siliceo includuntur ostrea, & quæ eius generis sunt, pectines, conchæ.

CAP. XX. *De Insectis.*

Insecta, postremum animalium genus, vocantur, quòd incisuris corpus distinctum habent. Caro illis est nulla, nec aliud quicquam, præterquam humor fuscus & crassus, membranula inclusus, cui minutissimi cohærent pediculi. Caput suis membris, quantumvis exiguis, manifestis tamen constat; vt naturæ opificium etiam in minimis hisce mirari liceat. Partes corporis tot sunt, quot ab incisuris vertebræ constituuntur, tenui fistula cohærentes. Duo autem insectorum sunt genera, pennata & impennia. Pennata quædam binis constant pennis, vt muscæ, culices, papiliones; quædam quaternis, vt apes, vespæ, cicadæ, scarabei, cantharides, & quorum pennæ tenuiores crustula integuntur. Illis in ore aculeus est tam ad pungendum quàm sugendum: acuminatus simul & concavus: hæc in extremitate alui spiculum gerunt. Impennia sunt quæ humi gradiuntur, pennisq; carent: atque ex his nonnulla ambulant, vel gradatim, vt formicæ, aranæ, centipedes; vel saltatim, quorum pedes postremi longiores foràs inflectuntur, vt locustæ, pulices: nonnulla denique repunt, vt vermes, bruchus, aurelia, crucea, nitedula, tineæ, & scorpio cui soli cauda aculeo armata.

CAP. XXI. *De victu animalium.*

Historiæ animalium pars posterior est de rebus externis, quæ de animantium essentia non sunt, sed tantum ad ipsorum vitam faciunt, vt Victus: quo cibi potusque genere quoduis vtatur; & Locus, de ipsorum habitatione & migrationibus. Sunt ergo generatim quædam carniuora; vt aues ad uncorum vnguium, aquila, miluus, accipiter: quadrupedes feræ, & quæ serratos dentes habent, leo, ursus, lupus, vulpes: pisces quoque seipsos maiores minores deglutiunt, lupus, salmo, mustela, & mollia omnia.

omnia. Quædam frugiuora, aut omniuora sunt, & herbis, fructibus, folijs fruticum, frugibusque vescuntur, vt aues planipedes, columbus, coturnix, luscinia, carduelis; cornigeræ quadrupedes, boues, oues & quæ

Florentem cybifum sequitur lasciuia capella.

Equi item, cameli: serpentes qui tamen ex parte carniuori sunt: sus quoque radicibus delectatur: piscibus horum loco esca est alga, limus, muscus, præsertim saxatilibus: anguille limus: victitat prætereà humore dulci: testaceis cibus sunt conchulæ: insectis plerisque herbæ & similia, maximè dulcia: sunt tamen quæ rore viuant, veluti stelliones, vt putant. Homini primo mundi æuo olera fructusque cibus erant: atque

Arbuseos fætus, montanæque fraga legebat,

Cornæque & in duris horrentia mora ruberis,

Et quæ deciderant patula Iouis arbore glandes.

Barbaræ multæ nationes antequam agriculturam edoctæ essent agrestibus cibus vtebantur, Arcades glandibus. Archiui apris, Athenienses ficu, Tirynthij syluestribus pyris, Indi arundinibus, Carmani palmis, Sauromatæ milio, Persæ terebintho & nasturtio. Postea homini carnes quoque concessæ sunt; quibus etsi suauibus minimè contentus, nihil non nouarum deliciarum excogitat, quod palato inseruiat. Potus auium exiguus est: aduncis etiam nullus aut per rarus: bibunt autem sorbendo. Quadrupedes aliæ bibunt lambendo, vt canes & quibus dentes ferrati: aliæ sorbendo, vt equi, boues, & quæ dentes habent continuos. Vrsus potum morfu sumit: homo sorbet quoque. Est verò potus animantibus omnibus aqua, homini præter aquam vinum.

CAP. XXII. De sede Animalium.

Sedes cuique animantium generi conueniens, præter Saërem communem & aquam, varia est, ac multis singulæ regiones peculiare, vt elephanti India tantum & Africa; & eadem Africa ceruum, aprumque non gignit, vt nec Hibernia serpentes, & Creta nociuum animal vllum. Crocodilum solus Nilus profert, & Niger eiusdem Africæ am-

nis. Caystro flumine gaudent cygni : atque huius generis sexcenta licet inuenire : sic enim pisces eadem ratione alij alijs locis sunt lautiores : vt in Lucrino lacu Campaniæ, unde Martial.

Tu Lucrina voras —————

Suntque aquæ multis piscibus certis locis exitiales, vt aër feris : nam in lacu Lemano anguilla nec gignitur, neque illata viuit. Horum causa est, quod regionis temperies eiusmodi animantibus sit aduersa propter frigus inusitatum caloremve: aut quòd alimenta quæ propria essent, ad vitæ propagationem non proferat: vel ita profert, vt succo nociuo imbuta sint : aut demum, quòd animalia illa ab alijs infestis perimantur. De commigratione idem iudicium est, aëris iniuria compulsa sedem nonnulla statim temporibus gregatim mutare, vt ciconias, grues, palumbes, coturnices: pisces etiam ad Aquilonium mare per Propontidem, Euxinúmque infinita multitudine transmigrare, Basiliius author est. Alia porro sunt quæ hyemis rigorem non ferentes, minimè quidem recedunt, sed sese terræ latibulis occultant, vt vrsi, mures Alpini, & serpentum quidam: limaces terrestres delitescunt testa, quâ patet tegmine obducta : latent item pisces complures, atque conchæ, cuiúmque magna pars suadente naturæ instinctu temporis cedendum esse ; donec redeunte Sole, inuitantèque veris amenitate, tutum sit in apertum prodire.

PHY-

PHYSICORVM
LIBER NONVS DE
ANIMA.

CAP. I. *Quid Anima.*



Natura vitam habentis partes duæ fuerunt cõstitutę, corpus & anima. Pertractato itaq; corpore quod animę organum est, vitę domicilium carinąque sensuum, nunc de altera parte agendum esse ordo postulat. Est autem Anima essentia corporea, quæ corpori organico vegeto vitam sensumq; affert.

CAP. II. *De Anima essentia.*

ANIMÆ substantia corporea est; ob idque mortalis: & quia non immortalis, ided nec incorporea. Hæc verò est eius origo. Progignitur simul vna generatione & corporis & animæ materies, atque vt in communi rerum ortu ex elementorum plurium commistione vnum corpus: & ex multarum materiarum coalescentia vna tantum corporis forma efficitur; ita ex duplici materia corporis & animæ vnum tantum animal aut planta propagatur: & ex materię diuersæ coadunatione vna & simplex animati forma, non dupla: vt nec ex elementorum mistione trigemina exsurgit. Itaque ex hac vtriusque materiæ vnione, coalescente paulatim & augescente corpore, crasis siue temperamentū partim in organa abit, partim in animæ vires. Ita animæ essentia ex sua origine perspicui præcipuè potest: nam & Genesios primo capite, creatur ex elementis, vbi terra iubetur Dei voce Animam viuentem, quadrupedum, reptiliūque producere: & aqua natarile atque volatile Animæ viuentis: & iterum terra herbam, lignūque fructiferum germinare: quibus locis animam è crasi elementari ortam esse perspicuè innuitur. Et in Moyse Leuitici septimo decimo, Animam carnis in sanguine esse, extat; vt & Deuteronomij

L 2 duode-

duodecimo; Hoc solùm caue ne sanguinem comedas: sanguis enim animalum pro anima est, ideò non debes animam comedere cum carnibus: Vt rectè senserit Crytias ex veteribus philosophis, Animam in sanguinis crasi contineri, quod eo effluente ac deficiente, vita, sensusq; collabatur.

CAP. III. *De Vita.*

Potentia vel partes animæ duę sunt, Vita & Sensus: illa: stirpibus sola inest, animantibus verò vtraque. Vita est potentia animæ vegetans, qua corpus viget: nam huius virtute cum stirpes tum animantia virent, augescunt, fructus foetusque progignunt. De ea considerantur duo, facultates & ætates. Facultates sunt de ortu cuius est Generatio; & incremento; cuius Accretio & Nutritio.

CAP. IIII. *De Generatione.*

Quæ vita sunt prædita, voluit natura certa lege alterum ab altero perpetua successione propagari. Est ergo Generatio facultas qua corpus vegetum ex apto semine ad suę speciei similitudinem nascitur; vt homo ex homine, bos à boue, pyrus à pyro. Oriuntur porrò multę herbę, atque bestiolę, præsertim ex sanguine à terra humida, & conueniente calore temperata; multæ ex putredine: quę licet non à sua specie edantur; tamen ad eandem similitudinem ac naturam accedunt: habentque illud naturalis legis proprium, vt species eadem ad suę speciei conseruationem à nulla specie, ex competente tamen semine proueniant: vt herbę syluestres, mulsę, scorpius, & quę sunt similia. Sponte itaque gignuntur non à suo genere, sed à semine ex imbre, & putredine à natura fabricato.

CAP. V. *De similitudine prolis cum parentibus.*

Causę similitudinis qua foetus & naturam & imaginem parentum, aliorum etiam quandoque referunt, duę sunt,

sunt, semen & imaginatio in conceptu. Per semen mores, & actiones, tum sermo idem in liberos deriuat; quin etiam morbi nonnulli: nam à calculosis parentibus aut comitialibus progeniti, iisdem ferè morbis subiecti sunt. De dissimilitudine morum Iuuenalis satyra 8. in hunc modum:

Malo pater tibi sis Thersites, dummodo tu sis

Aeacida similis, Vulcaniaq; arma capeffas,

Quàm te Thersite similem producat Achilles.

Surculi pariter eiusdem saporis ac magnitudinis fructus edunt, vt plantę illę à quibus præcisi fuerunt. Mirum verò quantum imaginatio valeat quę parentibus in conceptu animo obuersatur; vt illud Quintiliani ostendit, quod Hieronymus in Quæstionibus hebraicis repetit de muliere quę sola imaginationis vi æthiopem peperit, cùm ipsa & maritus candidi essent, ac propterea in iudicium ob adulterij suspicionem vocata fuerat. Memorabilis est quoque Patriarchę Iacob ille diuinę benedictioni gratus dolus, quo in canalibus ouium virgas varicolores sparserat, vt dum oues conciperent, ac varietatem intuerentur, ex imaginatione prolem maculoso vellere propagarent. Itaq; vt semen quod è toto corpore prouenit naturam induit parentum, eamque in id quod procreatur transfundit: ita imaginatio fortis semen ad suam ideam in matrice effingit formâtque. Neque verò solùm in conceptu, sed etiam dum proles iam formata in vtero gestatur, vim suam imaginatio illa exercet: quum concupiti, si eo priuentur, grauidę mulierēs maculam genitiuis notis corpori infantis imprimant: tantum valet desiderium & fortior imaginatio. Hoc modo Laodice Antiochi uxor prægnans per quietem annulum ab Apolline anchora insignitum accepisse sibi visa, Seleucum multis postea præclarè gestis celebrem cum iisdem in fœmore insignijs est enixa: ac deinceps filij nepotésque eius anchoram in fœmore, velut notam generis naturalem habuere.

CAP. VI. De Sexu.

Sexus quo animalium species ferè distinguuntur, duplex est, mas & fœmina: in gressilibus discrimen manifestum

nifestum est: in insectis, corticatisque non item. Mari natura est calidior, foemellæ humidior; vnde ille robustior atque animosior; hæc imbecillior & ad affectus pronior. Mas vocem habet gracilem ac validam; foemina exilem tenuemque. Discrimen sexus genuinum sunt genitalia & interior vterus, foeminæque laxiores mamillæ. Bestijs quibusdam aliæ insuper sunt differentia; vt ceruo cornua, ceruæ nulla. Differunt communi modo taurus & vacca: hircus & capra, aries ouisque, gallus gallinaceus & gallina. Auium sexus multum colore prætereà distinguitur. Sunt denique mares plerunque foeminis corpore grandiore.

CAP. VII. *De propagatione stirpium.*

Modus generationis suus cuique viuientium generi peculiaris est. Stirpes pluribus modis proueniunt: primum semine, vt triticum, cepe, linum, quercus, nux & pleraque: semine prius putrefacto, moxque radices in terram agente: atque stolonem vel caudicem foras producente: deinde insitione radicis; vt lilium: habent huiusmodi radices vim seminis in sese: & cum humidum nutritione aptum hauserint, herbas florésque proferunt: vel insitione surculi, vt rosa, vitis, salix; cum extrema surculi pars in radices transit, alimentumque attractum suppeditat: prætereà intrusione surculi inter lignum corticemque alijs trunci, vt malus, pyrus: dum surculi materies sese temporis processu in lignum trunci insinuat, postremò omnibus modis, vt olea cerasus.

CAP. VIII. *De generatione animalium.*

Animalium quædam in vtero formantur, quædam in ouis: illa à viuiparis quæ viuum animal gignunt, hæc ab ouiparis ouum parientibus. Animalia in vtero gignuntur homo; quadrupedes sanguine præditi, & inter pisces balena, delphinus, cæte. Hominis generatio sit hoc ordine. Primum semen maris & foeminæ permixtum tenui membranula obducitur: inde à septimo die
epar.

epar, cor, & cerebrum formantur : tum vsque ad quadragessimum quintum circiter diem corpus vniuersum paulatim formatur & membra distinguuntur : tertio à conceptu mense moueri incipit, & nono demum vt plurimum, editur : ac secundum naturam septimo editi viuant licet, octauo non item : nam foetus ex motu in alteram partem vteri, qui initio fit mensis octauui, imbecillis factus & tenerior partus dolores non fert: nonnulli mense decimo in lucem prodeunt, maximè foemellæ : vnde illud Virgilij

Matri longa decem vulerant fastidia menses.

Cuius rei causa ad humani partus tempus priscis annum spatium demensum fuit. Sic enim Ouidius primo Fastorum de Romulo narrat.

Quod satis est vtero matris dum prodeat infans

Hoc anno statuit temporis esse satis.

Et apud Homerum puellæ à Neptuno proles anno elapso promittitur. Ad hunc modum formatio foetus de cæteris viuiparis intelligatur, licet tempus ferendi vteri sit inæquale. Quæ ex ouo generantur sunt quadrupedum quidam, vt crocodilus, lacerti : Aues ac pisces omnes, & insecta partim : velut formicæ. Ouum in vtero formatur ex semine. Aues enixæ ouis incubant, atque incubitu cùm calorem natiuum fouent, tùm colorem vitalem virtute genituali infundunt : qui calor humidum cui in animal ad superiorem modum effingit, quod perfectum demum o-uo excluditur. Maxima pars foemina mäsque alternatim incubant. Oua piscium obseruatum est non omnia animal proferre, sed ea tantummodo quæ edita masculi semen genitale aspersum contigerit, quæ sola foecunda sunt. Quadrupedes multifidæ, & aues, piscésque, plures foetus vno partu edunt; solipedes & bisulcæ vnicum tantum; & quandoque bina,

CAP. IX. De Nutritione.

Incrementi sunt modus crescendi & vis. Modus dicitur Nutritio, quæ est vis animæ vegetantis, quæ alimentum

tum congruum ad corporis sustentationem transmutat. Eius quatuor sunt facultates; Attrahens, quæ alimentum suscipit: Retinens, quæ concoquit, Alterans, quæ puriorem partem cibi digesti in corporis substantiam inuat, & Expellens, qua reliqua pars crassior egeritur. Ergo acceptum ore cibum ac dentibus comminutum, stomachus in ventriculum deducit, vbi in chylum conuersus atque per duodenum ieiunumque transmissus separatur & transcolatur: nam fecibus ad intestina inferiora demissis, pars purior ad epar venis mesaraicis deducta vertitur in sanguinem non purum sed alijs humoribus infectum: quibus statim segregatis, emissæ nempe magna ex parte cholera ad fel, melancholia ad splenem, ac phlegmate aquoso per renes in vesicam, sincerior sanguis omnis vena caua exceptus in totum corpus per venarum ramos sursum deorsumque tendentes spargitur; præter riuulum exiguum qui ad cor pulmonesque defertur, quod & ipsa alantur, & spiritus vitales in sinistro cordis thalamo generentur. Atque hic est digestionis ordo, quo cibus primum à ventriculo in chylum liquatur; deinde ab epate in sanguinem: ac postremò à singulis membris in sui naturam & formam. Famis porro hæc est causa. Cum membra propter calorem natium, humida depascentem ad vitæ conseruationem continuo alimento indigeant, nisi administretur, venas exsurgunt, ex quo ventriculus corrugatus atque atræ bilis simul affluentis dolore vexatus, famem, sitimue excitat. Plantis membra nutritionis nulla sunt: nam alimentum à radicibus attractum per truncum ad ramos ascendit; est tamen humidum copiosum inter lignum & corticem. Ceterum nutrimentum corporis genuinum, humidum est calidum & pingue, quale in animantibus sanguis est; in plantis & exsanguibus simile quippiam. Causa vero mutationis alimenti in essentiam membrorum, calor est: ex hisque duobus humido radicali & calore vitali, alente altero, altero fouente vita omnium constat. Axiomata de nutritione sunt illa: primum, Omnia iisdem aluntur quibus constant: vnde cum omnia humido nutriantur, theologi pagani antiquissimi Oceanum Thetynque, id est, aquam omnium parentem

parentem cecinerunt : alterum, Nutrimentum ei quod alitur sit contrarium.

CAP. X. De Accretione.

VIs crescendi dicitur Augmentatio siue Accretio : quæ est facultas animæ vegetantis, qua corpus ad iustam magnitudinem excrescit. Vitæ hæc est ratio, vt nutrimenti non solum id capiat, quod ad suam conseruationem sufficit, sed etiam appetat quantum corpori augmentando necessarium est. Duplex est accretio : prior qua corpus in omnes dimensiones crescit, vsque ad vigorem ætatis, ἀκμὴν : qui homini statuitur annus vicesimus quintus : huiusque incrementi lex est vt omnia membra totumque corpus apta proportionem augeat : vt cum trunco simul & radices & rami ; cum carne ossa, corium, caput, cornua, pedesque in boue. Tradunt hominis futuram proceritatem in trimatu deprehendi, si ex altitudini quæ tum puero est duplum addatur. Altera accretio imperfecta est, cum à termino vigoris calore languescit corpus in latum tantummodo augeatur. Accretioni contrarium est Diminutio cum corpori flaccescente vi naturali ex defectu caloris de sua magnitudine decedit. huius rara exempla in rerum natura sunt, aut nulla ; nisi quis pyra aut poma cum diutius asseruantur marcescentia, aut homines ex diutina ægrotatione tabescentes diminui in hunc modum, asserere velit.

CAP. XI. De Iuuentute & Senectute.

Altera pars eorum quæ ad vitam spectant, est de Ætatibus ; quæ tres sunt, iuuentus, virilitas, & senectus. Iuuentus est ab ortu ad ἀκμὴν ; abundat & humore & calore : calorque tum maximè feruet, vnde ardor iuuenilis & feruor affectuum in præceps ruens, sanamque mentem præcurrens. Talis in Ascanio describitur, quarto Æneid.

*At puer Ascanius medijs in vallibus acri
Gaudet equo : iamque hos cursu, iam præterit illos,
Spumantemque dari pecora inter inertia votis
Opas aprum, & fuluum descendere monte leonem.*

Et

Et libro octauo. *mihi mens iuuenili ardebat amore.*

De Gya quoque libro quinto.

Tum verò exarsit iuueni dolor ossibus ingens.

Nec lachrymis caruere genæ, segnemque Menetem

Oblitus decorisque sui, sociumque salutis

In mare præcipitem puppi derubet ab alta.

Virilitas est vigoris constantia & robur: ab ætate ad senectutem perdurans, moderatè calida & humida; rebus gerendis ac virtuti exercendæ idonea: in hac ætate corpus se extendit & crescit in latum, motus animi sedantur, postquam feruores efferbuerunt, affectusque subacti sunt & decocti. Ouidius quintodecimo Metamorph.

Posito feruore iuuentæ

Maturus, mixtusque inter iuuenemque, senemque

Temperie medius.

Horatius quoque de Arte in hunc modum,

Conuersis studijs ætas, animusque, virilis

Querit opes, & amicitias, inseruit honori.

Commisisse canes, quod mox mutare labores.

Senectus est vigoris naturalis diminutio, cum languescit calor, humôrque arefcit. Atque in his ætatum gradibus prouida naturæ lex depræhenditur, qua vetusta nouis cedere voluit, nouæque antiquis succedere, ne ad immensam infinitatem omnia augerentur; nè quicquam temporis successu deficeret: & vetera quidem eo ordine consumerentur, vt nihil ex abrupto interiret, sed paulatim vt ad naturalem habitum, atque perfectionem peruenisset, ita decederet. Vigor ergo vt primùm feruidus est, deinde plenus; sic postremò languidus sensim ad corruptionem tendit. Ouid. eodem loco.

Tempus edax rerum, atque inuidiosa vetustas

Omnia conficit: vitæque dentibus æui

Paulatim lenta consumit omnia mors.

Hinc sensus gressusque debilis, vires exiguæ, memoria minimè tenax, caliditas propè nulla: affectus verò sedati, maturæ deliberatio, & multa experientia, vnde senes prudētes: omnia tamen pro ætate variant; nam cum calor omnino refrigit,

refrigit, velut in extremo senio, prudentia in delirium definit. Debilitatis exemplum est Entellus apud Virgilium 5. Æneid.

Non laudis amor, nec gloria crescit.

Pulsa metu: sed enim gelidus tardante senecta

Sanguis hebet, frigentque effata in corpore vires.

Sic Ælianus Platonem ab Aristotele oppugnatum scribit, cum iam memoria amplius minimè valeret: sic David regi puella quæsitæ, quæ eius corpus effœtum ac frigidum calore foueret. Huc pertinent exempla Milonis Crotoniata, & Helenæ apud Ovid. 15.

Subruit hæc æni demoliturque prioris

Robora, fletque Milon senior cum spectat inanes

Illos qui fuerant solidarum morte ferarum

Herculeis similes, fluidos pendere lacertos:

Flet quoque, ut in speculo rugas conspexit aniles

Tyndaris, & secum, cur sit bis rapta requirit.

Et Nestoris apud Homerum Iliados penultimo, & Ovi. 12.

O facunde senex, æni prudentia nostri,

Tum senior, Quamvis obftet mihi tarda vetustas

Multaque me fugiant primis spectata sub annis.

Senectutem ad extremum Mors terminat, quæ est interitus omnium quæcunque vita prædita sunt; cum naturali consumpto humido calor viuificus extinguitur. In homine etiam mens incorporea tum à corpore separatur, dolore tantò acerbiorè quantò animi corporisque unio arctior est.

CAP. XII. De longitudine & breuitate vitæ.

QUOD viuentium quædam vitæ sint longioris, quædam breuioris, causæ sunt & internæ & externæ. Prima est constitutio corporis, seu ut vocant, complexio: Melancholica & cholericæ potius decurrat: sanguinea optima & commodissima est longæuitati, si nempe primò calor humidumque correspondente proportionè & inuicem misceantur, & frigidum siccumque exsuperent: deinde si calor tenuis ac temperatus sit, humidumque aërem pingue nec crassum: sic enim calori viuifico alimentum

NON

non deficit, nec humidum calorem opprimit aut extinguit. Est & alia prorogandæ vitæ causa interior, moderatio affectuû, si animus curis, vigilijs intempestiuis, somno nimio, crapula, libidine aut ira perturbari non permittatur: nam perturbationes illas corpus eneruare, cor exedere, cerebrum fatigare, plurimûmque vitæ longitudini obesse cùm alia ostendunt, tùm matura illorum canities quibus multa sollicitudo & grauiâ negotia incumbunt. Exterior est cœlum & regionis temperies: nam pluribus locis senes perrari conspiciuntur, alijs frequentes: vt de Italia tradit Plinius. Stirpes quęcunque longo æuo durant naturâ tarda crescunt: & animalia viuaciora tardius pariunt: maius enim tempus ad fœtûs in vtero perfectionem requirunt. Est quoque quibus vita longior datur, corpus grandius ac nervosius. Terminus vitę humanę statutus à Deo erat post Diluuium, centum viginti annorum: restrictus est postea ad septuaginta: atque Psaltes quicquid præterea restat, dolorem esse & laborem. Anticipari potest terminus: prolongari minimè: nam multi immatura morte decedunt ex crapula, bello, peste.

CAP. XIII. *De Sensu & Respiratione.*

Altera animæ facultas Sensus succedit: qui est potentia animæ qua corpus animatum sentit. Vitę sensuûmque in animalibus fons & dominus est Cor. est enim officina spirituum vitalium à quibus sensuum vigor omnis promanat. Inest autem cordi tantus calor, vt nisi subinde aere recenti refocillaretur, suffocaretur statim: quare ad vitę conuersationem natura Respirationem requirit, quę sit attractione aeris per asperam arteriam in pulmones; qui ibi attenuatus atque ad cor transmissus, quò refrigeretur, per aspirationem rursus emittitur. Carent verò multa animalia pulmone, quę non respirant, sed aerem per poros admittunt, vt insecta: nam oleo perfusa, quòd meatus obstruit suffocantur. Pisces non respirant præter delphinum, vitulum marinum & balenam quibus est pulmo: ceteri autem eius loco aquam branchijs admittunt, emittuntque. Sensus por-
rò

rò operationes sunt vel exteriores, vt Sensus propriè sic dicti, & Motus, vel interiores. Exteriores sunt qui res externas animæ intro offerunt, interpretes rerum & nuncij appellati. Obiectum quibusque proprium est, sed non nisi cum materia coniunctum. Medium inter obiectum sensumque intercedit aer, aqua & caro exterior. Sensibus præterea organa quibuslibet sunt peculiariora: & qui ea mouet, spiritus vitalis est.

CAP. XIII. De Visu.

Sensus externi alij obiectum ex longinquo percipiunt, vt Visus, Auditus, & Odoratus: alij ex contactu, vt Gustus & Tactus. Visus est sentiens facultas qua corporis obiecti color & magnitudo conspicitur. Medium est aer & perspicuum quodcunque, quod Sole aut lumine illuminatum sit necesse est ad videndum opaca: lucida, obscurum licet: colores enim non cernuntur nisi interdiu aut ad lumen: faces verò longinquæ & stellæ per aerem non illustratum noctu per se apparent. Instrumentum visus sunt bini oculi: res verò ipsæ obiectæ ad hunc modum conspiciuntur. Vis visoria crystallino humore comprehensa radios foras emittit ad obiectum obuium pertinentes, hi radios alios ab obiecto quolibet excurrentes excipiunt & ad oculos referunt: tumque species illa obiecta in pupilla (virtute ac natura crystallini humoris) velut in speculo relucens per nervos visorios ad sensus communis sedem quæ in cerebro est, defertur: atque quamprimum imago externa siue obiecta in pupilla refulget, sensusque communis interior sentit, dicitur anima videre. Radij visuales figuram constituunt pyramidalem, cuius basis obiectum corpus comprehendit, conus in oculo est: Quoque angulus coni acutior est, eò res minor apparet: quò obtusior, hoc maior: vnde fit, vt corpora cominus maiora videantur, quam eminus, vt hic vides, vbi ex A loco, arbor maior apparebit, propter angulum laxiorem, quàm ex B:

Spatium



Spatium requiritur conueniens inter oculum & obiectum : nam si minus sit, radij confunduntur ; sin longius, euanescent priusquam speciem vllam apprehendant, referantque nihil. Corpus omne radios ex sese emittere, argumento est speculum, quod radios illos corporum excipit, colligit ac imaginem refert: radios quoque ex oculis proflire indicant perspicilia illorum quibus visus brevis est, paulúmque remota non valent conspicerere: nam admota oculis radios visuales debiles exceptos firmant, deducúntque vltcrius. Sed alia ratio est eorum quibus senes vtuntur, nam ipsis ob membranas oculorum incrassescences, radij confusi res subtiles ac minutas discernere nequeunt, nisi intercedente medio crassiore, quo radij rei visæ dilatentur; ob idque vitro etiam communi ad legendum vtuntur: atque eodem modo quæcunque sub aqua videntur, maiora apparent, quàm reuera sint. Visus animantibus communis est omnibus, præterquam paucis, talpæ, formicæ, limaci qui oculis carent, eorúmque vice corniculis viam prætentant. Auibus propter pertenuem oculorum ac copiosum humorem visus acutior est; acumen etiam præ cæteris excellens lyncei, & offifragæ marinæ.

CAP. XV. De Auditu.

Auditus est sentiens facultas, qua sonus percipitur. Fit cum sonus à corporum collisu aut animalium voce editus, in aures delatus, ossiculum malleolo simile mouet, cuius commotione ossiculum alterum simile incudi percussum, spiritus audituios excitat, qui sonum per neruos sensorios ad sensum communem traducunt.

CAP.

CAP. XVI. *De Odoratu.*

Odoratus est sentiens facultas odoribus depræhendentis apta: excipiuntur primùm naribus, inde per os co-latorium transmissi cerebrum feriunt; sensûque communi discernuntur: est enim cerebrum odoribus obuium, vnde ijs facile si foetidi aut graues sint offenditur. Olfactus eo acrior est, quo cerebrum siccus: nam in humido abundantiore odor perit: & hinc est quòd canes sagacitate multum præstant, quod cerebrum habeant siccum venationibûsque sânt aptissimi: vnde secundû Claudianum, secundo Raptûs.

Delia Parthenium canibus scrutatur odoris.

Medium est aër: extant tamen nonnulla experimenta, quæ pisces in aquis odorari ostendunt.

CAP. XVII. *De Gustu.*

Gustus est sentiens facultas, qua sapores percipiuntur, Organum quo dignoscuntur pellicula est sub porosa carne linguæ & ea qua palatum obducitur; ea contacta nanque nerui sensorij mouentur. Medium est caro linguæ & palati saliuoso humore perfusa: qui si purus sit, gustus acrior est: hinc ieiunis quibus nondum infectus est sensus guttatis discernendis saporibus aptissimus est. Piscibus perexiguum esse conijcitur, tûm quod linguam obscuram habeant, tûm quod rebus inspidis victitent, & escas integras deglutiant.

CAP. XVIII. *De Tactu.*

Tactus est sentiens facultas, qualitates primas & secundas tractabiles percipiens. Sensus hic item pellicula neruea per totam corporis superficiem distenta continetur & viget: eaque commota, nerui mouentur, vnâ cum ipsorum origine, quæ est spinalis medulla atque cerebrum. Medium est cutis & caro pelliculæ illi adhærens. Tactus commodissimus omnium est sensuum, ac sine eo nec animal sentire dicitur.

CAP.

CAP. XIX. De motu locali.

Sensitiuæ animæ operatio exterior est Motus quoque: Sfacultas videlicet, qua corpus ex vno loco in alium, aut membrum in quamuis partem ad imaginationis dispositionem mouetur. Motus corporis vniuersi species sunt quatuor: Gressus cum animal pedibus incedit; vt homo & quadrupedes: Volatus cum alis è solo sublatum per aerem fertur, vt volucres: Natatio cum pinnis aquæ innatat, vt pisces: Reptatio cum corporis constrictione & dilatione super terram promouetur, vt reptilia. Membrorum singularis motus est sursum, deorsum: dextrorsum, sinistrorsum; in partem anteriorem & posteriorem: cum brachium, pedemue mouemus, aut annuimus capite. Est verò motus naturalis hic ordo: Imaginatione ab obiecto exteriori per sensus commota, vt vel ad bonum feratur, vel malum euitet, cerebrum statim spiritu vitali neruos vibrat & musculos: inde chorda iuncturarum seu *τῶν* cietur qui membrum quodlibet aut corpus totum mouet: sic lupo visa oue, cibum ratus, à spiritu imaginationis impellitur, accurrítque, sic apud Virg.

*Ostendit dextram insurgens Entellus, & altè
Extulit, ille ictum venientem à vertice velox
Prenidit, celerique elapsus corpore cessit.*

Vbi Dares ictum vibratum conspicatus, malum imminens præcauendum iudicans, ac spiritu neruos musculósque ciens, seipsum amouit. Animalium velocissimum censetur Delphinus, quippe qui tela emissa præcurrat. Immota sunt marina nonnulla saxi affixa, aut limo, vt spongia, vrtica, conchæ, ostrea & similia.

CAP. XX. De Voce Animalium.

Motui sensibúisque succedit tractatio de Voce & Ser-mone. Est autem vox sonus per spiritum à pulmone ad dentes propulsum, & in palato collisum editus. Quæ enim animalia pulmone, collo & lingua carent, vocem non edunt, vt pisces, præter delphinum qui gemitus exprimit. Vox ergo tantò perfectior est, quantò animal quod emittit perfectius:

perfectius: unde ex sanguine quæ à perfectione absunt plurimum, aphona sunt: extant tamen quæ sibilum cient, ut muscæ, apes, cicadæ, & huiusmodi, in quibus aer conceptus & fistula qua totum corpus coheret emissus lingulam stridulam feriens bombum illum procreat. Vox secundum quantitatem est vel grandis, quæ plerunque grauis est; ut Stentoris apud Homerum, leonis, tauri: vel exigua, ut puerorum, mulierum, & est acuta: vel mediocris ut virorum magna ex parte. Secundum qualitatem est vel canora & plena, quæ vitio caret: ut auium propemodum omnium; vel exilis & fusca, ut leprosum, & qualis manium apud inferos à Virgilio fingitur sexto Æneid.

— Pars tollere vocem

Exiguam, inceptus clamor frustatur hiantes.

Est etiam clara ut merula, alaudæ, aut stridula siue tremula, ut caprarum, cicadæ: Aspera ut corui; aut flexilis, ut luscinie. Homo non solum perfectissimam sed articulatam etiam profert, quæ Sermo dicitur: eò longè illustriore magisque miranda ratione, quòd formatis, gutture vocalibus, labris atque lingua consonantibus, cum affectus & opinionum, tum mentis voluntatem explicare queat.

CAP. XXI. De Somno.

Operationum itaque sensus exteriorum vigor dum suo officio funguntur, eiusmodi est: sequitur quies quæ dicitur Somnus, cum Sopiti quiescunt: sic enim à natura constitutum fuit, ut externæ operationes alterna vice & vigerent & quiescerent, ne cerebrum nouarum subinde idearum superuentu fatigatum ad amentiam ageretur, & corpus motu continuo fractum succumberet; ut rectè Quid. 4. Epist. concludit,

Quod caret alterna requie, durabile non est.

Somnus ergo est quies virtutis sensuum externorum: sic verò apud eundem describitur, vndecimo Metamorph.

Somme quies rerum, placidissime Somne deorum,

Pax animi, quem cura fugit, qui corpora duris

Fessa ministris mulces, reparasq; labori.

M

Oritur

Oritur ex ciborum halitu cerebrum irrigante: nam ventriculo cibos ingestos concoquente, halitus lenes ad cerebrum ascendunt, qui eius frigiditate liquefacti ad nervorum meatus diffluunt, ipsosque obstruunt; ex quo sensuum virtus paulatim consopitur ac deficit: nihil enim tum auditur amplius, alijsue sensibus percipitur, cessatque vox, motus localis; & quæcunque nervorum egent ministerio. Friget in somno magis corpus, nam calor omnis ab interioribus membris reuocatur ad concoctionem. Etsi autem somnus propria sit sensuum exteriorum quies, tamen cum illis & sensus Communis interior consopitur: observata nempe glandula quæ est inter anteriorem & mediam partem cerebri: sunt enim sensus interiores à somni impedimento immunes, præterquam Communis, qui nihil agitur nisi exterioribus moveatur. Est autem somnus omnibus animantibus communis, nam & pisces dormire depressum est, ad terram vel lapides procumbentes, sub saxis: etiam aut imis gurgitibus: dormiunt parvè, velut aërea quoque, quibus cerebrum siccus est. Vitulus marinus etiam in littore stertens reperitur. Sunt porro animantia quedam, quæ somnum in multum tempus protrahunt; veris scyurus, mures alpini, per totas hyemes: vrsi hyemis initio per dies quatuordecim continuos; apes sexaginta. Quod nonnulli dormientes noctu in ædibus obambulant, manibus viam prætentent, audiant quin & loquantur, causa est imaginatio fortior, quæ obstructions nervorum dissipat, aperta & amota glandula illa, qua medium cerebrum ventus antè clauditur: sicque commoto impetu, remotum obstaculo membra à nervis moventur, ac sensus vigent: nihil autem horum experrecti reminiscuntur: nam actiones istæ occluso itinere ad memoriæ sedem perungere non poterant. Primus sopor gravissimus est, quod tum halitus è ventriculo affatim ascendunt. Soluitur animal à somno naturaliter, cum diffusi illi halitus à natura absumpti calori in omnes partes penetranti cedunt; eoque nervi ac sensus refocillati primum vigorem recipiunt. Expergiscitur etiam alijs modis, sed importunius; obiecto videlicet excellenti sensuum obstructions rumpente, vt fulgetro, tonitru

tonitru & impulsu vehementiore ; sed eiusmodi horrorem incutiunt, animúmque grauitur turbant : exemplum est septimo Æneid. de Turno à Furia excitato :

*Olli somnum ingens rupis pavor, ossaque & artus
Perfudit toto proruptus corpore sudor.*

CAP. XXII. *De Sensibus interioribus.*

Sensus interiores sequuntur ; qui interioribus organis, cerebro nempe formantur ; nec externo obiecto mouentur, sed interno ab exterioribus allato. Horum alij rerum formas effingunt, vt Sensus communis & imaginatio, alij formatas retinent, vt Memoria. Sedes sua cuique propria est. Comuni pars cerebri anterior, imaginationi media & memoriæ cerebellum. Ideæ igitur omnes quæcunque interioribus his operationibus formantur ; quæque rerum externarum aut nouarum ad ipsarum similitudinem formatarum imagines referunt, opus sunt cerebri, à quo, adminiculo spirituum vitalium effinguntur non secus atque è luto vasa à figulo.

CAP. XXIII. *De Sensu communi.*

Sensus communis est facultas animæ sentientis qua species ab exterioribus sensibus oblata colliguntur atque discernuntur : vt visa pictura, primùm colores colligit vniuersæ picturæ ; mox nigrum à rubro, candidum à flauo, lucidum ab umbroso, magnum à paruo, hominem à boue discernit. simili modo auditis symphonij, voces omnes excipit ; tum acutum & graue, pueri vocem & viri dijudicat. Neque verò vnum tantùm sensum admittit, sed plures simul : vt hircum videt, audit ambulanti, virúsque simul odoratur. Israelitæ buccinas audiunt, & muros Iericho vident corruere eodem temporis momento. Nihil autem propriè percipitur, nisi discretio fiat : nam intenta firmitus anima rem quampiam, multa & audiuntur & videntur, quæ tamen non animaduertuntur : hinc verus dictum, Mens (de sensu communi verò intelligatur) videt, mens audit.

CAP. XXIII. De Imaginatione.

Imaginatio siue Phantasia est facultas animæ sentientis quæ de rerum simulachris à sensu communi appræhensis, cogitationes & æstimationes format. Iuuatur non parum à memoria: nec fermè vlla fit compositio sine rerum præteritarum collatione. Hæc solertia brutorum est & in quibusdam adeo acuta & subtilis, vt multi ob eam rem eis rationem attribuerint: verùm omnium illarum actionum origo, facultas sentiendi est quædam nostra longè exactior quæ eis inest: qua cuique vel suum faciliè dignoscere, vel futurorum euentus quodammodo prænoscere licet. In quam sententiam præclare scripsit Virgilius, non ideo illis rationem tribuendam esse, si futura quandoque prædiuinent, quum illa sagacitas non ex animæ iudicio, sed ex cœli temperie potius & aëris mutatione contingat: Sed hæc eius sunt verba, l. Georg.

*Hand equidem credo, quia sit diuinitus illis,
Ingenium, aut rerum fato prudentia maior.
Verum ubi tempestas & cœli mobilis humor
Mutauere vias & Iuppiter humidus austris,
Densat erant quæ rara modo, & quæ densa relaxas,
Vertuntur species animorum: & pectora motus
Nunc alios, alios dum nubila ventus agebat,
Concipiunt: hinc ille animum concentus in agris
Et lætæ pecudes, & ouantes guttore corui.*

Quòd quædam in actionibus solertia vtantur, naturæ lex est peculiaris insita & insculpta (quemadmodum magneti non æs aut argentum sed ferrum attrahendi) id semper quòd agendum est demonstrans. Est verò hæc causa primaria, Deum omnibus proprium quid indidisse, quo sapientiam sui creatoris testarentur, eiúsque scintillas circumferrent. Atque virtutes illæ licet variæ, ac inter se maximè dissimiles sint, omnes tamen ex vna animæ facultate emanant.

CAP. XXV. De Memoria.

Memoria est sentiens facultas quæ ideas à sensu communi imaginatione formatas conseruat, rursúmque imaginatione

imaginatione repofcenti fuppeditat: vt vifo quis leone imaginationem eius femper retinet, & quæ puer quis didicerit, multo tempore reminifcitur. Vt autem imaginatione non omnes æquè pollent, ita memoria alij felices funt, quibus cerebrum moderatè ficcum; infelices alij, quibus nimis eft humidum: in liquida enim materia imagines minus herent. Memoria aduerfa eft Obliuio, cum omnia ftatim effluunt, nec propter ineptam cerebri constitutionem diu retineri poffunt: fic lupo confpecta efca, fi respexerit, cibi obliuionem fubrepere aiunt, digreffumque quærere alium; laceratam ouis non incubare, quod locum vbi enixa eft obliuifcatur: & Thraces quofdam ad quatuor tantum numerare, quod vltra meminiffe nequeant. Infantibus ob nimiam cerebri humiditatem nulla propè memoria eft. Amittitur morbo quandoque: atque hac ratione Meffala Coruinus etiam fui nominis oblitus eft. Data opera nihil è memoria euelli potef: nec enim quifquam ftudio præteritorum obliuifcitur: ideo Themiftocles cuidam interroganti an memorandi artem vellet difcere, refpondit: fe potius multis muneribus affecturum illum qui quæcunque inuito memoriz inherébant extirparet. Quapropter in condonanda iniuria, non reminifcentia fed affectus animo eft exuendus; nec cordis rancor qui in nofta poteflate eft, memorie brutæ natura excufetur. Iuuatur multum arte, hoc eft difpofitione & ordine rerum: itémque fignis.

CAP. XXV. De Cogitatione.

Officia & operationes imaginationis duæ funt: Cogitatio atque Æftimatio. Cogitatio eft quæ fpecies componit: vt fi columba accipitrem aliam columbam deuorantem viderit, quoties eius à memoria admonetur, eam ideam de nouo componit, ac fi accipitrem coram videret. Huius operationis eft Cognitio fingularium: vt vifo quis leone, alium ftatim ex imaginationis opera cognofcit: fic quid calidum, quid humidum, dulce, amarum fit cognofcere, cogitationis eft ex fimilitudine experientie præteritorum: & hinc fimilium agnitio: qualis illa Andromachæ

ches viso Ascanio; tertio Æneid.

O mihi sola mei super Ætlianactis imago;

Sic oculos, sic ille manus, sic ora ferebat.

Componit præterea species rerum absentium; exemplum in Tarquinio est, qui de viso Lucretiæ gestu hæc secum absens reuoluit, secundo Fastorum.

Sic sedis, sic culta fuit: sic stamina neuit:

Neglecta collo sic iacuerè comæ;

Hos habuit vultus, hæc illi verba fuerunt;

Hic color, hæc facies: hic decor oris eras.

CAP. XXVII. De Æstimatione.

Æstimatio est quæ cogitationibus altius expensis, iudicium adhibet, diciturque Ingenium ac naturalis indoles. Tardi & stupidi ingenij sunt pisces & aquea omnia, perpaucis exceptis: nec quadrupedum & auium vllum sagax & prudens ferè nisi carniuorum: non minor autem ex sanguibus sagacitas est, quàm sanguineis. Munera æstimationis quatuor sunt. Solertia, Notio; Docilitas & Prænotio. Solertiæ exemplum est canis illud apud Basilium, qui cum herum aut feram persequens in diuortium incidere, sagacitate indice feram nec hac neque illac, ergo isthac transisse colligit. Admirabili solertia aues in nidulis compingendis vtuntur: leuem materiem adhibent ad structuram mediam, firmiorem extra & infra qua basis est: hæc omnia luto tanquam glutine coagmentata, intus molli stramento fouendis pullis apto contegunt. Apes præter insignem architecturam, ordinem in opere, leges in regimine, pulcherrimè obseruant: nec verò minore industria formicæ democratiæ: laborant æstate, quo hyeme comedant. Mantuanus in Eclogis.

En formica brevis, sed prouida bestia condit

In brumam noua farra canis ætate latebris,

Næue renascantur, fruges secas ore sepultas.

Ceruus æstate quo tempore pinguescit, latet vt plurimum, quòd propter corpulentiam tardiozem se ad fugam sciat: Canes Ægyptij in Nilo non nisi obiter bibunt, ne morantur

moram trahant à crocodilo latitante vorentur. Iam quantum araneo ingenium in texenda tela? primum à centro quod flocculo signatur, radios in omnes partes ducit, deinde spiras in gyrum radijs annectit, ea seruata proportione, vt propiores iuxta centrum, laxiores sint in extremitate. Polypodi astus in venandis escis hic est; colorem scopuli cui adhæret, induit: sicque adnatantes pisciculos incautos cirris suis implicat ac deuorat.

Sic capram pedicis circumdat aranea muscam.

Notio in agno hæc est, vt licet plurimæ nobis oues vnius gregis colore, odore, & voce similimæ videantur, matrem tamen inter omnes absque vlla difficultate cognoscat. Ceruus à phalangio ictus nouit cancrum commansum aut hæderam syluestrem sibi mederi: sùntque plura animalia quæ morbo infestata herbas salubres & norunt & petunt. nouitque serpens inter alios incantatorem. Gallus gallinaceus horarum interualla metitur, cantúque denuntiat. Dociles porro in primis sunt aues, quæ soluta lingua ad imitationem sermonis quem audiunt, loquuntur: sic coruus edocrus fuit Cæsarem populúmque Romanum salutare: camelus ad lyram saltare: elephas addiscit genua submittere & regem adorare. Vireo & psittacus docilitate quiduis imitantur lingua. Prænotio ea muribus inest, vt minitante ædificio ruinam, præmigrant: formicæ pariter imminente sereno cœlo frumentum exponunt: vulturus audito strepitu armorum, pugnam conuolantes præsagiunt, ac cadauera expectant: apes denique matutino diem mitem aut turbidum prædiuiant.

CAP. XXVIII. De Somnio.

Interiorum sensuum operatio in somno, appellatur Somnium. Est verò Somnium imago seu phantasia quæ per quietem in animo videtur: éstque duplex; diuinum cui cum naturæ actione nihil commune, vt oraculum, & naturale. Oraculum est apparitio in somno, quæ de rebus gerendis diuinitus admonet: vt Angelus Iosepho dormienti apparer, hortaturque Christum in Ægyptum deducat.

deducat. Octauij Augusti medico Artorio noctu Minerue species præcipit, ipsum Octauium quamuis aduersa ualitudine laborantem, ut castris egressus prælio intersit, moneat: nam postera luce dum in acie est, castra illa, quod minus firma essent, ab hoste sunt occupata. Æneas apud Virgilium à parente Anchisa admonetur, ut ad Inferos duce Cumana Sibylla descendat. Naturalium alia diuinatoria sunt, ut Visiones & Somnia: alia nihil significant. Visio est cum quæ in somno videntur, eodem modo postea eueniunt: ut literas quis accipit, quas allatas per quietem præuidit: sic de aduentu amici. Calphurnia Iulij Cæsaris vxor, illa nocte quæ eius cædem præcessit, vidit eum multis vulneribus confossum in suo sinu iacentem. Somnium propriè est, cuius euentus in somno per figuras & ymbras obscuras significatur, ac interpretatione eget. Tale fuit Pharaonis regis Ægyptij, cuius somnij boues præpingues alij, alij macilenti fertilitatem, famemque portenderunt. Huius generis ubique sunt obuia: ac prænunciant quidem futura, sed præsagium prorsus est incertum, ut si quandoque euentus respondeat, iterum obseruatum decipiat ac frustret: ideoque obseruari sacris prohibitum est. Quæ postremo nihil significant duo sunt; Phantasma cum semisopitis sensibus inter vigiliam ac quietem variè & hominum & rerum ideæ ob oculos veniunt, quæ vel lætitiæ vel terrores afferunt: oriuntur ex calore corporis præternaturali, quo cerebrum vim passum huiusmodi phantasmata, ac si vera essent, animo obtrudit, ac propter caloris excessum qui morbis calidis aut peste impliciti sunt, multum ijs infestantur. Insomnium denique est cum aut memoria per vigiliam recondita simulachra reuoluenda offert; aut complurium concursu alia ac noua ab imaginatione finguntur. Frequenter ea animo obuersantur, quæ ad studia actionesque cuiusque spectant: de quibus Claudianus:

*Omnia quæ sensu voluntur vota diurno,
Tempora nocturno reddit amica quies.
Venator defessa toro cum membra reponit,
Mens tamen ad syluas, & sua lustra redit,*

Iudiciis

*Iudicibus lites, aurigæ somnia curvus,
Vanaq; nocturnis meta cauetur equis.*

Furto gaudet amans, permutat nauis mercēs,

Et vigil elapsas querit anarus opes.

Blandaq; largitur frustra sitientibus agris

Irriguus gelido pocula fonte sopor.

Noua & varia occurrunt somnia pro cuiusvis constitutione, victu & ætate: nam alia sunt sobrijs, alia remulenti: alia sanguinei, alia melancholici: cholericis communes sunt rixæ, bella: phlegmaticis lauacra, inundationes: nonnunquam exsurgunt terrores, mortuorum occurfus, visiones & actiones graues, quæ postea euigilans

Gaudet non vera fuisse.

Vt idem: tantæque est imaginationis in somno libertas, vt actus indecentes effingat tales, quales vigil mentisque compos nequaquam conficeret.

CAP. XXIX. De Affectibus.

EX sensuum tam exteriorum quàm interiorum operatione oriuntur Affectus & perturbationes: sunt enim sensitiuæ facultatis effecta. Est verò Affectus, motus cordis à notionis opinione excitatus, appetens bonum, aut fugiens malum. Vt autem sensuum facultas spiritibus in cerebro formatur: ita affectus ex sanguine, cholera, atrabile cordis commotione excitantur. Moto namque ab obiecto sensu exteriori, atque inde concepta per cogitationem & æstimationem opinione, spiritus per arterias à cerebro descendentes cor stimulant, vnde affectus mouentur. Consideranda primùm sunt affectuum adiuncta: deinde genera. Adiuncta sunt duo: Voluptas quæ est affectio corporis suauis qua delectatur: vt cùm frigens manus calore delinitur, cùm res prosperè ad votum succedunt: & Dolor, qui est affectio corporis grauis qua offenditur: vt cum igne manus aduritur: cum rebus aduersis anima aut morbis corpus afficitur. Brutorum hæc summum bonum, summumque malum.

CAP.

CAP. XXX. *Affectuum genera.*

DVo sunt affectuum genera, Appetens & Irascens : Appetens fit opinione boni vel præsentis, vt Lætitia quæ est dilatatio cordis voluptate boni quo fruitur: vt Iacob lætatur viso Ioseph filio, quem mortuum putabat: Nero gaudet de flammæ pulchritudine ac magnitudine incensa vrbe Roma, sub hac comprehenduntur Amor: qui est lætitia perdurans, vt inter Ionatham & Dauidem, Pyladem & Orestem: & *supplicium*, seu amor parentû mutuus; qualis in ciconijs, quarum seniores pullos educant; iuniores verò parentes debiles dorso alijsq; sustinent. Opinione boni futuri procedit Desiderium & Cupiditas, cum cor spiritu interno in spem eius rei cui inhiat erigitur: vt in Ænea terram oraculis promissam acquirendi: in Alexandro Macedone de vniuerso orbe deuicto triumphandi: & apud Virgiliû quinto Æneidos, desiderio palmam in certamine obtinendi

Intenti expectant signum, exultantiaq; haurit

Corda pauidæ pulsans, laudumq; arrecta cupido.

Hic motus si vehemens sit, sanguinem quoque excitat, paritque Audaciam: vt Nisus & Euryalus stimulantur desiderio hostem inuadendi: Alexander sine vlllo satellite Sicambrorum urbem aggrediendi, atque omnia omnium tela fortiter elidendi. Irascens affectus turbidus est & concitatus, duplex item: fit enim vel opinione mali præsentis, estque Ægritudo vel Tristitia; quæ fit cum ex obiecto aduerso cor constringitur & languet, vt Agar Abrahæ domini domo pulsa in solitudine tristatur: Cicero de morte filix dolet: Athenienses rebus aduersis & strage suorum bello Peloponnesiaco fracti lamentantur. Quod si ægritudinem spes vlciscendi leuet, exurgit Ira, cum propter sanguinem circa cor ebullientem, spiritus accenduntur, & fel effunditur, sic Alexander offensus vindictæ cupiditate, Clytæ optimum amicum perimit: Cyclops ægritudine oculi eruti & vlciscendi furore Vlyssæ insequitur, clamoribus omnia implet, frustra de rupibus abruptit atque post nauem iaculatur. Inueterata ira in odium transit: tale regis

regis Saul in Dauidem, Catonis inexprabile in Carthaginem, Iunonis in Troianos. Tristitia hostis est vitæ, ira mentis: ut enim spiritus tristis ossa exsiccat, ita ira viri iustitiam Dei non operatur. Qui futuri mali opinione concipitur, Metus est: fit verò constrictione cordis, & recessu sanguinis ad intima. Virgil. tertio Æneid.

Mihi frigidus horror

Membra quatit, gelidusque coit formidine sanguis.

Et de Turno à Diris pauefacto, ad finem duodecimi:

Illi membra novus soluit formidine torpor,

Arrecta q, horrore coma, & vox faucibus hæsit.

Est enim ea vis timoris ut ob sanguinis fugam membra exteriora torpore perfundat. Mali imminantis periculo terrentur Romani à Germanorum exercitu & virtute, duce Ariovisto, ut ne aciem quidem ipsorum ferrent. Versantur in metu perpetuo tyranni ac principes, qui terrorem magis quàm amorem suorum quærunt: declaravit hoc Dionysius Syracusanus cum Damocle assentatore, quem cum tyrannorum vitam degustare, & fortunam illorum experiri velle intellexerat, collocari iussit in aureo lecto, iussit & adesse vnguenta, coronas, incendi odores, mensam exquisitissimis epulis exstrui; in medio verò apparatu gladium seta equina appendi, qui illius ceruicibus impenderet: ut iam nihil illi optatius esset, quàm ut abire liceret. Quoniam autem cordis temperatio non eadem est omnibus, idcò affectus in quibusque non sunt iidem: nam in calidæ & siccæ naturæ animantibus vehementes sunt & concitatiores: in frigidis moderati & tardi: sanguinei læti plerunque sunt; sic & equi: melancholici tristes, ut asini: calidi sunt animosi, ut leones: frigidi & quibus parum sanguinis, timidi sunt, ut cerui, lepores. Affectuum omnia genera Virgilius sic expressit, sexto Æneid.

Hinc metuunt, cupiuntq, dolent, gaudentq, nec auras

Respiciunt, clausæ tenebris, & carcere cæco.

PHYSICORVM

LIBER DECIMVS,

DE MENTE.

CAP. I. *Quid Mens.*



NITIO huius doctrinæ, Natura distributa est in corpoream & corporis experientem: dictumque est hactenus de corporea: sequitur ergo postremò de incorporea, quæ est Mens siue Animus humanus, cuius tanta vis est & præstantia, ut si in alteram lancem libræ Critolai animalium quorumcunque ingenia ac vires quæ multæ sunt imponas, in alteram mentis criteria, lumenque cœleste, tantum hæc propendere videatur, ut illa in ventum leuissima exsiliat: Dedit namq; Deus ut animam corpori brutorum, sic mentem animæ in homine, qua & à cæteris distaret multum, & regium in illa eadem imperium tractaret. Mens autem est essentia incorporea de vitali fonte spiritus Dei, homini indita, è qua intellectus & voluntas procedunt.

CAP. II. *De essentia & origine animi.*

HOmo ergo constat non tantum corpore ex elementorum concretionem, sed anima etiam rationali cœlitus infusa, quam philosophi partem cœli ex illis sempiternis ignibus desumptam crediderunt, atque ignis nomine denotarunt: ut virgilius prodidit sexto Æneidos:

Ignem est illis vigor & cœlestis origo

Seminibus: quantum non noxia corpora tardant.

Quod causam postea præbuit figmenti de Prometheo, hominem è terra ab ipso formatum, ac furato de cœlo igne animatum fuisse. Atque hoc modo naturam mentis quodammodo adumbrabant veteres, diuinum quid in ea deprehendentes; essentiam eius tamen & originem neutquam perscrutati sunt. Est itaque mentis essentia spiritus incorporeus & idea Dei sui conditoris imagini similis, mo-

tus principium quo ratione utitur, vera à falsis, bona à malis discernit, in sese habens. Etsi verò perpetua duratione viuat, tamen ab æterno, aut ab initio mundi principium non habet, omni enim nascenti noua creatur; & in corpus masculum (vt putant) quadragesimo à conceptu die, in femineum nonagesimo diuinitus immittitur: moriente autem corpore discedens per omne æuum immortalis permanet, vt cùm dogmate de Resurrectione, tùm Christi veri hominis exemplo, verique Dei testimonio abundè constat, dicentis; Animam occidere non possunt: fuitque huius sententiæ tota retrò antiquitas, quæ quia vera melius cernebat, quod ab ortu & diuina progenie propius abesset, immortalitatem animorum, sepulchrorum ceremonijs, & heroum, gentium propemodum omnium consensu asseruit ac comprobauit.

CAP. III. *De sede mentis.*

Mentis incorporeæ sedes corporea in humano corpore peculiaris nulla est, qua ad vires & operationes suas formandas indigeat: tamen multa eius vis sit, partim in capite tanquam summa arce, partim in corde vitæ domicilio, in quo homines secundum apostolum Paulum legem cognitionis & æqui inscriptam habent: qualis ex antiquis historiarum monumentis, in Scythicis populis fuisse deprehenditur, quibus licet nulla sapientum doctrina esset; innocentia tamen & tolerantia à natura inerant; & iustitia perinde gentis ingenijs colebatur, ac legibus apud cultissimas nationes. Instrumenta verò mentis quibus in exercenda exterius virtute utitur, Sermo mentis interpret dictus; & manus sunt: gaudet plurimum quiete & tranquillitate, præsertim in perspicientia veri, & boni contemplatione.

CAP. IIII. *De Intellectu.*

Dvæ sunt illius partes: Intellectus & voluntas: Intellectus est pars animi rationis & intelligentiæ particeps: & quicquid in rerum natura est, aut excogitari potest, quod Græcis τὸ ὄν καὶ μὴ ὄν, siue id corporeum est, seu

corpo-

corporis expers: siue etiam singulare, seu vniuersale, id omne est intellectus obiectum; non quidem vt sensuum, sed eo modo vt & illa omnia cognoscat, discernatque, & se illa ipsa intelligere nouerit. Et sanè nihil esse quod homo mentis ope non assequatur, illustrium euentuum experientia declarat: nulla est volucrum tanta pernicitas, nec aquatiliū agilitas, quæ eius industriam & artes effugere queat: nulla tam immanis belluarum moles, quæ à minimo puero non regatur: atque licet ipse nudus inermisque nascatur, ac natura nullum præter ipsum inerme produxisse videatur, mentis tamen ope ferocissima quædam domat, frenisque iniectis ad libitum gubernat: nec etiam vllum est animal quantumuis nocuum, quin hominum conspectum formidet. Age, astrorum rationem licet infinito à terra interuallo distent, mentis acumen assecutum est: nec solum cæli vniuersi regionem perlustrauit, sed vltcrius etiam progressum est, ad supra mundanam nimirum infinitatem, beatarum mentium & summi Dei sedem: adeò nihil est quod animi subtilitas non peruestiget. Et certè memorabilis illa vis est & audacia propè Archimedis, qui mentis robore ad machinas corporeas traducto fretus, ad Hieronem regem diceret: Da mihi vbi consistam, & mouebo terram: vt mirum sit, ait Plinius, quò procedat improbitas cordis humani, paruulo aliquo inuitata successu.

CAP. V. De Intelligentia.

Intellektus duplex est, simplex & compositus. Simplex, *νοητικὴς*, intelligentia, est cùm vnum tantum consideratur enuntiaturum, seu propositio sola. Hæc notitias insitas habet, quæ *κατασκευαστικὰ*, normæ certitudinis, *νοητικὰ ἰσχυρὰ* appellantur: triplices verò sunt; primæ sunt criteria, notiones principiorum, quæ velut lex naturalis animo sunt ingeneratæ, vt intelligentia & notio boni & mali: quæ est virtutum vitiorumque fons & origo: ex quibus bonum agnoscit, Deum vereri, iustitiam exercere: pro patriæ libertate pugnare: malum, fraude quempiam circumuenire, libidini aut crapulæ operam dare. deinde cognitio veri & falsi, quæ est fons

fontis iudicii, cuius usus plurimus est in intellectu composito. Secundum genus certitudinis est Experientia, quæ ex pluribus singularibus collecta, animo pro axiomate est agnitionis: ut certum est experientia, ignem urere, Solem calefacere; lapides & graue quodcunque tendere deorsum, ex incontinentia morbos gigni. Tertium est Fides diuinitus reuelata, cuius dogmate nihil certius: ut Deum remuneratorem esse bonorum, mortuos ad iudicium resurrecturos, mundum non esse æternum, plures esse cœlos. Cæterum præter insitas & infusas hæc notiones, alias quoque extrinsecus apprehendit ac intelligit: & primum singularia, ut, quid argentum, ferrum, quid ignis, ligna, lapides, quid canis, lupus, quid cœlum, terra; secundo vniuersalia abstracta, ut quid animal, metallum sit, mente concipit, etiamsi nusquam in rerum natura existant. Sic absurda fingit, ut Syrenas, Sphingem: aureos montes: loquentes canes. Vulgo simplex intellectus vocatur patiens, quod tantum rerum imagines concipiat, nec quicquam ex sese affingant, solumque aliorum imitationi sit editus.

CAP. VI. De Ratione.

Compositus intellectus, *diuinitus* est, cum cognitiones ad certitudinum normam ab intellectu examinantur atque dijudicantur: vnoque nomine dicitur Ratio; ad quam referuntur deliberationes, consultationes de rebus futuris, collationes similium & proportionum: iudicium de dissimilibus & æqualitate. Sunt autem rationis vires seu officia compositio, diuisióque, & ratiocinatio. Compositio fit coniunctione plurimum singularium; ut architectus fundamentum, parietes ex omnibus partibus ac tectum componit & coaptat, ut domum extruat: Cæsar pluribus legionibus exercitum conficit: sermo & oratio ex verbis & sententijs pluribus componitur: atque hinc Numerandi ratio est, qua multa singularia discretione & ordine recensentur, in vnamque summam coguntur: ut Monarchia Assyriorum, Persarum, Græcorum, Romanorum

rum si quęlibet seorsim consideretur, ac per ordinem ipsa sibi copulentur omnes, constituunt numerum quatuor monarchiarum: ita si quis Charites hic Aglaiam, illic Euphrosynem, in medio Thaliā imaginetur, ac sigillatim conceptas ad vnum numerum reducat, ternarium reperiet, nouitque tres esse Charites: si annos omnes ac singulos à condita Roma urbe ad Ciceronis consulatum computet, colliget numerum sexcentorum & nonaginta. Diuisio fit, cum vnum in plura distribuitur, ac membra singula separatim perpenduntur, quorum prius coniunctim ratio habebatur: vt facta à Iosue tribuum partitione, duodecim nomina considerantur, cum antè vno Palestinæ nomine comprehenderentur: logicus vt penitus rem omnem intelligat, orationem in plures sententias, & argumenta partitur.

CAP. VII. De Ratiocinatione.

Ratiocinatio est ipsum iudicium, quo ad normam certitudinum propositio oblata examinatur & dijudicatur. Hęc naturalis est logica, quę vitę actiones, religionem, & quęcunque humanam conuersationem, conuictum, societatemque concernunt, instituit ac dirigit: perturbaciones moderatur ac regit; etenim vt auriga (auctore Platone) currui insidens equos lasciuientes habenis coercet, ita ratio corporis quo vehitur concitatos affectus, amore Dei, societatis humanę necessitudine; terrore suppliciorum, conscientię, infamię; spe remunerationis æternę, glorię, stimulis auxilij diuini, conscię virtutis, hortando, dissuadendo, tutiora & æquiora dictando excitat, compescit, gubernatque. Partes tres habet, Synteresin, cōscientiam & dictamen, tamen si sæpe pauciores adhibeat ob breuitatem & rerum notitiā plenē perspectā, vt in enthymematis: constituunt coniunctę syllogismum practicum, propositionem synteresis, quę legem naturalem aut moralem ē criterijs profert; assumptionem conscientia (deest nomen vniuersalius) quę rei de qua consultatur naturam ac veritatem ē notitiā singularem indicat: ex quibus complexionem dictamen rationis concinnat: sic Bru-

rus & Collatinus ratiocinantur: Tyranni non sunt ferendi: quæ est synterefsis à criterijs & lege naturali procedens: Tarquinius tyrannide vitur, assumptio est ex notitia facinoris: ergo vrbe pellendus est. Sic Abramam: mandatum Dei exequendum est; immolabo igitur filium, vt iussit. Mezentius apud Virgilium decimo, sciebat in dominū crudelem data opportunitate subditos sequere; seque crudelem iam prostratum illorū iram non posse effugere: quapropter ab Ænea sepulturam precatur, non à suis; verba illius sunt:

—Oro

*Corpus humo patiare regi, scio acerba meorum
Circumstare odia, hunc oro defende furorem,
Et me consortem nati concede sepulchro.*

Compositus intellectus dicitur agens seu faciens, quòd multa excogitet, & absque intermissione quacunque in consultando sit occupatus.

CAP. VIII. De Scientiâ.

EX his itaque notitijs & ratiocinationibus, si veræ sunt, scientia oritur; si falsæ, error: Scientia quidem si ingenium acumine & perspicuitate excellat, ac bona indoles artem atque exercitationem adhibeat: hac ratione claruerunt in Philosophia Plato, Homerus, Aristoteles, Pythagoras: in peritiâ rerum bene gerendarum Alexander, Themistocles, Cato, Solon, Lycurgus, Iulius Cæsar: Nec minus animi præstantia in dicendo quàm agendo elucescit, cùm ea quæ ratio collegit, ac approbata recepit, ordine & elegantia proferuntur: qui riuus rationis Eloquentia appellatur: fuerunt eius dexteritatis Cicero, Demosthenes, Chrysostomus. Porro si scientia & eloquentia concurrant, perq; habitum altius animo insideant, Sapientiâ pariunt, qua in rebus humanis nihil est diuinus: est enim Sapientia, sapiente afferente, virtutis Dei vapor.

CAP. IX. De Errore.

Error est, cùm aut normæ certitudinum obscuræ sunt, aut singularia non exactè nota, & sensus fallantur:

N

quorum

quorum si vnum contingat, error sequatur oportet. Primi generis est illud Roboam Salomonis filij qui regis munus

Parcere subiectis, & debellare superbos,

Ignorans, sic proponebat, Regis est terrorem suis incutere; populum ergo Israelem scorpionibus cadam: sed errauit, regnoque exutus est. Posterioris exemplum sit Xerxes Persarum rex, Græciam bello inuadens, sic ratiocinatus: Fortior victoriam obtinebit: mihi verò numerosissimus est & instructissimus exercitus: Græcos itaque subiugum cogam, etsi enim decies centena millia armatorum in Græciam inuexisset, atq; ab eius exercitu cum maria pontibus sternerentur, cum flumina exsiccarentur, Græcos tamen ducum consilijs, regionis oportunitate, militandi peritia, inuictique animi fortitudine superiores fore non perpenderat, quare cum totis suis viribus profligatus est. Erroris adhæc aliud genus est, Animi impotentia; cum affectuum incitamentum ob voluptatis desiderium inualefcit ac prædominatur, & synteresis cum conscientia succumbat: procedit ex carnis cum ratione perpetua pugna, quæ *ψυχη* dicitur. exemplum est 7. Metam. in Medea Thesei amore capta, quem ratio explodendum suadebat, cupido augebat: sic verò ratio imperat:

Excute virgineo conceptas pectore flammæ,

Si potes: ———

Ad quæ verba ex affectuum parte statim responder:

——— Infelix, si possem, sanior essem,

Sed trahit in vitam noua vis, aliudq; cupido,

Mens aliud suadet ———

Oppressa demùm & victa ratione, sic infert:

——— Video meliora, proboq;

Deteriora sequor ———

Achan sciebat omnes Ierichûs opes Deo deuotas; illecebræ tamen Babylonico pallio, & auri argentique cupiditate, sibi ea clàm seruauit: plus enim præsentis illecebræ, quàm cautio diuina apud illum potuit. Nec plura aliunde exempla petantur, quum natura hominum quod corrupta sit, nihil afferat frequentius.

CAP. X. *De Voluntate.*

EDuabus mentis partibus superest altera, Voluntas, facultas animi quæ ad supremum intellectus decretum exequendum libera propensione fertur; ad bonum diuina fauente benignitate; ad malum opinione bonum ex prauæ naturæ inclinatione: vt Salomon templum propensa religione Deo exstruxit; annuente gratia Dei quam illius pater non affecutus fuit; Paulus ardet prædicandi Euangelij desiderio; gratiam adeptus: voluntariè David sacrificat nomini Domini, spiritus inspiratione motus: Mutius Scæuola vt apud regem Porsennam Romanis virtutis nomen conscisceret, liberè in anum igni ad mortem vrit. Cambyfes bonum opinatus nullum imperij æmulum habere, parricidium in fratrem parauit. Optandum itaque à Deo, & viribus omnibus enitendum, vt ratio præsit, appetitus obtemperet: ex quo efficitur vt animus pacem tranquillitatemque bonæ voluntatis hominibus olim annunciatam assequatur.

F I N I S.

N 2 INDEX

INDEX DOGMATVM ET RERV. M.

*Prior numerus librum, posterior libri
caput indicat.*

A Bortus, cum natura impeditur libro 1 capite 5. & libro 4 cap. 10		Affectuum consideratio 9. 29 & 30. moderatio vitæ producit 9.12. impoten- tia 10.9 affectus in iuuen- tute præcipientes 9.11, re- guntur à ratiocinatione 10.7	
Abstracta intellectus appre- hendit	10.5		
Abyssus aquarum	3.10		
Achates gemma	6.4	Agrestis odor	4.16
Acidus sapor	4.15	Alabastrum	6.7
Acinus	7.7	Albus color	4.18
<i>Axon</i> , vigor	9.10	Alectorius lapis	6.6
Acris sapor	4.15	Alexander magnus	3.8 & 9.30
Actio in mutatione	4.8	Alteratio	4.12
Adam rerum notitia perfec- ta præditus	1.9	Amethystus	6.4
Adamas	6.4	Amor	9.30
Aër & eius consideratio	3.4	Amphibia	8.18
& sequentibus capitibus		Amarum	4.15
Aerea minus densa	4.6	Amœnus odor	4.16
Æquans circulus	2.25. & 2.42	Animæ consideratio 9.1 & sequent. Anima & corpus duæ viuentium partes 7.9 & 9.1	
Æquinoctialis	2.4	Animaliū ratio 8.1 & seqq. generatio 9.8 vsus 1.10	
Æs	6.11 & 6.12	Annus & eius partes 1.23 a- pud Romanos primum decem mensibus consta- bat	9.8
Æstas	1.23	Antherinus odor	4.16
Æstimatio	9.27		Antipe-
Ætates	9.11		
Æternitas & Æuum	1.18		
Æther	2.1		
Æthiopem mulier candida peperit	9.5		

qua et larea condem afflig
colum 1.12. eius locus 3.7.
invenitur quodam 3.7. aqua in
la. Invenitur quodam 3.7. aqua in
la. Invenitur quodam 3.7. aqua in
la. Invenitur quodam 3.7. aqua in

la. Invenitur quodam 3.7. aqua in

la. Invenitur quodam 3.7. aqua in

la. Invenitur quodam 3.7. aqua in

la. Invenitur quodam 3.7. aqua in

la. Invenitur quodam 3.7. aqua in

la. Invenitur quodam 3.7. aqua in

la. Invenitur quodam 3.7. aqua in

INDEX.

Antiperistasis	4.7	generatio	9.8
Apes	9.27	Aufter ventus	5.10. & 11 & 19
Apodes	8.13	Aufterus	4.15
Apogæum quid	2.25	Autumnus	1.23
Appetens facultas	9.30	Aura	5.9
Apsidales sphærarum orbes	2.25 & sequ.	Aures	8.4
Aqua elementum	3.7 eius stillationes ex aëre 4.10	Aurora	1.19. pluuiam nunciat 5.19
feruida quomodo in aërem transeat	4.10	Aurum	6.11 & 12 tenue est & densum 4.14. à propheta Abacuc dicitur densum lutum 6.3
Aquarius	2.16	Axis mundi	B.
Aquila sidus	2.14	B. Accæ	7.8
Ara sidus	2.15	Berillus	6.4
Araneæ tela	9.27	Bitumen	6.13
Arcticus circulus & Antarcticus	2.6	Borax lapis	6.6
Aries signum	2.16 & 2.42	Bootes	2.14
Aréfacit calor	4.3	Boreas	5.10. & 11
Arcturus stella	2.14 & 2.45	Brachium	8.11
Argilla	6.9	Brutorum solertia	9.24
Argo sidus	2.15	C.	
Aromaticus odor	4.16	Adauera grauiora	3.3
Aspectus, constellatio	2.44	Cæcias ventus	5.11
Asperitas	4.14	Calor quid	3.2 à Sole omnis procedit. 2.43 & 3.2 & 4.4 & 4.10. eius effecta 4.3. & 44. eius formentum humor 4.6
Assumptio syllogismi practici	10.7	Calidum vitale in animalibus	8.2 & 9.9
Astringens sapor	4.15	Caluaria	8.3
Astronomia	2.1	Cancer signum	2.16 & 2.42
Astrorum ratio, vide Stellæ.		Cancrinus lapis	6.6
Astra virtute non contactu agunt	4.8	Canis maior & minor fidera	2.15
Attenuatio à calore	4.3 & 4.10	N 3	Canum
Audacia	9.30		
Auditus	9.15		
Augmentatio	9.10		
Auium consideratio	8.13		

I N D E X.

Canum sagacitas	9.16.&27	Cibus hominum & bestia-	
Canities ex frigore	4.5	rum	1.21. cibus quomodo
& ex curis	9.12	concoquitur	9.9
Capella sidus	2.14	Circuli cœlestes	2.3. & seqq.
Capræ meteoron	5.4	Cœlum	2.1. & seqq.
Capricornus	2.16 & 42	Cœruleus color	4.19
Caput 8.4. caput & cor sedes		Cogitatio	9.26
mentis	10.3	Cognitio singularium	9.26
Carbones	4.11	Collationes similium	10.6
Carbunculus	6.4	Collum	8.6
Carchedonius	6.4	Colores	4.17. & seqq.
Cardines mundi	1.11	Coluri duo	2.4
Caro animalium	8.2. fruc-	Coma Berenices	2.16
tuum	7.7	Commigratio animalium	8.
Cartilago	8.2		22
Cassiopea sidus	2.14	Cometes	5.3
Castorea stella	5.7	Compositio rationis	10.6
Caudex vel caulis	7.3	Conchilia	2.50
Cepheus	2.14	Conscientia	10.7
Cerebrum & eius ventriculi		Consilia	10.6
tres	8.5	Conticinium	1.19
obuium	9.16	Contingentia	1.6
sedes	9.22	Cor 8.9	officina est spiritus
officina co-		vitalis	9.9
gitationum,		ibidem.	9.13
Cervus	9.27. & 9.30	sedes affectuum	9.29
Cervix	8.6	domicilium legis	10.3
Cetus	2.15	naturalis	6.5
Chaldæi attoniti de remea-		Corallium	8.3
tionem Solis	1.5	Cornu	2.14
Chalybs	6.12	Corona borealis	2.15
Chelidonium lapis	6.6	stralis	1.11
Chrysolithus	6.4	Corpus quid	9.1
Chrysoprasius	ibid.	Corpus & anima duæ viuen-	
Centaurus sidus	2.15	tium partes	7.1. organum
Ceraunias lapis	6.6	est animæ	9.1
fulmineus	6.7	Corporis humani descrip-	
Cerberus imago corruptio-		tio	8.4. & seqq.
nis	4.11	Corruptio	4.11
			Co-

Carbones limites distinctos
minant 4.11. un niger aut
albi 4.18
Carnes quomodo eliduntur in
olla 4.8.

EE

Causae naturales, efficientes
materia, forma, finis 1.3.4. Cunctilia cum Luna an
causantur, sexies est factum. gessent ac minuantur 2
1.4. quando pinguisima 2.50.

Circuli in buca miseto
Capide quomodo fiunt. 4.20.

Cordis calor quo ab aere
figeratur 3.6.

Corpora

Corporum nullum attritu

Chylus in sanguinem 4.9.

Corpora ammantu deorbe
vini grabura 3.3

W

1.
19. quibus compissurus et beatissim
5 1.20.

Divinus afflatus est fatum 24

Digiti fatibus aliquando cons
crescunt. 1.6.

Exabrones cum crescunt 2.50.

elephantos de Luna colunt
2.50.

elementum frigus unde ap
pareat. 3.5.

+ Dei occulta operatio in rebus

1.3.
Elementa quomodo in se in
vicem condiscuntur 4.10.

INDEX.

Coruscatio	5.5	Diaphragma	8.9
Cortex 7.2. varius est fructuum	7.7	Dictamen rationis	10.7
Coruus fidus	2.15	Dies & eius partes	1.19. & 20
Coruus docilis	9.27	Digestionis ordo	9.9. deterior est ætate
Costæ	8.7		4.3
Coies	6.7	Digiti	8.11
Coxæ	8.8	Diminutio	9.10
Crabrones	2.50	Discretio	9.23
Crassities	4.14	Diuinatio ex insomnijs non tuta	9.28
Crater fidus	2.15	Diuisio rationis	10.6
Crepusculum	1.9	Docimeteoron	5.4
Creta	6.9	Docilitas	9.27
Criteria intellectus	10.5	Dolor	9.29
Croceus color	4.19	Dormientes obambulantes	9.21 dormientes sub dio stupore Luna replet
Crocodilus	8.18		2.50
Crus	8.12	Dorsum	8.8
Crustæ animalium	8.3	Draco	2.14
Crustacea	8.19	Dulce	4.15
Crystallus	6.5	Durities 4.14 ex calore & siccitate	4.3 & 4.6
Cupiditas	9.30		
Cutis	8.3		
Cyaneus lapis	6.5		
Cygnus fidus	2.14		
	D		
D Anubius	3.10	E Cho	4.20
Debilitas senum	9.11	Eclipsis Solis & Lunæ	2 47. & 48
Deliberationes	10.6	Ecnephias	5.12
Delphinus fidus	2.14. animal velocissimum	Elementorum consideratio	3.1 & sequentib. in se inuicem permutatio
Densatio à frigore	4.5 & 4.10		4.10
Densitas	4.14		tria sunt tantum
Dentes	8.4		3.4
Desiderium	9.30	Elephas	2.50. & 9.27
Deus omnium rerum conditor, naturæ appellatione intelligitur	13	Eloquentia riuus rationis	10.8
		Endymion	2.20
		Epar 8.10 est officina sanguinis	9.9
			N 4
			Epi-

I N D E X.

Epiciques	2.32	Fœtidus odor	4.16
Epiglottis	8.6	Fœtor ex putredine	4.11
Erichthonius	2.14	Folia	7.9
Eridanus	2.15	Fontes 3. 10. hyeme calidi	
Error in ratione quomodo		cur?	4.7
contingat	16.9	Formæ rerum homini ig-	
Euphrates	3.10	notæ	1.9
Euripus	2.50	Formicæ 9. 27. illarum di-	
Eurus 5. 10. rarò spirat	5.11	uinatio	5.19
Excentricus planetarum or-		Fortuna	1.7
bis	2. 25 & seqq.	Fossilia	6.1 & seqq.
Exhalatio	5.2	Fragrans odor	4.16
Exsanguia	8.19	Friabile	4.14
Experientia	10.5	Frigus 3. 2 eius effecta	4. 5
F		Frons	8.3
F acies	8.4	Frondem quædam plantæ	
Famis causæ	9.9	retinent	7.9
Fatum est series causarum		Fructus plantarum	7. 6 &
I. 4		seqq.	
Fax meteoron	5.6	Fruges & frumentum	7.4
Febris	4.7	Frutices	ibid.
Fel receptaculum cholerae		Fulgur & fulmen	5.5
9.9 eius vesica	8.10	Fumus	5.2
Femur	8.12	Fuscus color	4.19
Ferrum 6. 11 & 12 cur ig-		G	
nescit	4.4	G Alaxia	2.17
Fides norma est certitudi-		G Gallicinium	1.19
nis	10.5	Galli gallinacei cantus	9.27
Fibræ seu villi	8.2	Gelu	4.4 & 4.5
Firmamentum	2.2	Gemmarum ratio	6. 3 &
Flamma	4.4	6.4	
Flammeus color	4.19	Gemini	2.16 & 4.2
Flauus color	ibid.	Generatio rerum	4.9 vi-
Flores	7.5	uentium omnium	9.4 &
Fluminum origo & incre-		seqq. eius perpetua lex	
mentum 3. 10 flumina		I.3	
aurifera	6.11	G enu	8.12
Fœmineus sexus	9.6	Germania fert gemmas	6.3
		Gradui	

I N D E X.

Gradui vni in cœlo, respon-
dent in terra quindecim
millaria 3.11
Glottis 8.6
Gossipium 1.10
Granatæ 6.4
Grando, 5. 15. cum murmu-
re 5.18
Grauis odor 4.16
Grauitas 3.3. ex dēsitatē 4.5
Gressus 9.19
Gustus 9.17
Gypsum 6.9

H

HAlo 5.17
Helena infaustū mēte-
oron 5.7
Heluetia abundat flumini-
bus 3.10
Herbæ 7.4
Hercules sidus 2.14
Hesperus 2.22
Hinnulus 2.14
Hœdi siue capellę 2.14. & 42
Homo omnium rerum finis
1.10. eius scopus Deus, i-
bidem: eius descriptio 8.4
& sequentib. formatio in
vtero 9.8 forma eius 8.14
perfectissimus & formo-
sissimus 8. 3 mentis mu-
nere bestijs præcellit 10.1
dominium in omnia ani-
mantia habet 1.10 & 10.1
eius ingenij acumen 10.4
Horarum differentia 1.21
Horizon 2.7
Humeri 8.8

Humor 3. 2 effecta 4. 6 hu-
mido omnia nutriuntur
9.9 & 3.7 humidum radi-
cale 8.2 & 9.9 in plantis
7.2 & 7.3
Hyacinthus 6.4
Hyades in Tauro 2.16 & 45
Hydra sidus 2.15
Hyems 1.23
Hyeme animalia nonnulla
delirescunt 8.22
Hypochondrion 8.7

I

Iacob patriarcha 9.5
Iaspis 6.4
Ilia 8.7
Ignis ratio 4.4 igne elemen-
ta resoluuntur 4.11 igne
mundus conflagrabit 1.13
Imaginatio 9.24. fortioris i-
maginationis effectus 9.
21 & 9.5
Imber 5.15
India gemmifera 6.3
Infantibus humidum cere-
brum 9.25
Infinitum 1.15
Influentia siderum 2. 41 &
seqq.
Ingenia magna & heroes 10
8. non sine afflatu diuino
1.4
Insecta 8.20
Inspida quæ 4.15
Insomnium 9.28
Intellectus, eiusq; præstātia
10.4. simplex 10.5. compo-
situs agens 10.6
Inte-

I N D E X.

Intestina	8.10	Lumbi	8.8
Ira & irascens affectus	9.30	Lumen	2.29
Iris	5.17	Luna	2.20. & 2.32. & 2.50.
Iudicij fons	10.5. forma 10.7	phases	2.49 vires 2.50. &
Iuuetus	9.11. robusta est 4.3	3.8 prognostica	5.19
Iupiter	2.21. & 42	Lupus sidus	2.15
L		Lux	2.38
Lacus	3.10	Lyra sidus	2.14
Lætitia	9.30	M	
Læuitas	4.14	Magnes	6.4
Lana	8.3	Mammillæ	8.7
Lapidum generatio	4.10. &	Manè	1.19
6.2 terreę sunt materiæ		Manus	8.11 instrumentum
6.2		mentis	10.3
Latitudo mundi	1.11	Mare est elementum aquę	
Larynx	8.6	3.7 littorum terminis	
Laxat calor	4.3	continetur 3.7. & 1.10 cur	
Lazuli lapis	6.5	non redundat 3.10. & 5.	
Legumina	7.4	14 eius falsedo 3.9. æstus	
Lentor	4.14	2.50 & 3.8 turbulentius	
Leo sidus	2.16 & 42	est hyeme 5.8 nauiga-	
Lepus sidus	2.15	bile quando	2.45
Leuitas	3.3	Marcidus odor	4.16
Lex naturalis cordi inscrip-		Margaritæ	6.6. sunt concha-
ta	10.3	rum verrucæ	6.3
Libra sidus	2.16. & 42	Marmorum genera	6.7
Lignum	7.2. ligna cur aquis	Mars	2.21. & 42. & 5.3
innatant 7.1. cedenda à		Mas, virilis sexus	9.6
Luna posteriore quadra-		Materia prima	3.1. misto-
tura	2.50	rum	1.8. mutatur simul
Limacius lapis	6.6	cum forma in generatio-	
Liquores	6.13	ne	4.9
Liquescunt metalla ex ca-		Maturescūt poma palca ob-	
lore	4.3	uoluta	4.7
Locus	1.17	Melleus odor	4.16
Logica naturalis	10.7	Medulla animalium	8.2 spi-
Longitudo mundi	1.11	nalis	8.8 ligni
Lucifer stella	2.22	Membrorum corporis de-	7.2
		scriptio	

Natura non agit frustra 1.5.10.

Conditionabilis ut amur tecum
1.23.

Necessitas habens non abso-
lute immutabilis 1.5.

Stalla cum liquefuit 4.3.4.

Nix cum alba 5.15.

Monte excelsi cum nubi. 3.4.

Nax quot habet horas 1.20.

+ Mistra materia elementa 1.8.

Orbis mundi circuli. 1.16.

Nubes cum in media aeris
regione pluu apparet. 4.5.
5.14.

Mundi partes 1.11. eius longi-
tudo et latitudo et altitudo
et rotundum 1.12. mundum
interitum 2.6. et de Caele
1.13. eius praedictam om-
nibus 1.13. mundi unitas et ordo
et q. minus non infinitus 1.15.

I N D E X.

scriptio 8.2. & seqq.
 Membrana 8.2
 Memoria 9.25. senibus mi-
 nimè tenax 9.11
 Mens Vide lib. 10
 Mens videt, mens audit, dic-
 terium 9.23
 Menses 1.22
 Meridies pars dici 1.19
 plaga mundi 1.11
 Meridianus 2.8
 Mercurius 2.22. & 42. &
 5.3
 Mentum 8.4
 Messala Corvinus 9.25
 Metus 9.30
 Metallorum consideratio 6.
 10 & seqq. generatio 4.
 10
 Meteororum ratio 5.1. &
 seqq.
 Minutum horæ 1.21
 Mistio 4.10
 Mistum corpus 4.1
 Mollis odor 4.16
 Mollities ex humore 4.6. &
 14. & 8.1,
 Monstra 1.5
 Mors 9.11
 Motus lex perpetua 1.3. ge-
 nera 1.16. cæli 2.23. & seqq.
 localis 9.19 animalis à
 calore procedit 4.3
 Mundus quid? 1.11 & se-
 quentib.
 Murium prenotio 2.27
 Mutatio 4.2 fit per con-
 traria 4.8

N

Nasus 8.4
 Natatio 9.19
 Natura 1.2 pro efficiente
 causa 1.3
 Nautæ stellarum obseruati-
 one vñ 2.14. numerant
 triginta duos ventos 5.10
 Nebula 5.16
 Necessitas naturalis 1.5
 Nerui 8.2
 Niduli auium 9.27
 Niger Africae fl. 3.10
 Nigrum 4.18
 Nilus 3.10
 Nix 5.15
 Nodus ligni 7.2
 Normæ certitudinum seu
 notiones principiorum
 10.5
 Notio 9.27
 Notiones simplices 10.5
 Nox & eius partes 1.19. & 2.
 40 quietis admonet 1.10
 Nubes 5.14. à Sole dissipantur
 4.3
 Nuces 7.8
 Numeratio 10.6
 Nutritio 9.9

O

O bliuio 9.25
 Oceanus omnium pa-
 rens habitus 9.9
 Occidentis plaga mundi 1.11
 Occiput 8.4
 Oculi bini 8.4
 Odium 9.30
 Odoratus 9.16
 Odo-

I N D E X.

Odorum genera	4.16.	elici-	Piscium natura,	8.17	gene-
untur à calore	4.3		ratio	9.8	odorantur
Olera	7.4		stupidi ingenij	9.27.	an
Oleraceus odor	4.16		spirent	9.13	
Onix	6.4		Planta, vide stirps.		
Ophyuchus sidus	2.14		Planetarum consideratio	2.	
Oraculum	9.28		18 & sequen.		
Orichalcum	6.12		Plumbum	6.11. & 12	
Oriens plaga mundi	1.11		Pluuiæ causa	5.15	prog-
Orion	2.15 & 45		nostita.	5.19	
Ortus & occasus stellarum	2.45		Poli duo	2.3	
Os	8.4		Polypus	9.27	
Offa	8.2		Poma	7.8	
Os sacrum	8.8		Potus animantium	8.21	
Ostrea	2.50		Prænotiones brutorum	9.	
Ouū & eius consideratio,	9.3		24 & 27		
P.			Præsius	6.4	
P Aludes	3.10		Prester	5.12	
Pan	2.20		Prognostica tempestatum	5.19	
Parelius	5.17		Propositio syllogismi prac-		
Passio in mutatione	4.8		tici	10.7	
Pectus	8.7		Prudentia senum	9.11	
Pedes	8.12		Pruina	5.16	
Pegasus sidus	2.14		Prunæ	4.4	
Pennæ	8.3		<i>ψυχοναρία</i>	10.9	
Perigæum	2.25		Pulmo	8.9	
Perseus sidus	2.14		Puniceus color	4.19	
Perispiciliorum ratio duplex	9.14		Purpureus	ibid.	
Phantasia	9.24		Putei	1.10	
Phantasmata nocturna	9.28		Putredinis causæ	4.11	
Physica quid	1.1		ex Putredine nascuntur ani-		
Pili animalium	8.3		malia.	9.4	
Pinguedo	8.2		Pyropus carbunculus indi-		
Pisces Zodiaci	2.16 & cap.		cus.	6.4	
42. & 45					
Piscis austrinus	2.15		Q Vadripedum natura	8.15.	generatio
			8.15.	generatio	9.8
				Qua	

alium bino ene imatst 3.3.

Ostrea corpora bt angust
cunt et minuentur 2; 30.

Poma in pedis bt malmstent
poma torrida diutius fructant
4.11.

Poma ene aqua non sub
iunt. 8.3.

Passio 1.16.

P

Pysme pulvis quo in
libris 3.

Scimus profecto in can-
is caniscentis 1.3.

Canis capiti canis 4.5.

Septuagenarius 66 annis
transiit 1.23. in corpora
infirma 2.5. animalia canis
4.4.

in canis 8.2.

I N D E X.

Qualitates primæ	3.2	Sanguinei longæui	9.12
effecta qualitatū 4.2. &		Sapientia	10.8
sequent. alteratio in mi-		Sapores	4.15
stione	4.10. & 12	Sapphirus	6.4
Qualitates secundæ	4.12	Sardo & Sardonix	6.4
Quies animantibus neces-		Sationes vberes Luna cres-	
saria	9.21	cente	2.50
R			
Radij solares	2.43	Saturnus 2.21. & cap. 42. &	
visuales	9.14	5.3	
Radix	7.3	Saxa	6.8
Rami	7.3	Scapulae	8.8
Rancidus odor	4.16	Scientia	10.8
Raritas	4.14	Scorpius fidus 2.16. & cap.	
Ratio	10.6	42 — animal	8.20
Ratiocinatio	10.7	Sclopetorum ratio	4.3
Reflexio radiorum	2.43	Scyurus ventos prædiuinat	
Renes	8.10	5.19	
Reptatio	9.19	Sedes animalium	8.22
Reptilia	8.16	Seminis germinatio	4.10
Resina	6.13	femen animalium	8.2
Rhenus	3.10	plantarum	7.6
Respiratio	9.13	Senectus mundi	1.13
Rodanus	3.10	Senectus animalium	9.11
Ros 5.16 In Africa largi-		senes destituuntur vigore	
or	3.5	& calore	4.3
Roseus color	4.19	Sensuum ratio	9.13
Rubedo vespertina 5.8. &		& sequent. sedes est caput	
cap.	19	8.4	
Rubeus color	4.19	Sensus communis	9.23
S			
Agitra fidus	2.14	Septentrio plaga mūdi 1.11	
Sagittarius	2.16	vnde sic dictus, vide Vrsa	
& 42		maior.	
Salvus sapor	4.15	Septentrionales populi	4.5
Sanguis 8.2 eius officina		Serenitas 5.8 eius progno-	
est epar	9.9	stica	5.19
Sanguinea	8.13	Serpentes, vide Reptilia.	
		Serpens nouit incantato-	
		rcm	9.27
		Sermo	

INDEX.

Sermo 9. 20 instrumentum		rum iam corrupta	1. 13
mentis	10. 3	Stannum	6. 12
Seruius Tullius	5. 7	Stellæ 2. 9 & sequent. illarū	
Sexus duplex	9. 6	motus 2. 24 influxus 2. 41	
Siccitas 3. 2 eius effectus	4. 6	& seqq. altitudo à terra, 2	
Sidera	2. 13 & sequent.	37	
Similitudo prolis cum pa-		Stipulæ, virgæ, meteorō	5. 6
rentibus	9. 5	Stolones	7. 3
Silex	6. 8	Stomachus	8. 6
Simplex corpus	2. 1	Stupor ex frigore	4. 5
Sinciput	8. 4	Suaui odor	4. 16
Sirius	2. 15 & cap. 45	Succi	6. 13
Smiris	6. 8	Sudor in balneis	4. 3
Smaragdus	6. 4	Suffrutex	7. 4
Sol 2. 19 mēsurā temporis 1.		Surculi	7. 3
19 cū Luna stetit immo-		Syllogismus practicus	10. 7
tus 1. 5 eius effectus 1. 10		Synterefsis	10. 7
& 2. 43 & 4. 3. 5. 8. 5. 19		T	
Solertia brutorum 9. 24 &		Tactus	9. 18
27		Taurus Zodiaci 2. 16. &	
Somnus	9. 21	42	
Somnia	9. 28	Tempestates	5. 8
Somnus nimius vitæ longi-		Tempus 1. 18 tempus feren-	
tudini obest	9. 12	di vteri	9. 8
Sperma	4. 9	Tenebræ	2. 40
Sphæræ cœlestes 2. 2 & se-		Tenue, calidum	4. 3
quentia		Tenuitas 4. 14 vide etiam	
Spina dorsi	8. 8	Attenuatio	
Spiritus vitalis 8. 2 & 9. 9 in		Terra 3. 11 cur solida 1. 10,	
cerebro ideas format 9. 22		rotunda	1. 12
Splen 8. 10 receptaculum est		Terra mistorum parens 4. 10	
melancholiæ	9. 9	estate turbulentior est 5. 8	
Spongia marina	9. 19	Terrea sicca sunt	4. 6
Squamina	8. 3	Terræ insignes	6. 9
Stirpium consideratio 7. 1 &		Terræ motus 5. 13 sonitus, 5	
sequent. generatio 9. 7 à		18. prognostica	5. 19
Luna incrementum ac-		Testacea animalia	8. 19
ciunt 2. 50 natura illa-		Testæ animalium	8. 3

I N D E X.

Testudines palustres	2.50	Vegetatio	9.3. & 4.3
Thales Milesius	2.41	Veni & falsi notio	10.5
Theamedes lapis	6.5	Vertex capitis	8.4
Themistocles	9.25	Vesica	8.10
Thetys	9.9	Vinum aquæ supernatat	3
Thorax	8.7	nouum cur efferueat	
Thraces	9.25	Violaceus color	4.19
Ticinus	3.10	Vigor fidus	2.16 & 4.2
Tonitru	5.18	Viridis color	4.19
Topazius	6.4	Virilitas	9.11
Torrída à putredine immu-		Visio	9.28
nia	4.11	Visus	9.14
Trachea	8.6	Vita quid 4.3. eius longitudo	
Tranquillitas aëris	5.8	& breuitas	9.12
Trigonum fidus	2.14	Viuum corpus	7.1
Tristitia	9.30	Vmbra 2.40. grauis	4.3
Tropici circuli	2.6	Vmbilicus	8.7
Truncus pars stirpis 7.3 ho-		Vngues	8.3
minis	8.6	Voluntas quid 10.10. causa	
Typhon	5.12	contingens	1.6
V		Voluptas	9.29
Vacuū <i>te. lib. 9. 10.</i>	3.6	Volatus	8.13. & 9.19
Vapor.	5.2	Vox	9.25
Venus	2.22 & 4.2	organa	8.6
Ventorum consideratio	5.9	Vrinarij canales	8.10
& sequent. prognostica		Vrfa maior & minor	2.14
5.19		Z	
Venæ	8.2	Zephyrus	5.10. & 11
Venter	8.7	Zodiacus	2.5 & 16
Ventriculus	8.10	Zonæ quinque	3.5

F I N I S.



